

# *NY FIAMPANGANA*

 Misaotra anao, Rahalahy Neville. Ndao isika hijanona hitsangana fotoana vitsy fotsiny ankehitriny ho an'ny vavaka. Ndao isika hanondrika ny lohantsika. Misy fangatahana voalaza ve, raha azo fantarina amin'ny alàlan'ny fananganantànana izany, amin'Andriamanitra fotsiny, manaovala hoe, "Izaho—izaho..."? Hazony ao an-tsainareo ankehitriny izay—izay tianareo hangatahana Aminy, ary minoa an'izany amin'ny fonareo rehetra, raha manolotra vavaka aho ho anareo, ihany koa.

<sup>2</sup> Ray An-danitra, izahay dia...manisa an'izao ho tena tombontsoa, ny tonga ao an-tranon'ny Tompo, eo amin'ity andro manjombona ity, ka—ka mahita ny Hazavan'ny Zanak'Andriamanitra mamiratra, ary mandre ny Fanahy Masina mihira amin'ny alàlan'ny olona, sy miteny amin'ny alàlan'ny olona, izany fotsiny dia—dia fehezana kely an'ny famirapiratan'ny Zanaka ao anaty. Misaotra Anao izahay ny amin'izany, ilay famirapiratan'ny Zanaka avy any An-danitra manodidina ny fonay. Toy ny ahoana no isaoranay Anao ny amin'izany! Ankehitriny izahay dia...

<sup>3</sup> Nanangana fotsiny ny tânany ny Olonao ao amin'ity fiangonana ity, fa manana fangatahana izy ireo, ka irian'izy ireo mba Ianao no hamaly azy ireo amin'izao maraina izao. Ary mivavaka aho, Ray, mba Hanekenao ny tsirairay avy amin'ireo fangatahan'izy ireo. Misy maro be, misavovona eto amin'ny latabatra, ary fangatahana maro be na aiza na aiza, an'ireo olona marary, mijaly; ny antso an-telefaona, avy any lavitra, eo amin'ny dimampolo eo isan'andro. O Andriamanitra, inona no hataonay? Tariho fotsiny izahay, Tompo. Izahay—izahay dia tsy mahafantatra hoe lâlana inona no haleha na inona no hatao, fa Ianao no afaka mitarika amin'ireo zavatra ireo, ary mivavaka izahay mba Hanekenao an'izany ho anay. Satria, izany no—izany no fikasanay, Tompo, fa ny fiainana izay anananay eto an-tany dia nomena anay avy Taminao, ary tianay ny hampiasa an'izany mba hanajana Anao. Ankehitriny Ianao no hitari-dàlana anay ao amin'ireo zavatra ireo, Ray.

<sup>4</sup> Tahio izahay androany raha miangona miaraka mba handre ny Tenin'ny Tompo, mba hihira an'ireo hira, mba hanolotra vavaka. Henoy ny vavakay. Mifalia miaraka aminay ao amin'ny hiranay, ka mitenena aminay amin'ny alàlan'ny Teny, fa mangataka an'izany amin'ny Anaran'i Jesosy izahay. Amena.

Mahazoa toerana.

<sup>5</sup> Izaho dia tsy mahita toerana iray mihitsy izay heveriko ho tombontsoa lehibe kokoa hijoroana, noho ny mitsangana eo

amin'ny—eo amin'ny polipitra, mba hamaky an'ilay Mofon'Aina ho an'ny vahoaka iray miandry, noana, mangetaheta. Ary tombontsoa iray lehibe izao.

<sup>6</sup> Voalohany, tiako ny hanontany raha—raha eto ny fianakaviana Wright, Hattie na Orville, na hafa? Hattie. Miaraka aminao ve Orville, ry Hattie? Eny, anontantio azy raha handalo any an-trano izy, avy hatrany, mikasika an'izay noteneniko taminy, fantatralo. Mankanesa any an-trano, raha afaka izy. Adinoko ny nitondra an'ilay izy niaraka tamiko, amin'izao maraina izao, zavatra ho an'ireo alika keliny izay ananan'izy ireo any. Noho izany izaho—izaho fotsiny... Raha sitrakareo, dia mandalova any an-trano avy hatrany rehefa ianareo ho an'ny—ho an'ny foto—... aorian'ny fotoana.

<sup>7</sup> Ary ankehitriny, Edith, rahavavin'i Hattie, izay fantantsika fa ilay zazavavy kely izay nandringa hatramin'izy mbola—mbola zazakely. Ary vehivavy iray izy ankehitriny, ary ao amin'ny toe-batana tena ratsy izy. Ankehitriny aho, teo amin'ny herintaona lasa izay, nandeha tany aho rehefa tratry ny fihetsehan'ny aretiny voalohany izy, ary dia hitako avy hatrany hoe inona ilay olany, noho ny fanampiana sy ny fahasoavan'Andriamanitra. Ankehitriny, raha ny marina, inona ilay olana amin'io zaza io...

<sup>8</sup> Mipetraka izy, ireo rantsam-batany dia miraikitra, ary tsy afaka manokatra azy ireo izy, izany dia noho ilay hery manosika goavana be ao amin'ilay—ilay fiasan'ny ozatra. Fa, ilay izy dia, tsy misy na inona na inona ratsy ny ara-batan'io zaza io, afa-tsy ilay fampahorian'ny paralisisan-jaza fony izy teo amin'ny enim-bolana teo. Nikiakiaka sy nitomany izy nandritry ny fiainany rehetra, saiky, hany ka... Nivavaka ho azy isika taona maro lasa izay, ary—ary nanomboka tamin'izany dia faly izy, hatramin'ny herintaona teo izao.

<sup>9</sup> Ary ankehitriny dia tena fitsaha-jaza ilay izy. Amin'ny teny hafa, dia ilay fiovan'ny fiainany, sy ireo ozany no ao anatin'ny toerana goavana be. Ary ilay ramatoa kely dia nihevitra tao antsainy fa hoe ho faty izy, izy dia—izy dia tsy ho velona mihitsy, afaka adin'ny iray fotsiny. Ary fantatralo. Fa ireo vehivavy salama, matanjaka dia mandalo fotoan-tsarotra, indraindray dia tsy maintsy mahazo tsindrona hormôna, ary—ary mandeha any amin'ny trano fitsaboana, ka manao an'ireo fitsaboana arapanairana sy ny sisa, mandritran'io fotoana io.

Ny olombelona dia manana fiovam-piaianana anankiroa.

<sup>10</sup> Manana fiovana izy ireo avy eo amin'ny zazalahy iray mankany amin'ny—ny lehilahy iray; avy eo amin'ny vehivavy iray... avy eo amin'ny zazavavy iray mankany amin'ny vehivavy iray. Eo amin'ny enina ambin'ny folo, fito ambin'ny folo taona, dia tahaka ny andiana mpanidintsidina fotsiny izy ireo. Ary—ary raha afaka miaritra azy ireny fotsiny ianareo mandritran'io

taona io. Manana zanakavavy iray ao amin'izany taona izany aho izao ankehitriny izao, Rebekah. Mivavaha ho azy. Ary i Billy, oh, ny tsirairay avy amintsika, dia mandalo eo amin'izany taonam-pikorontanana kely izany. Ary—ary noho izany dia tsy maintsy miaritra azy ireny isika, mahafantatra fa izany dia zavatra izay—izay izy ireo—tsy maintsy handalovan'izy ireo.

<sup>11</sup> Ary ankehitriny, Edith, miaraka fotsiny amin'io fiovan'ny—an'ilay—an'ilay fito taona. Isaky ny fito taona, dia miova ny fiainanareo. Noho izany ilay fito im-pito, hitanareo, ary—ary izany no manao an'ilay izy ho sarotra kely, ary fiovana tanteraka izany. Ary izany—izany no manelingelina an'ireo vehivavy. Ireo lehilahy mazâna dia manana karazana hadalana hafahafa mandritran'io fotoana io, ary indraindray dia mandao ny vadiny. Fa ny vehivavy dia—dia tsy mahavokatra aorian'io. Ary isika rehetra dia mandalo amin'izany daholo, ary tsy maintsy mahatsiaro isika fa izany dia zavatra izay tsy maintsy iarahantsika mitondra, ary mahazo an'ireo zavatra ireo.

<sup>12</sup> Ary i Edith kely dia ao amin'izany toerana izany, ary very lanja betsaka izy, ary miha-ratsy izy. Ary—ary—ary lazaiko anareo, indray hariva, tsy isika rehetra akory, fa dia kely iray mankany fotsiny . . . Mipetraka miaraka aminy izy ireo, andro aman'alina. Ary dia—dia kely iray mankany avy eto amin'ity tabernakla ity sy—sy ireo tabernakla hafa, ireo—ireo tabernakla rahavavy eto, ny sasany aminareo olona mankanesa any dia jereo ny fianakaviana Wright. Azoko antoka fa hankasitraka an'izany izy ireo. Mandehana fotsiny any, mipetraha miaraka amin'izy ireo vetivety, sy miresaha amin'izy ireo, raiso ny tànan'izy ireo, ary tsy misy afa-tsy famangiana ara-tsakaiza kely fotsiny.

<sup>13</sup> Isika—isika dia tena mora manadino an'izany, fantatrareo. Ary rehefa tonga eo amin'ny tokantranantsika manokana ilay izy, amin'izay fotoana izay dia ankasitrahantsika izany. Ary tokony hahatsiaro isika, fa ireo hafa dia mankasitraka an'izany, ihany koa. Ary ny fianakaviana Wright, azoko antoka, dia hankasitraka an'izany. Izaho—izaho dia mahafantatra fa hanao an'izany ianareo raha efa fantatrareo fa misy izany toe-javatra izany. Saingy tsy fantatrareo ilay izy, koa dia—noho izany no nilazako taminareo izao maraina izao, ho an'izany.

<sup>14</sup> Mandehana ka vangio ny fianakaviana Wright, ary miezaha mankahery an'i Edith. Ankehitriny, aza miteny aminy hoe miha-ratsy izy. MItenena aminy hoe "miha-tsara" izy, izy dia "hiha-tsara." Fa, ho tena tsara izy raha manohy manohana azy isika. Izany no maha-eto antsika. Anabavintsika izy, ary—ary eto isika hanohana an'io zaza io ao amin'ireo fotoana ireo. Tahaka ahy mila olona iray mihitsy hanohana ahy sy hivavaka rehefa nandalo an'ireo fizahan-toetrako aho, ary ianareo mila olona ho an'ny anareo.

<sup>15</sup> Ary—ary ny fianakaviana Wright dia efa—efa ela...iray amin'ireo mpikambana tranainity indrindra izay tonga eto amin'ity favoriana ity. Izy ireo, heveriko, sy Rahalahy Roy Slaughter sy Ranabavy Slaughter. Nahita azy ireo aho fotoana vitsy lasa izay, nanofahofa azy ireo rehefa niditra izy ireo. Nieritreritra aho, ny tenako, rehefa nitondra fiara nanodidina ny zorony hoe, "Firy taona izay no nahitako an-dRahalahy sy Ranabavy Slaughter maka ny toeran'izy ireo ato amin'ity fiangonana ity, teo amin'ireo ambony-sy-ambany, nefo mbola manohy foana?" Ary ny fianakaviana Wright, sy ny toy izany, mankasitraka an'ireny olona ireny ianareo, hitanareo. Ary ndao isika—ndao isika haneho ny fankasitrakantsika amin'izy ireo.

<sup>16</sup> Ankehitriny, androany, dia manana Hafatra iray lava aho. Izany dia eo amin'ny fiampangana iray.

<sup>17</sup> Ary—ary avy eo, rahariva, reko fa hisy fandraisana sy fanasan-tongotra, sy ny sisa. Noho izany dia hiresaka ny pasitera, ary isika dia hanana...ho avy isika. Ary raha ianareo—raha eto amin'ny manodidina ianareo, dia tongava ary mifalia amin'ny—ny hafatra avy amin'ny pasitera, avy amin'ny Tompo, ary koa avy amin'ny fanasan-tongotra sy ny—sy ny fandraisana, rahariva. Izany dia ho—ho hariva mavesatra tokoa, noho izany dia ho faly izahay hanana anareo, raha tsy manana toerana hafa haleha ianareo.

<sup>18</sup> Ary te-hankasitraka an'i Don Ruddell isika, sy—sy ny rahalahintsika, sy Rahalahy Jackson. Ary—ary ireo rahalahy ireo dia rahalahintsika, fiangonana rahavavintsika izay mikambana. Rahalahy Jack Palmer io eto io, izay mihazona ny—ny vondrona any Georgia. Ary isika—isika—isika dia te-hankasitraka an'ireo lehilahy rehetra ireo amin'ny fontsika rehetra. Fa, amin'ny fotoana anaovantsika favoriana, rehefa miditra aho, dia izy ireo—izy ireo no tonga mamangy antsika, ary mankasitraka an'izany isika.

<sup>19</sup> Mahita aho, izao maraina izao, ny sakaizako tsara, Dokotera Lee Vayle sy ny vadiny. Ranabavy Vayle no fantattro teo, voalohany, ary nanohy njery manodidina aho mba hahita hoe aiza i Rahalahy Lee. Ary izaho dia manana ny, arak'ilay fiteny Tatsimo tranainity hoe, "goaika iray hitsaingoka azy," hitanareo, na oviana na oviana hahazoako azy. Niandry azy aho isan'andro, tao amin'ilay fihaonam-be, mba ho tonga tany hanampy ahy. Dia hoy aho hoe, "Eny, raha tonga i Lee, dia asaiko mitory teny izy, ary izaho hanao vavaka ho an'ny marary fotsiny." Ary nampiantsoanay izy, sy ny sisa hafa, nefo tsy afaka nahita azy mihitsy. Noho izany, izaho dia—izaho dia, ananako ilay izy, ilay goaika hitsaingoka azy, rehefa hiresaka aho. Faly isika manana an-dRahalahy sy Ranabavy Vayle, izao maraina izao.

<sup>20</sup> Ary angamba misy maro eto izay tsy azontsika. Mahita anabavy iray aho eto, mino aho, avy any Chicago. Izaho

tsy mahay...Fantatro ilay vondrona eto, saingy tsy haiko ny miantso marina ny anaran'izy ireo. Noho izany isika—isika dia mankasitraka azy ireo avy any rehetra any, na avy aiza na avy aiza ianareo.

<sup>21</sup> Hitako ireo rahalahy eto, lehilahy tanora anankiroa izay tokony ho voatendry (tanora ao amin'ny asam-panompoana, fara-faharatsiny) izao maraina izao. Anankiroa, ireo rahalahintsika maity hoditra avy any New York, dia vao avy nahazo ny fanendreny tamin'ny alàlan'ny fiangonana Filadelfiana, ary nilaza fa avy tamin'ity fiangonana ity izy ireo. Ary hametra-tànana amin'izy ireo isika, mba hitahian'Andriamanitra ny asam-panompoan'izy ireo any New York. Manana fiangonana roa na telo isika any, mino aho. Rahalahy Milano no manana ny anankiray amin'ireo vondrona kely ireo any, ary isika dia...mankasitraka azy ireo isika. Ary—ary indro mbola misy anankiroa ankehitriny hanao, banana asa ho an'ireo olona any. Ary isika—isika dia mankasitraka an'ireo zavatra ireo.

<sup>22</sup> Ny Tompo anie hitahy betsaka anareo. Tena maro; mijery manodidina aho ary mahita samihafa, ary tsy hainareo fotsiny ny hiantso ny anaran'izy rehetra, saingy fantattro fa Iz y dia mahafantatra.

<sup>23</sup> Ankehitriny, mino aho, raha ny anabavintsika, ilay mpitendry piano, na ny iray amin'izy ireo no ho avy eto ka hitendry ho antsika.

Rehefa nikasika an'ilay mpaminany ny  
Afon'arina,  
Nanao azy hadio dia hadio arak'izay tratrany,  
Ary rehefa ny tenin'ny...feon'Andriamanitra no  
nanao hoe, "Iza no handeha ho anay?"  
Dia namaly izy hoe, "Inty aho, iraho aho."

<sup>24</sup> Fa, isika dia manendry an'ireo mpitoriteny ireo amin'ny fametrahan-tànana. Ankehitriny, isika dia mahafantatra fa ny fomba fanendrena ara-tSoratra ny mpitoriteny iray dia ny fametrahan-tànana. Heveriko fa teo ireo rahalahintsika Fara-Orana, na ireo olon'ny Battleford, sy ny sisa, no nisavoritaka; ary rehefa hitan'izy ireo fa, ny fametrahan-tànana, dia fampitâna fanomezam-pahasoavana ara-panahy. Ankehitriny, isika dia tsy mino fa ny fanomezam-pahasoavana dia tonga amin'ny alàlan'ny fametrahan-tànana. Isika dia mino fa ny... ny fametrahan-tànana dia fankatoavana an'izay efa hita. Hitanareo? Izany dia "amena." Hitanareo?

<sup>25</sup> Ankehitriny, rehefa nametra-tànana tamin'i Timoty izy ireo, sy teo amin'ireo rahalahy, dia voamarik'izy ireo fa efa tao amin'ireo lehilahy ireo ilay fanomezam-pahasoavana. Tsarovy, "Velomy ilay fanomezam-pahasoavana izay tao anatinao, avy tamin'i Loisa renibenao." Ary hitan'izy ireo tao amin'i Timoty

izany, ka noho izany dia nametra-tànana taminy ireo loholona ary nanendry azy. Tsy hoe mameatra-tànana eo amin'ny olona iray izay tsy nanana na inona na inona mba ho voaseho mialoha, hitanareo. Ary nangataka ny tso-drano fotsiny izy ireo. Ary mino an'izany isika rehetra. Noho izany dia tsy mampita an'ireo fanomezam-pahasoaavana ireo isika; mahafantatra azy ireny fotsiny isika, ary mameatra-tànana amin'izy ireo, ho funkatoavana azy ireo, mba hinoantsika fa Andriamanitra no nanao an'ireo zavatra ireo ho an'ny olona.

<sup>26</sup> Voamariko, izao maraina izao, iry amin'ny farany indrindra iry, Rahalahy McKinney avy any... Mino aho fa i Kinney io na McKinney, ilay mpitoriteny Metodista mipetraka etsy io, izay voatendry vao tsy ela teto, ihany koa, mino aho fa marina izany, teto amin'ny lampihazo; mba handaha-teny any Ohio any, miaraka amin-dRahalahy Dauch sy Ranabavy Dauch, ary ny vondrona avy any Ohio.

<sup>27</sup> Oh, rehefa miara-mivory isika, ireo toerana kely ireo no tonga miaraka, dia mahafinaritra ilay izy. Tsy misy anarampiangonana; tsy misy fatorana amin'inona na inona, afa-tsy amin'i Jesosy Kristy irery ihany, izay ihany, hitanareo, izao fotsiny "miara-mipetraka ao amin'ireo toeran-Danitra."

<sup>28</sup> Eny àry, ranabavy, raha hanome anay ianao... Ndao isika hihira an'ity andininy anankiray ity amin'ny hoe, "Rehefa nikasika an'ilay mpaminany ny Afon'arina." Ndao iarahantsika mihira izany ankehitriny.

Rehefa nikasika an'ilay mpaminany ny  
Afon'arina,  
Nanao azy hadio dia hadio arak'izay tratrany,  
Rehefa ny feon'Andriamanitra no nanao hoe, "Iza  
no handeha ho anay?"  
Dia namaly izy hoe, "Inty aho, iraho aho."

Mitenena, ry Tompoko, mitenena, ry Tompoko,

Ankehitriny dia hanatona ireo rahalahy, raha sitrakareo.

... dia ho haingana aho ny ha-...

<sup>29</sup> Aoka handroso ireo rahalahy mpitoriteny hafa, raha sitrak'izy ireo, mba hametra-tànana amin'izy ireo. "...ry Tompoko..." Ireo mpikambana amin'ny tabernakla eto, Rahalahy Ruddell, Rahalahy Lamb, sy izy ireo. Eto mihitsy, raha sitrakareo.

...ary izaho hamaly hoe, "Tompo, iraho aho."

Moramora ankehitriny, azafady.

Oh, an-tapitrisany ankehitriny no maty ao amin'ny ota sy henatra;  
 Henoy ny antson'izy ireo mampalahelo sy mangidy;  
 Haingàna, rahalahy, haingàna ho amin'ny fanafahana azy ireo;  
 Mamalia haingana hoe, "Tompo, inty aho."

Mitenena, ry Tompoko, mitenena, ry Tompoko,  
 Mitenena, dia ho haingana aho hamaly Anao;  
 Mitenena, ry Tompoko, mitenena, ry Tompoko,  
 Mitenena, dia izaho hamaly hoe, "Tompo, iraho aho."

<sup>30</sup> Iza no anaranao, rahalahy? [Hoy ilay rahalahy hoe, "Orlando Hunt."—Mpand.] Rahalahy Orlando Hunt, avy any New York City. Marina ve izany? Ary Rahalahy...[Hoy ilay rahalahy anankiray hoe, "Joseph Coleman."] Joseph Coleman.

Ankehitriny raha hitodika any amin'ny mpanatrika fotsiny ianareo, ry rahalahiko.

<sup>31</sup> Ny Rahalahy Hunt sy Rahalahy Coleman, antson'Andriamanitra anankiray no eo amin'ny fon'izy ireo. Ary satria vao avy nihira an'ilay hira isika hoe, "Misy an-tapitrisany ankehitriny ao amin'ny ota sy henatra, no maty." Efa ren'izy ireo ilay antso mampalahelo sy mangidy. Ary mangataka amin'izy ireo isika: haingàna, rahalahy, haingàna ho amin'ny fanafahana azy ireo! Hitanareo, mamalia haingana hoe, "Tompo, inty aho." Izany no fomba hamalian'izy ireo, izao maraina izao.

<sup>32</sup> Ary satria isika, amin'ny maha-rahalahy an'ity fiangonana ity, sy ity vondrona ity, dia mankatò an'izany, amin'ny fametrahana ny tânantsika eo amin'izy ireo ka manolotra azy ireo ny tânana ankavanana'ny fiombonana, mba ho vavolombelon'i Jesosy Kristy, miaraka amin'ny fanohanantsika eto, hoe isika dia manohana azy ireo amin'ny zavatra rehetra izay mendri-kaja sy marina, ao amin'ny Filazantsara. Ny fivavahantsika dia ho an'ireto lehilahy ireto tsy an-kitsahatra, mba hampiasan'Andriamanitra azy ireo hanaja Azy. Ary enga anie ireo asam-panompoany ho ambinina sy ho lehibe any New York. Enga anie ireo—ireo fiaianany ho feno asa ho Azy, mitondra an'ireo amboara ho an'ilay Fanjakana. Enga anie izy ireo ho ela velona, fiainan-tsambatra. Enga anie ny Tompo Andriamanitra hanohana azy ireo amin'ny Fanatrehany mandrakizay, sy hanome azy ireo fahasalamana sy tanjaka, ka hitahiry azy ireo ao amin'ny Asany mandra-piantson'i Jesosy Kristy azy ireo ho any amin'ny Tranony Mandrakizay ao amin'ny Lanitry ny fitsaharana.

<sup>33</sup> Aoka ity fiangonana ity ankehitriny... raha manondrika ny lohantsika isika, ary izahay mpitoriteny handroso mba hametra-tânana amin'izy ireo.

<sup>34</sup> Rainay An-danitra, mameetraka ny tanganay eo amin-dRahalahy Hunt izahay, amin'ny Anaran'ny Tompo Jesosy Kristy, izay araka ny fahafantaranay azy, Tompo, fa marina. Ary misaotra Anao izahay ny amin'izany antso izany ao amin'ny fiainany, an'ilay asam-panompoana. Tompo, mitenena amin'ny alalan'ity rahalahy ity, mahazoa fanahy, mitondrà fanafahana, Tompo, ho an'ireo izay ao amin'ny fahababoana, dia ny aretina sy-sy ara-tsaina, ary ara-batana sy ara-panahy. Tompo, omeo tena asam-panompoana iray izy, mba hahafahany, any amin'ilay faran'ny lalany, hitodika amin'ilay lalana lava ka hahita fa nahavita izy, noho ny fahasoavan'Andriamanitra, nahasambotra ny fahavaloo rehetra. Amin'ny alalan'i Jesosy Kristy Tomponay, no angatahanay an'izany. Amena.

<sup>35</sup> Eo amin-dRahalahy Coleman dia apetrakay koa ny tanganay, ho vavolombelona, Tompo, mba hanome fankatoavana ho an'ny antsony, ka izahay, ity fiangonana ity, ity vondron'olona ity, dia mino azy ho mpanompon'i Kristy. Ary mangataka izahay mba Hitahianao azy ka hanome azy asam-panompoana lehibe, mahery, mba hahazoany fanahy ho Anao, Tompo, sy hanafaka ny babo, ary—ary handrava an'ireo herin'i Satana, manodidina an'ireo olona izay ikambanany. Omeo azy, Tompo, ny fiainana mahavokatra, fahasalamana tsara sy fahatanjahana. Ary, ihany koa, rehefa tonga eo amin'ilay faran'ny lalana izy, Andriamanitra, dia ekeo mba hahafahany hitodika amin'ny lalana lava ka hahita eo, noho ny fahasoavan'i Jesosy Kristy, fa nahavita nanapaka ny rojon-gadra rehetra an'ilay fahavaloo izy, ho an'ny voninahitr'Andriamanitra.

<sup>36</sup> Ray An-danitra, enga anie ireto lehilahy ireto ankehitriny tena hiaina sy hiasa ao amin'ilay fijinjan'Andriamanitra. Enga anie ireo Fitahianao hitoetra eo amin'izy ireo ary homba azy ireo mandra-pahatongan'ny fotoana izay hiangonanay rehetra eo antongotrilay Tomponay lehibe. Amin'ny Anaran'i Jesosy Kristy no angatahanay an'izany. Amena.

<sup>37</sup> Andriamanitra hitahy anao, Rahalahy Hunt, hanome anao asam-panompoana mahavokatra. Andriamanitra hitahy anao, rahalahy, ka hanome anao ny—ny asam-panompoana mahavokatra, ihany koa, Rahalahy Coleman. Andriamanitra hitahy anao. Indray mandeha:

Rehefa nikasika an'ilay mpaminany ny  
Afon'arina,  
Nanao azy hadio dia hadio arak'izay tratrany,  
Rehefa ny feon'Andriamanitra no nanao hoe, "Iza  
no handeha ho anay?"  
Dia namaly izy hoe, "Inty aho, iraho aho."  
  
Oh, mitenena, ry... (Enga anie Izy hiteny  
amin'ireo fo tanora maro.)... mitenena, ry  
Tompoko, (Nantsoin'Andriamanitra!)

. . . dia ho haingana aho hamaly Anao;  
 Mitenena, ry Tompoko, mitenena, ry Tompoko,  
 Mitenena, dia izaho hamaly hoe, “Tompo, iraho  
 aho.”

<sup>38</sup> Toy ny ahoana no issaorantsika ny Tompo izao maraina izao ho an’ity voninahitra lehibe ity, an’ny fiangonana izay vavolombelon’ny fanirahana mpitoriteny any amin’ny saha amin’izao andro farany izao. Ny fahasoavan’Andriamanitra anie homba anareo, ry rahalahiko! Manantena aho fa Izy no maniraka anareo amin’ireo saha hafa sy manerana an’izao tontolo izao, mitory an’ity harena tsy hita pesipesenina an’i Jesosy Kristy ity, izay tena manana ilaina. Tena manana ilaina, izao tontolo izao ankehitriny.

<sup>39</sup> Ankehitriny, maro ireo zavatra tsara, isika dia tokony haka kely fotsiny *eto* ary kely *etsy*, mba hampiditra azy rehetra ao amin’ny asa izao maraina izao. Ankehitriny androany isika dia . . . Hiresaka aho eo amin’ny lohahevitra iray izay izaho. . . . Matetika aho dia tsy tia manatona an’ireo fotoana tena mampahatahotra.

<sup>40</sup> Ankehitriny, tamin’ny Alahady lasa, raha tsy teto ny sasany aminareo ary—ary tsy nahazo an’ilay Hafatra hoe *Ny Fifindrana Fahatelo*; ary raha tianareo ilay horonam-peo, mino aho fa hahafaly anareo io anankiray io, *Ny Fifindrana Fahatelo*.

<sup>41</sup> Inona no ananantsika, zazalahy marary eto, sa zavatra hafa? Oh, zazalahy kely, mandringa. Hia. Enga anie Andriamanitra hitahy azy. Izany ilay izy. Eny àry. Amin’ny faran’ny fotoana fotsiny, dia hivavaka ho an’ny marary isika, na izany aza, hitanareo. Noho izany isika, ankehitriny, isika dia . . .

<sup>42</sup> Mangataka aminareo izahay, angamba raha afaka ianareo, ny haka an’ilay Hafatra, eo amin’ny *Ny Fifindrana Fahatelo*, ilay fotoana fahatelo ka ilay Hazavana, ilay Anjelin’ny Tompo izay niantso ny vahoaka ho amin’ny fifindrana iray, dia naneho ny Tenany ho hita maso teto an-tany, tao amin’ny fifindrana iray. Hitanareo? Heveriko fa tena malaza izany, ho ahy: ny fifindrana fahatelo!

<sup>43</sup> Tsy mampaninona anareo ve raha manala ny palitaoko aho? [Hoy ny fiangonana hoe, “Tsia.”—Mpand.] Tena mafana be ato amin’ny tabernakla izao maraina izao, ary ny milina manome rivotra tokana izay ananantsika dia—dia izany no hahafahantsika mikopakopaka. Tsy maintsy mamokatra ny herinareo manokana ianareo. Noho izany dia mandamina izahay, indray andro any, dia hametraka fitaovana mampangatsiaka ato, vantany vao voalaminay ireo zavatra ireo.

<sup>44</sup> Ankehitriny, dia hanksitrahany, raha ianareo—raha tianareo ny—ny handre an’ilay Hafatra, *Ny Fifindrana Fahatelo*. Ankehitriny, efa nanana fifindrana maro isika, saingy afaka mametraka ny tànantsika tanteraka isika eo amin’ilay toerana,

fotoana, an'ireo fifindrana telo ireo izay Andriamanitra, tao amin'ny endrika Andry Afo iray, no nidina mba hiantso sy hanavaka ny olona. Ary ankehitriny dia fanavahana ny olona izany.

<sup>45</sup> Ary hitantsika fa, rehefa niantso ny Fifindrany voalohany Izzy, dia nandeha teo anoloan'izy ireo Izzy tao anatin'ny Andry Afo iray, ary namela azy ireo ho...nitarika azy ireo ho any amin'ny tany iray izay Nisehoany teo anoloan'izy ireo taty aoriana, tao amin'ny endrika Lehilahy iray nantsoina hoe Jesosy Kristy. Avy tamin'Andriamanitra Izzy, ary lasa any amin'Andriamanitra. Ary ny...avy eo dia nolavina Izzy. Ary tonga Izzy avy eo mba hiantso vahoaka iray hivoaka avy tao amin'ny—avy tao amin'ny toerana ara-pototra iray izay nidiran'izy ireo, tahaka an'izay nananan'izy ireo tany Egypta, nanolo-tena ho an'ny ota sy ho an'ireo—ireo fomban'ny Egyptiania. Ary niantso azy ireo hivoaka Andriamanitra.

<sup>46</sup> Ary ankehitriny dia hitantsika, ny fotoana faharoa, dia nanolo-tena teo ambanin'ny fahababoana teo amin'ny—ny Fanjakana Romana izy ireo. Aryniditra tao amin'ireo fanekem-pinoana izy ireo ary nanalavitra an'ilay tena fahatsoram-pon'ny fanompoana, ary nandefa fifindrana iray hafa indray Andriamanitra. Ary ny...Niseho tao amin'ny endrika Lehilahy iray Izzy izay nitarika olona.

<sup>47</sup> Tao amin'ny fifindrana voalohany, dia Andry Afo iray Izzy. Avy eo, rehefa tonga teto an-tany Izzy, tao amin'ilay tany izay Nitondrany azy ireo. Tandindona iray mahafinaritra toy ny inona izany ao amin'ilay Arivo taona, izay Itarihany an'ilay Fiangonana ankehitriny. “Hahita Azy isika amin'ny maha-izy Azy, ary handray vatana iray tahaka ny Vatany Manokana be voninahitra isika.”

<sup>48</sup> Ary amin'izao andro izao, amin'ny alàlan'ny Hazavan'ny Filazantsara mitaratra avy eo amin'ny Hazavana iray, Andry Afo iray hita maso eo anivontsika! Nahita an'Izany ny siansa. Ao amin'ireo magazina Izany, ary manerana an'izao tontolo izao. Ary Izany dia, sady ara-tsiansa no ara-panahy, fantatra fa ilay Andry Afo iray ihany, tamin'ny alàlan'ireo famantarana mitovy sy ireo zavatra mitovy amin'izay Nataony foana. Ary ankehitriny eo afovoan'ireo andro izay misy fanatisma betsaka sy ny sisa, kanefa, dia mbola maneho ny Tenany foana Andriamanitra. Hitantsika izany.

<sup>49</sup> Ary zavatra lehibe toy ny inona ny mahafantatra fa, “Ity tabernakelin’ny tany ity, indray andro any,” ity vatana mahia ratsy ity izay mampaharary sy mampahory antsika, “dia hovaina ary hatao hitovy amin’ny Vatany Manokana be voninahitra; avy eo dia hahita Azy isika amin’ny maha-izy Azy,” ary hiaraka Aminy ao amin'ilay Tany izay izorantsika amin'izao andro izao. Oh, izaho dia...saiky manao antsika hitsangana sy hihira ny

*Mizotra Ho Any Amin’Ilay Tany Nampanantenaina Aho.* Mety hihira an’izany izy ireo amin’ny asa fanaovana batisa, na izany aza, satria izany no hiran’ny batisantsika.

<sup>50</sup> Ankehitriny ho an’ireo rahalahy, ny eto sy any amin’ny tany izay andehanan’ireo horonam-peo, ary izany dia manerana an’izao tontolo izao. Ireto Hafatra ireto dia tsy mikendry olona iray. Ary tsy tianay ny olona hihevitra fa izahay dia karazana antoko iray, na andiana fanaticika iray izay mampivory ny tenanay miaraka, “mba hampisaraka ny tenanay, toy ny hoe, tsy manana Finoana,” na mampisaraka ny tenanay hanohitra ny olona, na—na hanohitra an’Andriamanitra, na hanohitra ny Fianganana. Ho an’ny Fianganana izahay. Miezaka fotsiny izahay ny hanondro, amin’ny alàlan’ny Fanahy Masina sy ny Fanampiany, ny anton’io fanavakavahana izay ananantsika amin’izao andro izao io. Izahay, izahay dia tsy mino an’io.

<sup>51</sup> Izahay dia mino fa ny fianganana rehetra dia tokony ho fiombonana miaraka, fa tsy manavakavaka; ireo Metodista ho an’ireo vondrony, ary ireo Batista ho an’ny azy, ary ireo an’ny Tokana, sy ireo Triniterana, sy izay ananantsika, dia tafasaraka daholo. Izahay dia mino fa izany dia tokony hiaraka, amin’ny maha-vondrona anankiray lehibe mitambatra an’ilay Vatan’i Jesosy Kristy, miandry an’io Fihaviana be voninahitra io. Tsy tokony hisaraka izy ireo, mihitsy toko.

<sup>52</sup> Ary inona no mampisaraka azy, tena tsy maintsy misy ny antony tsy mampiaraka antsika. Eo am-pandinhana an’izany, dia fantatro, eo am-pandinhana an’izany, dia tsy ireo lokon’ny hodintsika izany; satria, ny mavo, mainty, volontany, ary fotsy, misaraka avokoa ao anatin’ireo rafi-pandaminana samihafa. Tsy ilay karazana sakafo izay hanintsika ilay izy; isika rehetra dia mihinana sakafo mitovy. Manao karazana akanjo mitovy isika, sy ny sisa. Fa hitako izay misy an’ilay izy ara-pototra, dia ny olona no mihataka amin’ilay lèla-masaky ny fampianaran’ny Filazantsara, ny olona tsirairay.

<sup>53</sup> Ary tokony hisy fomba iray mba haneho mazava hoe iza no marina sy diso. Ary ny fomba tokana hany hanaovanareeo an’izany, dia ny tsy mametraka fandikana eo amin’ny Teny, vakio fotsiny Izy araka ny maha-izy Azy ary inoy Izy amin’izany fomba izany.

<sup>54</sup> Ny olona tsirairay dia mametraka ny fandikany irery, manokana, manao an’ilay Izy hilaza zavatra hafa izany, mitondra an’izany miverina any amin’ilay rafi-pandaminana tany am-boalohany an’ny fianganana Katolika. Fa, ny fianganana Katolika dia mino fa Andriamanitra dia ao amin’ny Fianganany, “Ary tsy misy hidiran’ny Teny amin’izany; fa Andriamanitra dia ao amin’ny Fianganany.”

<sup>55</sup> Ary isika Protestanta, araka ny hitantsika, ary araka ny Apokalypsy 17, fa izy rehetra dia manao antontany miaraka, ary

dia ny fiangonana Katolika no “reny” an’ny rafi-pandaminana rehetra. Ary hitantsika fa ny rafi-pandaminana Protestanta, mbola tena jamba, tena jamba, dia manana an’ilay natiora mitovy amin’ny fiangonana Katolika. Ny Baiboly dia miantsy ny fiangonana Katolika hoe “mpivarotena,” ary miantsy ny fiangonana Protestanta hoe, “mpijangajanga,” nilaza fa ny mpivarotena dia “ny renin’ny mpijangajanga.” Ary izany dia olona, izany dia vehivavy ratsy fitondran-tena iray izay tsy miaina mahatoky amin’ny voadim-panambadiany.

<sup>56</sup> Ary isika rehetra dia milaza ho Ampakarin’i Kristy, kanefa dia tena tsy mahatoky. Inona no naha tonga ny tsy fahatokisana? Amin’ny alàlan’ny fiaianana mifanohitra amin’ny—ny fitsipika izay napetrak’Andriamanitra mba hiainan’ny Ampakariny. Izany no hevitro manokana, ny Baiboly, ary Izany no Tenin’Andriamanitra tsy mety diso, mino aho.

<sup>57</sup> Ary, noho izany, dia hitantsika fa ilay fiangonana Protestanta, mba hahazoana rafi-pandaminana iray, dia nampisaraka ny tenany tamin’ny Soratra mihitsy aza, mba hanao ny rafi-pandaminany. Ireo mpitoriteny, voatendry, dia hifikitra amin’ireo zavatra izay izy ireo . . .

<sup>58</sup> Ankehitriny, tonga ao amin’ny biraoko izy ireo ary ao amin’ny efitrano, aman-jatony, ka miteny amiko hoe, “Rahalahy Branham, ianao dia manao an’ireo fihaikana ireo amin’ny olona. Tsy hisy olona hitsangana eo hanohitra an’Izany. Fantatr’izy ireo fa izany no Fahamarinana.”

Nahoana, hoy aho, “Nahoana, nahoana ianareo no tsy manao an’ilay izy?”

<sup>59</sup> “Eny, hitanao, raha manao aho, dia tsy maintsy hangataka ny mofoko aho. Tsy hisy olona intsony . . . Manana asampanompoana iray aho. Tsy maintsy mahazo ny Tompo aho, ary tsy maintsy mahazo ny olona aho. Ary tsy hanana mpanohana aho.”

<sup>60</sup> Mba fantatrareo fotsiny ve fa Kristy no mpanohana anareo! Ny Baiboly no mpanohana anareo. Hitanareo?

<sup>61</sup> Saingy, ilay izy, hitanareo, amin’izay fotoana izay dia izany no manipy ny—ny fiangonana Protestanta tanteraka amin’ilay zavatra tena mitovy amin’ilay fiangonana Katolika.

<sup>62</sup> Ny fiangonana Katolika dia tsy miraharaha . . . Eny, izaho tsy milaza . . . Tsy sahisahy aho manao an’ilay izy, milaza fa izy ireo dia tsy miraharaha an’izay lazain’ny Baiboly. Izy ireo—izy ireo dia mino ny Baiboly, saingy, hitanareo, izy ireo dia manana ny . . . Ny fifandimbiasana apostolika no ifotoran’ny fiangonana Katolika. Izany dia fifandimbiasan’ireo papa, ary miantsy an’i Petera ho papa voalohany, sy ny manaraka. Ankehitriny, izy ireo, izy ireo dia mino an’izany. Izy ireo, izy ireo dia mino marimarina an’izany.

<sup>63</sup> Ary ny Protestanta, hitanareo, izy ireo—izy ireo dia miaramiangona ary manana rafi-pandaminana iray tena mitovy tanteraka amin'izay nataon'izy ireo tany Nise, Roma, izay nandrafetan'izy ireo an'ilay—ilay fiangonana Katolika tamin'ny alàlan'ny... tao amin'ny Fivoriamben'i Nise. Ary hitantsika fa mitovy izy roa ireo. Mitovy izy roa ireo. Navelan'izy ireo ny Tenin'Andriamanitra, mba hanaovana rafi-pandaminana iray. Hitanareo? Ary avy eo rehefa tonga eo amin'ireo Fahamarinana maro lehibe ilay izy izay ohatry ny hafahafa amin'izao andro izao, dia lasa vahiny amin'izy ireo Izany, satria izy ireo dia nampianarina fotsiny tamin'ny alàlan'ny fomba fanao iray.

<sup>64</sup> Isika dia tsy manana fomba fanao afa-tsy ny Baiboly. Isika dia tsy manana afa-tsy ny Tenin'Andriamanitra Masina, ary eo amin'Izany no ijoroantsika.

<sup>65</sup> Ary ankehitriny, androany, dia tiako ny hamaky Soratra iray, iray minitra fotsiny, avy ao amin'ilay Tenin'Andriamanitra masina, sarobidy, hita ao amin'ny Bokin'ny Masindahy Lioka. Ny toko faha-23-n'ny Masindahy Lioka, ho fototra, hahazoana ny—ny foto-kevitr'izay—izay tiako ho lazaina, foto-pisainana iray eo amin'ilay zavatra izay tiako ho resahaha. Ary mamadika ianareo ankehitriny ao amin'ny Masindahy Lioka, ny toko faha-23, ary tiako ny hamaky andininy iray. Izay ihany no ilaiko ho an'ity fototra ity izao maraina izao, hametrahana an'ilay izy. Ankehitriny dia mamaky isika ny faha-20...ny toko faha-23, ary ny andininy faha-33-n'ny toko faha-23.

*Ary izy ireo rehefa...tonga teo amin'ny toerana, izay antsoina hoe Kalvary, dia teo no nanomboany azy, sy ireo olon-dratsy, ny iray teo amin'ny ankavanana, ary ny iray hafa teo amin'ny ankavia.*

<sup>66</sup> Ankehitriny dia tiako ny haka teny efatra avy amin'izany, avy ao amin'izany famakiana izany, ho fototr'izay tiako ho lazaina hoe, “teo no nanomboany Azy,” teny efatra. Ary ankehitriny ny lohahevitra dia antsoina hoe... Izaho—izaho dia hitondra fiampangana iray ho an'ireo fiangonana ara-anarampiangonana an'izao andro izao, ary ny maro amin'ireo tsy miankina ihany koa, nohon'ny fanomboana vaovao an'i Jesosy Kristy indray amin'izao andro izao. Miampanga azy ireo! Izao maraina izao, izany dia antsoina hoe: *Ny Fiampangana*.

<sup>67</sup> Ary tiako ny hampiasa kely an'izany toy ny hoe efitra fitsarana iray ilay izy, izay nisy... Ary na eo aza izany, ny polipitra sy ny fiangonana dia efitra fitsarana iray. Hoy ny Baiboly hoe, “Izany dia toeram-pitsarana iray, ka—ka tsy maintsy manomboka ao amin'ny tranon'ny Tompo izany.” Ary ity dia tahaka ny—ny sez a fiandrianana sy ny—sy ny mpitsara, ary ireo vavolombelona, sy ny sisa. Ary manana aho, androany, ho vavolombeloko, dia ny Tenin'Andriamanitra.

<sup>68</sup> Ary ny fiampangako dia manohitra an'ireo fiangonana an'izao andro izao. Ankehitriny izaho—izaho dia tsy mampiditra ny mpanota ao amin'ity. Miresaka fotsiny an'ity ho an'ilay fiangonana aho. Ary izany dia—izany dia tsy maintsy ho ao anatin'ireo—ireo—ireo horonam-peo ankehitriny, ary izaho—izaho dia hiezaka ny hahavita haingana arak'izay azoko atao. Miampanga an'ity taranaka ity aho noho ny fanomboana fanindroany an'i Jesosy Kristy.

<sup>69</sup> Ary ankehitriny ny fanaovana an'izao ao amin'ity taona izay iainantsika ity, izaho—izaho dia manao an'izao, izaho dia tsy maintsy mampiseho porofo iray. Raha tsy maintsy mitondra fiampangana iray aho, dia tsy maintsy mampiseho porofo iray an'ilay fandikan-dalana izay vita ianareo. Izaho—izaho dia manana, mba hiampangana azy ireo, izaho—izaho dia tsy maintsy mitondra an'ilay—ilay porofo hanaporofoina an'izany, izay ilay izy, ka izay ho lazaiko dia hijoro eo anoloan'ilay tena Mpitsara. Fa, ary maka ny tenako ho mpisolovava aho mba... eo amin'ity fiampangana ity. Ka, ny Tenin'Andriamanitra, no ho vavolombeloko, miampanga an'ity taranaka ity aho noho ny fanomboana.

<sup>70</sup> Tsy maintsy mampiseho aho, ary hampiseho, fa io fanahy iray io ihany no eo amin'ny olona amin'izao andro izao dia ilay nitondra an'ilay fanomboana voalohany, ary manao an'ilay zavatra mitovy. Izaho—izaho tsy maintsy manao an'izany, raha ho fanomboana iray ilay izy, ka tena nanombo izy ireo. Izaho tsy maintsy mampiseho amin'ny—ny olona fa io toetra ao amin'ny olona amin'izao andro izao io ihany no manao an'ilay zavatra mitovy, ara-panahy, izay nataon'izy ireo ara-batana tamin'izany. Izy ireo dia nanombo, ara-batana, an'i Jesosy Kristy, ilay Zanak'Andriamanitra. Ary ankehitriny, amin'izao andro izao, amin'ny alàlan'ilay Teny iray ihany, sy amin'ny alàlan'ilay—ilay Fanahy Masina iray ihany sy ny Teny tsy miova, izaho—izaho dia maniry ny hampiseho amin'ireo fiangonana fa eo—eo no mijoro izy ireo, ka manao an'ilay zavatra mitovy izy ireo amin'izao andro izao, ary ny Baiboly no nilaza fa hanao an'izany izy ireo, sy manaporofa fa izany dia izao andro izay iainantsika izao.

<sup>71</sup> Tsy azo natao ilay izy taona vitsy lasa izay. Ataoko hoe, dimampolo taona lasa izay dia tsy azo natao ilay izy, fa amin'izao andro izao kosa dia tena araka ny fotoana ilay izy. Ary tsy azo natao ilay izy, angamba, folo taona lasa izay, fa azo atao ilay izy amin'izao andro izao satria ilay—ilay fotoana dia tapitra. Isika dia—isika dia eo amin'ny fotoana farany. Ary mino aho, amin'ny maha-Mpanompony, fa isika dia—isika dia efa hiampita hiala amin'ity tany ity, ho any amin'ny Hafa iray.

<sup>72</sup> Noho izany, ny fotoan'ny fibebahana, ho an'ny firenena, dia efa lasa. Mino aho fa ity firenena ity dia tsy afaka mibebaka. Mino aho fa efa niampita an'ilay tsipika manelanelana ny

famindram-po sy ny fitsarana izy. Mino aho fa mitsingilahila eo amin'ny fandanjana izy.

<sup>73</sup> “Rahalahy Branham, alohan’ny hanombohanao ny raharahanao, ahoana no hanaporofoinao an’izany?”

<sup>74</sup> Izao fotsiny, hoe isika dia meloka tamin’ny fahotana mitovy tamin’izay nandravan’Andriamanitra an’izao tontolo izao, tao anatin’ny safo-drano. Isika dia meloka tamin’ny fahotana mitovy tamin’ny Nandravany ny tany tao Sodoma sy Gomora. Ary, ankehitriny, ary manana ny porofo ara-panahy rehetra mitovy isika mipetraka eto anoloantsika eto, ilay porofo ara-panahy rehetra mitovy, ampahafantarina an’izao tontolo rehetra izao, izay nampidina an’ireo famindram-pon’Andriamanitra teo amin’ireo taranaka ireo. Izany, ihany koa, ho an’ny mandà, no nitondra fitsarana. Noho izany raha nandà an’ilay famindram-po izay nahifika tamin’izany andro izany ity taranaka ity, dia tsy ho marina Andriamanitra raha hamela azy ireo ho afaka tsy misy fitsarana.

<sup>75</sup> Tahaka an’i Jack Moore, sakaizako iray, nilaza indray mandeha hoe, “Raha ho afaka tsy misy famaizana iray avy amin’Andriamanitra ity firenena ity, amin’izay fotoana izay dia ho voatery Andriamanitra hanangana an’i Sodoma sy Gomora ka hiala tsiny tamin’ny nandoroana azy ireo.”

<sup>76</sup> Ankehitriny, dia fantantsika fa ara-panahy dia manao an’ilay zavatra mitovy izy ireo amin’izao andro izao, fa izy ireo dia manao an’izany, ihany koa, ho an’ny tanjona mitovy, ary amin’ny fomba mitovy amin’izay nataon’izy ireo tamin’ny fanomboana ny Tompo, ara-batana. Manao an’izany izy ireo nohon’ny fialonana, nohon’ny fahajambana ara-panahy. Fa, tsy te-hahita izy ireo. Tsy hihaino an’Izany izy ireo.

<sup>77</sup> Jesosy, tamin’ny Diany teto an-tany, hoy Izy hoe, “Niresaka tsara ny aminareo Isaia hoe, ‘Mana-maso ianareo fa tsy mahita, ary sofina fa tsy mandre.’” Hitanareo?

<sup>78</sup> Ilay antony mitovy, ilay mitovy—ilay tanjona mitovy ary ireo fiheverana mitovy, no itondran’izy ireo ny fanomboana an’i Kristy indray, vaovao, (arak’izay hidirantsika afaka kelikely), ho an’ireo antony mitovy tamin’izay nataon’izy ireo tamin’izany fotoana izany.

<sup>79</sup> Tsy afaka mahita na inona na inona manohitra an’Izany izy ireo. Tsy sahy hanandrana ny hiaika an’Izany izy ireo. Ary fantatr’izy ireo fa eo ilay porofo. Ary fantatr’izy ireo fa ny Baiboly no miteny an’izany. Ka ny zavatra tokana azon’izy ireo atao dia ny miteny ratsy an’Izany. Tena marina izany. Noho izany, ary izany rehetra izany, dia ireo antony mitovy.

<sup>80</sup> Ary ankehitriny, eo ambonin’izao fototra izao, dia mihaika an’ity taranaka ity aho ny amin’ny fanomboana an’i Jesosy Kristy; ho an’ny fanomboana iray, ary meloka; miaraka amin’ny tànana maloto, ratsy fanahy, ara-anaram-piangonana izay

nanombo an'ilay Andrianan'ny Fiainana izay naniry ny haneho ny Tenany teo amin'ny olona.

Hoy ianareo hoe, “Ilay Olona iray ihany ve?”

<sup>81</sup> “Tamin’ny voalohany ny Teny, ary ny Teny dia Andriamanitra. Ary ny Teny dia tonga nofo, sy naneho ny Tenany.” Voaseho tao amin’ny nofo ny Teny, ary hanameloka an'ilay nofo izy ireo ka namono azy, satria voaseho ilay Teny. Hebreo 13:8, nanao hoe, “Jesosy Kristy no tsy miova omaly, anio, ary mandrakizay.” Izany no Teny tsy miova. Hitanareo? Ary, ho an'ilay antony mitovy, dia miezaka izy ireo ny hanombo an'ilay Teny.

<sup>82</sup> Ankehitriny, eo amin’ny lahateniko, mba hitsofohana eo amin'ilay lohahevitra izay tiako ho raisina. “Teo” ireo teny efatra, ndao hazavaintsika, “teo.” “Teo,” ilay tanàna masina indrindra eto amin’izao tontolo izao, Jerosalema. “Teo,” ilay tanàna mpivavaka indrindra eto amin’izao tontolo. Teo, “izy ireo,” ilay vahoaka mpivavaka indrindra eto amin’izao tontolo izao, teo amin’ny fety ara-pivavahana, ny fetin’ny Paska. “Teo,” ilay toerana mpivavaka indrindra, ilay tanàna mpivavaka indrindra, ilay—ilay lehibe indrindra amin’ny rafi-pandaminana rehetra, ilay lohan’izy rehetra. Teo, “izy ireo,” ilay vahoaka mpivavaka indrindra eto amin’izao tontolo rehetra izao, no niangona avy tany amin’ny manerana an’izao tontolo izao. Izy ireo no “nanombo,” fahafatesana mahamenatra indrindra izay nisy, hamonoana, namonoana olona iray; nitanjaka, nesorina Taminy ireo akanjo. “Izy—Izy dia nitondra ny henatra.” Izy ireo...Teo amin'ilay hazo fijaliana dia nisy ny—ny—ny vorodamba iray narakotra nanodidina Azy; fa nesorin’izy ireo niala Taminy ny Akanjony. Ilay henatra lehibe indrindra!

<sup>83</sup> “Teo,” ilay tanàna mpivavaka malaza indrindra, “izy ireo,” ilay vahoaka mpivavaka indrindra, “nanombo,” ilay fahafatesana mahamenatra indrindra, “Azy,” ilay Olona sarobidy indrindra. Raha tsy efa ampy hanameloka an’ity taranaka ity izany!

<sup>84</sup> “Teo,” ilay rafi-pandaminana mpivavaka indrindra, ilay goavana indrindra tamin’ny fiangonana rehetra izay niaraniangona tamin’ny toerana anankiray. “Izy ireo,” ilay vahoaka mpivavaka indrindra amin’ny firazanana rehetra, ilay vahoaka izay natao ho tena mpanompo an’Andriamanitra mihitsy. Niangona teo amin'ilay fety masina indrindra izay nananany izy ireo, ilay fanadiovana ny...ny Paska, rehefa nentina avy tao amin’ny fahandevalozana ho amin’ny fahalalahana izy ireo. Ary “teo” tamin’io fotoana io, “izy ireo” tamin’izany fotoana izany, ilay vahoaka mpivavaka indrindra, tao amin’ny fety ara-pivavahana indrindra, tao amin’ny toeram-pivavahana indrindra, no nanome ho an'ilay Andrianan'ny Fiainana ny zavatra mahamenatra indrindra izay azo natao, dia ny

manendaka Lehilahy iray ka manantona Azy eo amin'ny hazo iray. Satria, "Voaozona izay," hoy ny lalàna izay notompoin'izy ireo, "voaozona izay mihantona eo amin'ny hazo." "Ary natao ozona ho antsika Izy." Nanendaka ny Akanjony, nikapoka Azy, ary naneso Azy, ilay tena Andriamanitry ny Lanitra; nanala ny Akanjony teny Aminy, ary namantsika Azy teo amin'ny hazo fijaliana iray. Azy! "Teo no nanomboany Azy," teo ambanin'ny fanasaziana mafy Romana.

<sup>85</sup> Ny fahafatesana mahamenatra indrindra amin'izao andro izao dia tsy ny ho voatifitra. Ny fahafatesana mahamenatra indrindra amin'izao tontolo izao dia tsy ny ho voahitsaky ny fiara iray ka maty, maty an-drano, main'ny afo. Fa ny fahafatesana mahamenatra indrindra amin'izao andro izao dia ny fanasaziana mafy am-pahibemaso, ka ilay izao tontolo izao rehetra no manameloka anareo ka miantsio anareo ho meloka.

<sup>86</sup> Ary izao tontolo rehetra izao dia nametraka ny tànany teo amin'io Lehilahy io ka niantso Azy ho meloka, nefà dia tsy nanan-tsiny Izy. Ary maty teo ambanin'ny an'ny fahavalo Izy, (tsy ireo Šakaizany, tsy ireo Lalàny), fa teo ambanin'ny fanomboan'ny fahavalo. Ilay Andrianan'ny Fiainana, ilay Olona sarobidy indrindra izay hany velona, na ho velona mandrakariva, Jesosy Kristy. "Azy," ilay Olona sarobidy indrindra! Hazony ao an-tsaina izany ankehitriny raha manorina an'ilay foto-kevitra manodidina isika androany.

<sup>87</sup> Azonareo eritreretina ve, ao amin'ny toerana iray tahaka an'i Jerosalema, izay mandritry ny roa arivo sy dimanjato taona, na mihoatra, fa ny olona...na an-jatony taona. Angamba aho mety ho lava kely ao amin'izany. Mety eo amin'ny valo na sivin-jato taona, na zavatra iray. Tsy fantatro fotsiny hoe firy, halavana firy, nanomboka tamin'ny fotoana nanorenan'i Solomona an'ilay tempoly. Mihevitra aho, fa eo amin'ny valonjato taona, zavatra tahaka an'izany.

<sup>88</sup> Ary niandry ny fihavian'ny Mesia izy ireo. Niangona teo ho an'ny fanompoan'ny Paska. Eritrereto fotsiny izany ankehitriny! Ireo lehiben'ny Fariseo rehetra, Sadoseo, sy izay anananareo, ao amin'ny fiangonana lehibe iray, mba hanompo an'Andriamanitra. Ilay toerana masina indrindra, Jerosalema, ilay tempolin'ny Tompo, sy ilay vahoakan'ny Tompo, no naka an'ilay Tompo Izy tenany ka nanombo Azy, tamin'ny fanasaziana mafy. Zavatra toy ny inona!

<sup>89</sup> Ankehitriny ireo teny efatra ireo, izy ireo, "Teo no nanomboany Azy." Ankehitriny, mbola maneho ny Baiboly ianareo, hitanareo. Teny efatra fotsiny ilay izy, fa ny Baiboly dia mamintina ny Fahamarinany.

<sup>90</sup> Ankehitriny, izaho, tsy maintsy mihodinkodina aho, manazava an'izay resahako, fa ny Baiboly dia tsy mila manazava na inona na inona. Fahamarinana manontolo fotsiny Izy, noho

izany ny—ny—ny Baiboly dia tsy mila manazava na inona na inona. Izy—Izy dia tsy mila manazava an'izany, satria Izy no Fahamarinana manontolo.

<sup>91</sup> Ireo no teny efatry ny Rojon'ny Fahamarinany lehibe. Hiezaka ny hanazava an'Izany aho. Ary ny miezaka hanazava an'Izany, mazava, dia hahavita tronom-boky anankiray. Tsy misy fomba ho ahy hanazavana an'ireo teny efatra ireo. Fa ankehitriny ndao isika, amin'ny Fanampian'Ilay nanao Azy ho voasoratra, hiezaka hanazava an'ireo teny efatra ireo, mba hitondra an'izany ao amin'ny fomba iray hahazoan'ny olona azy.

<sup>92</sup> Inona no ananantsika eo anoloantsika ankehitriny, manana ny fanomboana voalohany isika mipetraka eo anoloantsika; teo amin'ilay *toerana* masina indrindra, ilay *vahoaka* masina indrindra, ilay *fahafatesana* mahamenatra indrindra, ho an'ilay *Olona* sarobidy indrindra. Oh, tena mifanohitra izany. Oadray, oh, oadray, fahamenarana izany!

<sup>93</sup> Ankehitriny ndao raisintsika, voalohany, ilay teny voalohany hoe, “teo.” Ndao isika hiresaka an'izany minitra vitsy alohan’ny hitondrantsika an'ilay fiampangana. Ho vahavahantsika izany ary haneho aminareo hoe inona no nataon’izy ireo, avy eo dia ho hitantsika raha marina ilay fiampangako na tsia. “Teo,” Jerosalema, toerana tsotra masina indrindra, satria tao ilay tempoly; ilay toerana masina indrindra, satria, io, ilay tempoly, dia tao. Ary ireo Jiosy avy any amin’izao tontolo rehetra izao no niangona ho eo amin’io toerana anankiray io, toerana fihaonana ho an’ny fanompoana. Ny tena... toerana malaza indrindra ho an’ny fanompoana izay nisy, dia tao Jerosalema. Tao ny tempoly. Izany hoe, “Izao no voasoratra hoe, ‘Ny olona rehetra dia tokony hivavaka any Jerosalema,’” eny àry, satria izy no ivon-toeran’ny fanompoana.

<sup>94</sup> Ary ankehitriny ianareo dia mandre azy ireo, ny iray amin’izy ireo te-hiteny hoe, izy ireo, “Oh, tonga eto amin’ireto fihaonam-be ireto isika,” eo amin’izay ananan’ireo anaram-piagohana an'izany. Ary—ary isika dia manana an'ilay—ilay fanokafana ny...ao amin'ny Tanànan'i Vatican, ary—ary ireo fanendrena an'ireo papa, sy ny sisa. Izy ireo, ny rehetra dia manao hoe, “Isika rehetra dia tokony handeha any amin’ny tobin’ireo Metodista, na ny—ny fihaonamben’ny Batista Biblika.” Na—na, “Isika rehetra dia tokony handeha any—any Roma, ary any no misy an'ilay ivon-toerana lehibe,” izay antsoin’izy ireo hoe, “an’ny Kristianisma.”

<sup>95</sup> Nandritry ny fotoan’ny ady farany, rehefa nianjera i Roma, ireo miaramila Alemandy ireo... Maro aminareo zazalahy ireo no mahafantatra ny mikasika an'izany. Ireo miaramila Alemandy ireo dia nihemotra tao amin'ny Tanànan'i Vatican tao, ary nitifitra an'ireo Amerikana raha nandroso izy ireo. Rahalahy Funk, sy Rahalahy Roberson, sy ny maro, ary Rahalahy

Beeler, sy ny maro amin'ireo rahalahy izay tao amin'izany ady izany, dia mahafantatra. Ary mba fantatrareo ve? Nanome baiko isika mba tsy hahazoan'izy ireo hitifitra an'io tanàna io. Ry Amerikana, nitsangana tany ianareo, ianareo no fikendry iray ho azy ireo. Saingy tao amin'ny West- . . . ny Westminster Abbey tao amin'ny . . . tany Angletera, dia afaka nitifitra an'izany tsara mihitsy ianareo; tao no niangona ireo Protestanta. Noho izany dia nety tsara ny nitifitra an'izany, fa aza mitifitra ny Vatican. Satria, araka ny Filoha Roosevelt . . . Nandre ny kabariny aho rehefa izy—rehefa izy niteny an'izany tao amin'ny radio tamin'io hariva io, nantsoina hoe, Ny Dinika Amorom-patana. Hoy izy hoe, "Rehefa nianjera i Roma," hoy izy, "henatra lehibe, satria Roma no lohan'ny Kristianisma rehetra." Azonareo eritreretina ve hoe Protestanta iray no miteny an'izany?

<sup>96</sup> Noho izany ilay ivon-toerana lehibe an'ny fivavahana Kristiana, eny, isika dia handeha—isika dia handeha hametraka an'izany tahaka an'i Jerosalema, raha sitrakareo. Raha tianareeo ny hanao an'izany, dia ndao hapetrantsika ao Jerosalema izany. Ny lohan'ireo hafa rehetra ireo, ireo—ireo—ireo Synedriona, sy—sy avy amin'ireo Fariseo, ary avy amin'ireo Sadoseo, izy rehetra dia niakatra tao Jerosalema. Izany marina tokoa no foibe.

<sup>97</sup> Ary ao amin'ilay tontolo ara-rafi-pandaminana, dia tsy maintsy manaiky ianareo fa ilay Fianganana Katolika Romana no renin'izany rehetra izany. Azo antoka fa izy izany. Ary nanomboka teo avy teo amin'ny Pentekosta izany. Teo no nisy azy ireo rehefa nifandamina izy ireo. Ankehitriny isika, ny Protestanta, dia rahavavy kelin'io fianganana io fotsiny. Ary ankehitriny ndao isika hilaza fa izany dia ho ao Vatican ao, amin'izao andro izao.

<sup>98</sup> Na, ao Jerosalema ao, tahaka ny naha-izy azy tamin'izany andro izany, "Rehefa ny olona rehetra no tokony ho tonga ao Jerosalema mba hiasa . . . hanompo." Nahoana izy ireo no nanao an'izany tamin'ny andron'i—i Jesosy? Nahoana izy ireo no nilaza fa ny olona rehetra dia tsy maintsy manompo any Jerosalema? Satria, izany no toerana tokana izay hiombonan'Andriamanitra amin'ny olona, izany no eo ambanin'ilay ràn'ny fanatitra. Izany no antony tsy maintsy nankanesan'izy ireo tany Jerosalema.

<sup>99</sup> Andriamanitra dia tsy hihaona amin'ny olona mihitsy na aiza na aiza afa-tsy eo ambanin'ny Rà ihany. Rehefa mandà an'ilay Rà ianareo, amin'izay fotoana izay dia foana ilay toerampivorianareo miaraka amin'Andriamanitra. Andriamanitra dia nandray ny Fanapahan-keviny voalohany tao amin'ny sahan'i Edena, hoe ny olona dia hanompo Azy eo ambanin'ilay rà nararaka an'ilay fanatitra ihany. Ary izany ihany no toerana tokana izay nihaonan'Andriamanitra tamin'ny olona tamin'izany, ary izany ihany no toerana tokana izay hany nihaonan'Andriamanitra tamin'ny olona.

<sup>100</sup> Ary izany ihany no toerana tokana izay Ihaonany amin'ny olona amin'izao andro izao, dia eo ambanin'ilay Rà'n'ny Fanatitra. Hitanareo? Tsy ahoako na Metodista ianareo, Batista, Presbyterana; raha afaka manadino ny fahasamihafanareo ianareo, Katolika Romana, na mety ho inona koa ianareo, ka ho tonga eo ambanin'ilay Rà nararaka, dia hihaona amintsika roa eo Andriamanitra. Eo no ahafahantsika rehetra mihaona sy miombona eo amin'ireo tany ireo ihany. Fa, ankoatran'izany, dia tsy hihaona fotsiny Izzy satria hoe Metodista ianareo; tsy hihaona fotsiny Izzy satria hoe Pentekotista ianareo. Hihaona aminareo eo ambanin'ny fepetra iray Izzy, izany dia, eo ambanin'ilay Rà nararaka, rehefa nifonana ireo fahotanareo ary foana eo amin'ny Fanatrehany, amin'izay fotoana izay, amin'ny alàlan'ny Rà. Ary ny Rà dia eo Anoloany foana, ka noho izany dia afaka mijery anareo fotsiny Izzy amin'ny alàlan'io Rà nalatsaka io. Ary fotsy toy ny oram-panala ianareo, hitanareo, rehefa avy nifona ny fahotanareo. Ankoatran'izany, dia tsy ao ianareo, tsy afaka miombona ianareo.

<sup>101</sup> Izany no antony tsy ahitanareo an'ireo zavatra izay mitranga ao amin'ny fiangonana. Miaiky izy ireo fa hoe mino an'ilay Rà izy ireo, nefà lavin'izy ireo ilay tena drafitra hahazoana an'ilay Rà; ny Teny. Hitanareo? Fomba tokana ihany no hanajan'Andriamanitra an'io Teny io. Tsy hanaja an'io Teny io mihitsy ianareo, ho avy ka hanao hoe, "Katolika Romana aho. Mitaky an'ity aho mba ho vita." Tsy vitanareo izany. Metodista, Batista, na Pentekotista, tsy vitanareo izany.

<sup>102</sup> Ny fomba tokana izay hahavitanareo an'ilay izy dia ny eo ambanin'ireo famindram-pon'Andriamanitra, amin'ny alàlan'ny Fahasoavany, dia ny manatona amin'ny alàlan'ilay Rà nararaka an'i Jesosy Kristy, manao hoe, "Tompo, mitaky an'ilay teny fikasana aho." Hitanareo? Ary avy eo raha tena eo ambanin'io Rà io ianareo, dia voaterin'io Teny io Andriamanitra. Fa, voalohany, dia tsy maintsy eo ambanin'io Rà io ianareo. Hitanareo ve ilay izy ankehitriny? [Hoy ny fiangonana hoe, "Amena."—Mpand.]

<sup>103</sup> Tsy mahagaga raha tsy afaka mino ny fahagagana izy ireo. Tsy mahagaga raha tsy afaka mino an'ilay ivelan'ny voajanahary ianareo. Tsy mahagaga raha manameloka an'izany izy ireo. Ilay antony mitovy izay nanamelohan'izy ireo an'ilay izy tamin'izany, no mbola antony mitovy izay anamelohan'izy ireo an'ilay izy amin'izao andro izao. Tena meloka dia meloka arak'izay tratrany izy ireo. Satria, eo ambanin'ilay Rà nararaka ihany!

<sup>104</sup> Ary ireo izay ho sahy, rahalahy kely iray izay sahy, eo ambanin'ny fanetre-tena, handray an'Andriamanitra amin'ny Teniny, ka mandeha mivoaka eo ary mifona ny otany, sy manadino an'ireo foto-pampianarana rehetra sy ny sisa, ary mijoro eo ambanin'ilay Rà ka mino an'Izany, dia tian'izy ireo ny miantso azy hoe "fanatika." Tian'izy ireo ny manakilasy azy ho...arak'izay tiantsika hilazana azy; tsy

teny tsara hampiasaina eto amin'ny polipitra ilay izy, fa mba hahazoanareo, izy dia "vorona hafahafa."

<sup>105</sup> Na izany aza, tsy vorona hafahafa ve isika? Hitanareo, ny mpino dia vorona hafahafa ho an'ny tsy mpino, ary ny tsy mpino dia vorona hafahafa ho an'ny mpino, koa iza no vorona hafahafa? Hitanareo? Ny mpiompy dia vorona hafahafa ho an'ny mpandraharaoha; ny mpandraharaoha dia vorona hafahafa ho an'ny mpiompy, hitanareo, koa iza no izy, na izany aza?

<sup>106</sup> Lazaike aminareo, ny famonjena dia raharaha isambatan'olona eo amin'ny olona sy Andriamanitra, irery, isambatan'olona anankiray, "mitady ny famonjentsika manokana amin'ny tahotra sy ny hovitra." Ary tsy mahafantatra fototra hafa aho, amin'ny maha-mpampianatra iray, izao maraina izao, na mpitoriteny iray avy amin'i Kristy, afa-tsy ny mametraka an'ilay izy eo amin'ny Teny. Tsy afaka mametraka an'izany eo amin'ny zavatra hafa aho.

<sup>107</sup> Ankehitriny dia mahita isika eo, arak'izany, fa teo ambanin'ny rà irery ihany, no nihaonan'Andriamanitra tamin'ny mpivavaka, noho izany dia nihaona tao Jerosalema izy ireo.

<sup>108</sup> Ary Kristy no Zanak'ondrin'ny Fanatitra nomandin'Andriamanitra. Ary amin'izao andro izao dia toerana iray ihany no hihaonan'Andriamanitra amin'ny olona, ary izany dia eo ambanin'ny Ràn'i Jesosy Kristy. Ny any an-kafa, dia voaheloka izany; tsy hihaino an'izany mihitsy Andriamanitra. Mety manao ny karazana fihetseham-po rehetra ianareo, sy ireo karazana isma rehetra, ary mandray tànana, sy mitsambikina, sy manana rà sy afo ary setroka, sy ny sisa hafa rehetra; saingy raha mbola tsy mifampitaha amin'ny Teny foana io fiainana io, ka Andriamanitra no manondro marina an'io fiainana io, dia tsy ilaina akory ny manandrana an'izany, satria any ivelany ianareo. Ary tsy hihaona amin'izany mihitsy Andriamanitra raha tsy tonga eo ambanin'ilay fiahian'io Rà io izany. Marina izany.

<sup>109</sup> Noho izany, hitanareo, ao amin'ny Soratra, dia manana Jerosalema iray isika, manana ny Fiangonana; any An-danitra izany, Jerosalema avy any An-danitra, izay Andriamanitra no Andriamanitra. Ary, amin'izao andro izao, dia tsy eo ambanin'ny fanekem-pinoana iray izany na zavatra iray, izay ezahantsika hanaovana Jerosalema iray. Isika dia tia, ireo Metodista, dia tia ny, ankehitriny, tia ny hanao an'ireo—ireo foibe Metodista ho Jerosalema iray. Ny Katolika dia tia hanao an'i Roma. Ary—ary ireo toerana samihafa izay misy an'ireo foibentsika, dia tiantsika ny hanao an'izany ho... Jerosalema iray. Fa ny Baiboly no milaza, fa, "Jerosalemtsika dia any Ambony, izay renin'ny mpino rehetra."

<sup>110</sup> Ankehitriny, dia Kristy no Zanak'ondry nomandin'Andriamanitra. Mariho hoe ahoana fa tena nety tsara

izany ankehitriny, maneho fa ilay Jerosalema dia efa nitsahatra. Oviana? Mbola nihatra izany hatramin'io ora io. Ilay rànanjanak'ondry dia nety tsara hatramin'io andro io, fa ankehitriny teo amin'ny fanomboana dia miova ilay izy. Mifarana ilay rafitra taloha. Nisy anankiray vaovao teo, ary ny—ny Zanak'ondry no teo amin'ilay Fanatitra. Ny Zanak'ondry, ny Zanak'ondrin'ny fanatitra, no teo an-toerana. Nanameloka izy ireo ary nanao an'ilay tena zavatra izay tokony nataony teo. Marina izany.

<sup>111</sup> Isaorana anie Andriamanitra, ny amin'ny nahitana an'ity Hazavana avy any An-danitra ao amin'ny andro farany ity! Satria, ireo fiangonana dia manao an'ilay zavatra mitovy amin'izao andro izao. Mandra-pahatongan'ny ora izay hahavoaheloka an'io fivavahana rafi-pandaminana io sy ho voapororo tamin'ny nahafoizany ny Tenin'i Kristy, nanomboka tamin'izany no tonga ny Teny, ary ny Teny irery ihany. Nanomboka teo, no nanjavona ilay zanak'ondrin'ny paska fahiny fa Kristy no lasa Zanak'ondrintsika, tamin'ny andron'ny fanomboana. Ary tamin'ny andro izay nanomboan'ny anarampiangonana ny Tenin'Andriamanitra ka nanekeny fanekekem-pinoana iray raha tokony ho ny Teny, dia izany no andro nahatongavan'ny Teny tao amin'ny fiantraikany feno. Vao haingana mihitsy izany.

<sup>112</sup> Mariho, faharoa. Voalohany, “teo,” Jerosalema. Faharoa, “izy ireo,” izy ireo. Iza? Ireo Jiosy, ireo mpivavaka. Eritrereto izany! Ireo mpivavaka izy tenany no namono an'ilay Tokana izay nolazain’izy ireo fa notompoina. Azonareo eritreretina ve ny zavatra tahaka an'izany, amin'ny maha-olona mahay an'ireo mpisorona ireo, izay nofanina, ka nanana ny diplomañan'ny dokotera mandra-pahazoan’izy ireo angamba... Izy ireo, tsy maintsy tonga teo amin'ny taranaka iray izy ireo talohan’izy ireo...na—na foko iray, talohan’ny naha-lasa azy ireo ho mpisorona mihitsy aza. Tsy maintsy Levita izy ireo. Mpisorona ny rain’izy ireo. Mpisorona ireo raibeny. Ireo rain’ny-rain’ny-rain’ny-rain’ny-raiben’izy ireo dia mpisorona. Ary tsy maintsy niaina fiainana iray tena voatokana izy ireo, hany ka, ny tendron-tsoratra iray manohitra azy ireo, dia ho voatorabato izy ireo. Tsy nisy famindram-po azo nekena. Masina? Izany tokoa, saingy fahamasinana nataon'ny tenany ihany. Tsy maintsy nanao tahaka an'izany izy ireo, mba haneho ny endriny ho an'ny fiangonany. “Ny tao anatin’izy ireo,” hoy Jesosy hoe, “ianareo dia feno taolam-patin’olona.”

<sup>113</sup> Ahoana no hahafahako mitondra fiampangana iray mihitsy eo! Ary ny olona izay mahafantatra an'Izany ho Fahamarinana, ity Teny ity ho Fahamarinana, ka hanao marimaritra iraisana amin'Izany, mba haneho ny endriny eo anoloan'ny rafi-pandaminana iray, ah-hah, dia manana zo hiampanga azy ireo aho, marina, eo amin'ny Tenin'Andriamanitra.

<sup>114</sup> Mariho, “izy ireo,” ireo mpivavaka, ireo olona izay niandry an’ilay teny fikasana, ireo olona izay niandry an’izany, nandrity ny taona maro sy ireo taona, nefà tsy nanao na inona afa-tsy io seminera tsy an-kitsahatra io. Fa nosarahan’izy ireo ny Teny araka ny fampianarana avy tao amin’ilay seminera, ary dia diso an’ilay tena Fahamarinan’Izany izy ireo. “Izy ireo,” ireo mpisorona, ilay mpitondra fivavahana tamin’izany andro izany! “Teo,” teo amin’ireo foibeny, “izy ireo,” ilay mpitondra fivavahana tamin’izany andro izany, no *namono* an’ilay tena Andriamanitra, ilay tena *Zanak’ondry*. Ilay tena Tokana izay nolazain’izy ireo fa tompony, no novonoin’izy ireo.

<sup>115</sup> Ary, androany, dia miampanga an’ity andiana mpitoriteny voatendry ity aho; ao amin’ireo fanekem-pinoany sy anaram-piagonany, no manombo izy ireo, ho an’ny olona, an’ilay tena Andriamanitra izay lazain’izy ireo fa tiandy sy tompony. Miampanga an’ireo mpitoriteny ireo aho, amin’ny Anaran’ny Tompo Jesosy, eo amin’ireo foto-pampianarany, izay milaza fa “efa lasa ireo andron’ny fahagagana,” sy ny hoe “tsy ampy sy tsy marina ny batisan’ny rano amin’ny Anaran’i Jesosy Kristy.” Eo ambonin’ireto Teny tsirairay ireto, izay nosoloin’izy ireo fanekem-pinoana, dia miampanga azy ireo aho, ho meloka, ary eo an-tànan’izy ireo ny Ràn’i Jesosy Kristy, noho ny fanomboana vaovao indray an’ny Tompo Jesosy, fanindroany. Manombo an’i Kristy izy ireo, ho an’ny daholobe, maka amin’izy ireo an’ilay zavatra izay izy ireo no natao hanome azy. Ary nosoloin’izy ireo zavatra hafa teo amin’ny Toerany; fiangonan’ny fanekem-pinoana, nohon’ny laza.

<sup>116</sup> Teo izy ireo, “izy ireo,” ireo izay tokony ho nahafantatra tsaratsara kokoa. Raha misy ny olona tokony hahafantatra tsaratsara kokoa, dia tsy maintsy ho ireo mpitoriteny ireo izany. Raha misy ny olona tokony hahafantatra tsaratsara kokoa, dia tokony ho ny mpitondra fivavahana amin’izao andro izao izany. Raha misy ny olona tokony hahafantatra, ireo—ireo—ireo eveka, sy arseveka, sy—sy ireo mpitoriteny, ary ireo mpampianatra ny momba an’Andriamanitra, no tokony hahafantatra miavaka. Saingy nahoana izy ireo no tsy mahavita? Ah! Fifanoherana toy ny inona! Inona no ananantsika eto anoloantsika afa-tsy ny—ny fifanoherana! Milaza izy ireo fa manompo an’Andriamanitra, nefà mamono an’ilay Andrianan’ny Fiainana. Izy ireo, “teo no nanomboany Azy,” ary eto indray *izy ireo* dia manao an’ilay zavatra mitovy, fa Izy no Teny.

<sup>117</sup> Izany Izy, taratra iray an’ny Teny fotsiny. Ary izany Izy amin’izao andro izao, taratra iray an’ny Teny, miezaka ny hahita olona iray hampitaratra ny Tenany.

<sup>118</sup> Ary ireto olona ireto dia mampanalavitra ny fiangonany amin’Andriamanitra. Ary—ary raha misy zavatra mitranga, ka tenenina ao amin’ilay fiangonana izany, dia melohin’izy ireo avy eny amin’ny lampihazo izany, avy eny amin’ny polipitra,

ka manao hoe, “Fanatisma izany. Alaviro izany!” Tamin’ny fanaovana an’izany, no nanomboan’zy ireo an’i Jesosy Kristy tamin’ny 1963, ary dia meloka mihitsy tahaka an’ireo lehilahy ireo tao amin’ny...tamin’izany andro izany. Fanambarana mahatsiravina izany, saingy izany no fahamarinana. Eo amin’ny...Izany marina tokoa no ataon’zy ireo amin’izao andro izao.

<sup>119</sup> Ary eo amin’izany fototra izany, eo amin’ny fototry ny nanomboana an’i Kristy, eo amin’ny fototry ny nandraisana an’ilay Teny ka nanaisotra an’Izany teo amin’ny olona; dia izany marina tokoa no nataon’zy ireo teo. Ilay tena Teny izay nampitaratra an’Andriamanitra tamin’ny alàlan’ny Zanany Manokana, mba hanaporofoina fa izy Izany, ary ilay Tokana izay nolazain’zy ireo fa tiany, ilay Jehovah izay naneho ny Tenany tamin’ny alàlan’ny Soratra, dia nanao marina tokoa an’izay Nolazainy fa Hataony, tena izay nolazain’Andriamanitra marina tokoa fa Hataony, ary nampitaratra an’Izany teo anoloan’zy ireo. Satria nohon’ny fitiavana an’ireo vondrom-piagonany, sy ireo zavatra tahaka an’izany, dia nomelohin’zy ireo ilay Andrianan’ny Fiainana.

<sup>120</sup> Ary manameloka an’io vondrona iray io ihany aho androany, ka miampanga azy ireo, ho meloka eo anoloan’Andriamanitra, amin’ny alàlan’ny Tenin’Andriamanitra, fa manao an’ilay zavatra mitovy izy ireo. Voampanga ity taranaka ity. Tsarovy ny Hebreo 13:8, “Izy no tsy miova omaly, anio, ary mandrakizay.”

<sup>121</sup> Ahoana no niampangan’zy ireo Azy? Satria dia tsy nanaiky Azy ireo fanekekem-pinoan’zy ireo, ary tao am-pony lalina tao dia hafa no fantatr’zy ireo. Tsy i Nikodemosy ve, ao amin’ny toko faha-3-n’ny Masindahy Jaona, no naneho tsara an’izany? “Raby, izahay, ny Fariseo,” ireo mpitory teny, ireo mpampianatra, “izahay dia mahafantatra fa Ianao dia mpampianatra nirahina avy tamin’Andriamanitra, fa tsy misy olona afaka manao an’ireo zavatra izay Ataonao ireo raha tsy Andriamanitra no momba azy.” Hitanareo? Nijoro vavolombelona am-pahibemaso an’izany izy ireo tamin’ny alàlan’ny anankiray amin’ireo olo-malazany, nefo niahiahy...noho ireo fanekekem-pinoany, dia nanombo an’i Kristy izy ireo.

<sup>122</sup> Ary amin’izao andro izao dia tsy misy mpamaky iray izay tsy mahay mamaky ny Asa 2:38 mitovy amin’izay hahaizako mamaky Azy, sy ny sisa amin’Izany, mitovy mihitsy amin’izay hahaizako mamaky Azy. Saingy noho ireo fanekekem-pinoany, sy noho ireo tapakilan’anaram-piagonany izay ananan’zy ireo ao anatin’ny paosiny, ireo mariky ny bibidia izay entin’zy ireo ho toy ny kara-piombonana; ary maka an’ireo zavatra ireo, dia manombo an’i Jesosy Kristy amin’ny tenany indray izy ireo, ary manombo Azy eo anoloan’ny be sy ny maro, ary miteny ratsy an’ilay tena Andriamanitra izay nampanantena ny hanao an’Izao, mitondra ozona eo amin’ilay taranaka.

<sup>123</sup> Ankehitriny, teo, “izy ireo,” tsy ilay mpanota. “Izy ireo,” izany hoe, ilay fiangonan’izany andro izany, dia nahita fahadisoana teo amin’ilay Lehilahy Izay ny Teny izy ireo. Marina ve izany? Nahita fahadisoana teo amin’ilay Lehilahy Izay ny Teny izy ireo. Ankehitriny dia mahita fahadisoana eo amin’ilay Teny izay miasa amin’ny alàlan’ny lehilahy izy ireo. Hitanareo, mampifamadika fotsiny izy ireo. Nefa, ao amin’ilay olona, Izany, ny Fanahy Masina izay miasa, dia fanamarinan’Andriamanitra.

<sup>124</sup> Ahoana no nahafantaran’izy ireo fa Izy no Kristy? Satria ireo Asany no nanaporofa fa Izy no izy. Hoy Izy hoe, “Iza aminareo no afaka manameloka Ahy amin’ny ota? Raha tsy nanao marina tokoa an’izay nolazain’ny Soratra fa Hataoko Aho! Ary iza... Aoka ny olona iray hiteny Amiko hoe taiza ho aiza Aho no tsy nahomby, raha tsy naneho ny famantarana rehetra Aho fa Izaho no Mesia, fa Izaho ilay tena Tokana izay nampanantenaina anareo.”

Hoy izy ireo, hoy izy ireo hoe, “Eny, manana an’i Mosesy izahay. Mino an’i Mosesy izahay.”

<sup>125</sup> Hoy Izy, “Raha nino an’i Mosesy ianareo, dia ho nino Ahy. Raha ianareo... Nahita ny Androko i Mosesy ary naniry ny—ny ho velona amin’ity andro ity. Nahita avy lavitra i Mosesy, sy ireo mpaminany. Nefa eto ianareo izao, miaina mihitsy an’Izany, ary manameloka.” Hoy Izy, “Ianareo mpihatsaravelatsihy,” hoy Izy, “hainareo ny mamantatra ny endriky ny lanitra, saingy tsy hainareo ny mamantatra ny famantaran’ny fotoana.”

<sup>126</sup> Io ilay izy, ilay famantaran’ny fotoana. Inona no nanakilasiny Azy? “Fanatika iray, lehilahy adala iray.” Hia, nahita fahadisoana teo amin’ilay Lehilahy Izay ny Teny izy ireo.

<sup>127</sup> Izy no Teny. Masindahy Jaona, toko faha-1, no manaporofa an’izany, “Tamin’ny voalohany ny Teny, ary ny Teny tao amin’Andriamanitra. Ary ny Teny dia tonga nofo, ka nonina teo anivontsika.” Izy no Tenin’Andriamanitra velona, satria Izy no naneho an’Andriamanitra tamin’ny alàlan’ny Tenany. Tena nanolo-tena tanteraka ho an’ilay—ho an’ilay Tenin’Andriamanitra Izy, hany ka Izy sy ny Teny dia iray ihany. Ary izany marina tokoa no tokony haha-izy an’ilay Fiangonana amin’izao andro izao, fa tsy miova ny Tenin’Andriamanitra.

<sup>128</sup> Ahoana no hahafahanareo ho ampanhan’io Teny io nefiaianareo dia saiky mandà ny rehetra amin’Izany? Ary ny antony nahavitana an’izany, dia tsy nohon’ny olona; izany no antony izay heveriko fa nitenenan’Andriamanitra tamiko mikasika ny fiantsoana ny Olony ho “Rickys” sy “Rickettas.” Izany dia noho ireo anaram-piangonana tia tena, izay manao an’ireo olona hiaina any ivelany any amin’ny fomba izay hiainan’izy ireo. Nanombo an’ilay Fahamarinana izy ireo. Ary ny olona dia miantso an’Izany ho fitenenan-dratsy, ary manao an’Izany ho fitenenan-dratsy izy ireo, raha ny marina. Izy ireo dia miantso

an'Izany ho fanatisma, sy ny sisa, nefà tsy mahafantatra fa miteny ratsy an'ilay tena Andriamanitra izay handehanany any am-piangonana mba ho tomponia izy ireo.

<sup>129</sup> Noho izany, dia miampanga an'ity andiana mpitondra fivavahana amin'izao andro izao ity aho. Miampanga an'ity taranaka ity aho, amin'ny Anaran'i Jesosy Kristy, eo ambany fahefan'ny Tenin'Andriamanitra. Manombo Azy indray ianareo.

<sup>130</sup> Mariho, "Izy no tsy miova omaly, anio, ary mandrakizay," Tenin'Andriamanitra voamarina ao amin'ny olona iray.

<sup>131</sup> Ampitahao ireo Kalvary anankiroa sy ny fiampangan'izy ireo. Tsarovy, "Satria nanao ny Tenany ho Andriamanitra Izy, dia tsy haka an'io Lehilahy io hanapaka anay izahay." Inona ilay fiampangana izay hitan'izy ireo, tao amin'ilay favoriana tamin'io maraina io, rehefa nanombo an'i Jesosy izy ireo? Hoe, "Nanao ny Tenany ho Andriamanitra Izy." Andriamanitra Izy. "Ary nandrava ny Sabata Izy." Fa Izy no Tompon'ny Sabata. Nanameloka Azy izy ireo satria nanao ny Tenany ho Andriamanitra Izy. "Tsy manana zo hanao an'izany Ianao. Tsy manana zo Ianao. Ireo mpisoronabe anay, raha misy zavatra ho tonga, dia tonga amin'ny alàlan'ireo mpisoronabe anay." Ankehitriny dia ampitahao amin'ilay Kalvary amin'izao andro izao izany.

<sup>132</sup> Fa, Andriamanitra, nahafaly ny Ray, Andriamanitra, ilay Fanahy, ny hanangana ny Zanany Manokana; nanaloka an'i Maria, tamin'ny alàlan'ny Fanahy Masina, ary niteraka vatana iray izay afaka hanompo Azy sy ny Tanjony ho Azy. "Ilay Andriamanitra no tao amin'i Kristy, ilay fahafenoan'ny Maha-Andriamanitra ara-batana, no tao Aminy," mampitaratra ny maha-Andriamanitra, eo amin'ny olona, mamela ny—mamela an'izao tontolo rehetra izao hahafantatra izay tian'Andriamanitra haha-izy ny isam-batan'olona: zanakalahy iray, sy zanakavavy. Naka Lehilahy anankiray Izy ary nanao an'izany. Ary satria dia tsy nikambana tamin'ireo laharan'ny rafi-pandaminan'izy ireo Izy, dia nanameloka Azy izy ireo ary nanombo Azy.

<sup>133</sup> Ankehitriny ampitahao amin'ny ankehitriny io Kalvary io. [Eanelana tsy voaraki-peo—Mpand.] Nohon'ny fankahalana ara-rafi-pandaminana, nohon'ny tsy firehana eo amin'ireo samy mahay izay tokony hahafantatra ny Tenin'Andriamanitra sy ny drafitra; noho izany, dia afaka maka vondron'olona kely izay Azony hiasana Andriamanitra, any ho any, ka hampitaratra ny Tenany, izay hanetry ny tenany eo amin'ilay Teny. Ary tsy afaka milaza izy ireo hoe tsy izany ilay izy.

<sup>134</sup> Tsy afaka nilaza izy ireo hoe tsy nanao an'izany Izy, satria ny fiangonan'izy ireo no vavolombelon'izany. Teo anatrehan'izy ireo izany. Tsy afaka nandà an'izany izy ireo. Tsy afaka nandà ny Filazany izy ireo, satria, ilay tena Teny izay nolazain'izy

ireo fa ninoany, no ilay Tokana Izay nanaporofa fa Izzy no izy. Satria, Andriamanitra no nandray ny Teny ny amin'izay tokony haha-Mesia ary naneho an'Izany tamin'ny alàlan'ny Lehilahy iray, ary tsy maintsy nanala Azy izy ireo. Izany ihany no fomba nahafahan'izy ireo nanohy, dia ny manala an'ilay Mesia. Ary nataon'izy ireo izany nohon'ny fahajambana sy ny tsy fahafantarana, na teo aza ny fianaran'izy ireo. Nahay izy ireo, nanan-tsaina; araka an'izao tontolo izao.

<sup>135</sup> Tahaka ny nampitahantsika indray hariva, rehefa nandona an'ilay mpanapaka tanora ilay Hazavana, dia jereo izay nataony. Nandà izy; lehilahy iray mahay. Paoly, lehilahy hafa iray mahay, nandona azy ilay Hazavana. Inona no nataony? Nanaiky an'Izany izy. Nohadinoiny ilay izy, izay rehetra hany fantany, mba hahafahany mahafantatra an'i Kristy. Izany no nanao ny fiainany ho mendrika ny Filazantsara. (Ny Hafatra tamin'ny Alahady lasa teo.)

<sup>136</sup> Eto Izany androany. Mandona lehilahy kely iray angamba Izany, izay nandeha, nahazo antson'Andriamanitra iray, nahatsapa izy, nandeha tany amin'ny seminera iray ary nianatra fanekem-pinoana iray. Tsy maintsy miaina amin'io fanekem-pinoana io izy raha tsy izany dia hahafoy ny kara-piombonany. Raha manao izy, dia hahazo marika mainty izy, tsy hisy olona hafa hila azy, satria vantany vao mikambana amin'ny zavatra anankiray hafa izy ka tsy mikambana amin'izany intsony ankehitriny. Hihevitra izy ireo fa misy zavatra tsy mety amin'io lehilahy io, ary tsy hila azy ao amin'ny fiangonany izy ireo. Fa, ilay fiangonana dia mijery famantarana anankiray fotsiny, izany dia hoe, raha mino an'izay inoan'izy ireo izy.

<sup>137</sup> Raha manana karatra iray izy, raha Metodista izy, raha manana karatra iray izy...ka mikambana amin'ny fiombonana hafa iray, na an'ny Tokana, na Triniterana, na mety ho inona koa ilay izy, fiangonan'Andriamanitra, na laharana Pentekotista, sy ireo laharana rehetra ireo. Raha mitondra karatra iray izy, dia ho tsapan'izy ireo fa nanara-maso azy ireo foibe, ary mizaha ny sainy, ary manome azy ny fizahan'ny mpitsabo saina, ary mijery raha ambony tsara ny I.Q.-ny mba hahafahany miresaka eo anatrehan'izy ireo. Raha tsy afaka izy, dia lavin'izy ireo izy. Marina izany.

<sup>138</sup> Fa, hitanareo, ny fiangonana dia tokony handinika ny tènan'ny Tompo, hahita raha Andriamanitra no nanome azy ny fanendreny na tsia. Izany no tokony ho jerentsika. Fa ankehitriny dia izy ireo no manombo ny-ny-ny Zanak'Andriamanitra indray. Rehefa, ny olona iray no afaka, noho ny fahasoavan'Andriamanitra, antsoin'Andriamanitra, mba hamela an'Andriamanitra hampitaratra ny Tenany amin'ny alàlany. "Ireo assa izay Ataoko no hataonareo koa," hoy Izzy. Mariho hoe andro inona no iainantsika!

<sup>139</sup> Izy ireo, izy ireo dia mandray, izy ireo—izy ireo dia mandray an'ilay—an'ilay tena Kalvary, afaka manao isika izao maraina izao, sy ilay tena antony. Ankehitriny, fantatr'izy ireo fa izany no Fahamarinana; saingy nohon'ny fialonana, fankahalana. Inona no nolazain'i Jesosy tamin'izy ireo? “Raha nandroaka devoly tamin'ny rantsan-tànan'Andriamanitra Aho, dia amin'ny an'iza—iza kosa no androahanareo azy ireny? Aoka izy ireo no ho mpitsaranareo, hitanareo, raha tamin'ny rantsan-tànan'Andriamanitra no Nandroahako devoly.”

<sup>140</sup> Ankehitriny, tahaka ny andrenesanareo azy ireo fotsiny manao hoe, “Azonareo porofoina ve fa ny rantsan-tànan'Andriamanitra izany?” Tiako ny hahita, tiako ny handre an'io fanontaniana napetraka Taminy io. Nahay loatra izy ireo ho an'izany.

<sup>141</sup> Mariho, “Satria nanao ny Tenany ho Andriamanitra Izy,” fa Andriamanitra Izy. “Ary tsy mila Azy hanapaka anay izahay.”

<sup>142</sup> Fa ankehitriny ilay zavatra, ilay antsoantso fahiny ihany no tonga indray, “Io Baiboly io dia nosoratan’olona,” hoy izy ireo. “Tsy voatery hiaina amin’Io izahay.” An’Andriamanitra Izany. Tenin’Andriamanitra Izany. Andriamanitra Izany, Izy tenany.

Niresaka tamin’ny lehilahy anankiray aho omaly, nanao hoe, “Eny, olona anankiray no mety nanoratra an’io Baiboly io.”

Hoy aho hoe, “Eny, nisy. Ny Anarany, dia fantatsika Izy fa Andriamanitra.”

<sup>143</sup> Izy dia nosoratana tao anatin’ny elanelana efatra arivo taona, saiky, ireo Soratra, manomboka amin’i Joba, ka hatrany amin’ny Testamenta Vaovao, ary nosoratana aman-jatony tamin’ny alàlan’ny—tamin’ny alàlan’ny... ary elanelana an-jatony taona; ary nosoratan’olona samihafa, ary izy ireo tsy nifankahafantatra, tany amin’ny ampaham-pirenena samihafa, nefy tsy misy Teny anankiray amin’Izany hanameloka ny hafa. Mihaika ny olona rehetra aho ho tonga eo ambanin’ny Ràn’i Jesosy Kristy ka hitaky ny teny fikasana rehetra Ato! Voatery Andriamanitra hikarakara an’Izany.

<sup>144</sup> Fa tsy hanao an’izany izy ireo. Ho avy izy ireo, hanao hoe, “O, Tompo, te-hanao zavatra anankiray aho. Omeo fanomezampahasoavana lehibe iray aho. Haleloia, Tompo! Voninahitra ho an’Andriamanitra, mino aho fa azoko ilay izy. Haleloia!” Tsy hety mihitsy izany. Mety hamokatra fahalalana momba ny saina betsaka ianareo, fa tsy hety izany.

<sup>145</sup> Andriamanitra dia tsy maintsy manaiky an'ilay fibebahana. Tsy maintsy hanao an'izany Andriamanitra. Afaka milaza betsaka eo amin'izany isika, saingy manantena aho fa ianareo dia—ianareo dia mahazo.

<sup>146</sup> Jereo, fa ankehitriny izy ireo dia tsy hila ny Teny hanapaka azy ireo. Hoy aho hoe, “Ny tsirairay avy aminareo miverena.

Natao batisa diso ianareo. Natao batisa tao amin'ny fiangonana Katolika ianareo."

<sup>147</sup> "Iza moa ianao no miteny an'izany aminay?" Tsy izaho izany; ny Teny izany. "Fa lazaiko anao, izahay—izahay dia mino . . ." Tsy ahoako izay inoanareo; izany no lazain'ny Baiboly. "Fa tsy voatery hiaina amin'Izany izahay."

<sup>148</sup> Mila manao an'izany ianareo, raha tsy izany dia eo ambanin'ny fitsaran'ity Baiboly ity ianareo. Satria, "Na iza na iza no manaisotra Teny anankiray amin'Ity, na manampy anankiray amin'Ity, dia samy ho esorina, ilay anjara, ao amin'ny Bokin'ny Fiainana," na mpitoriteny izy, mpitondra fivavahana, na iza izy na iza. Tsy maintsy manatona eo ambanin'ny fanapahan'ity Teny ity ianareo, satria Andriamanitra Izany. Ny Baiboly no milaza fa Andriamanitra Izany.

<sup>149</sup> "Tsy hila an'Izany hanapaka anay izahay." Nalain'izy ireo ny fanekem-pinoany, sy ireo anaram-piangonany, ary ireo—ireo zavatra bitika kely izay inoan'izy ireo, ary lany tamin'ny alàlan'ny fivorian'olona, ary naka an'izany raha tokony ho ny Tenin'Andriamanitra.

<sup>150</sup> Inona no nataon'izy ireo? Naka Barabasy iray izy ireo, mpamono olona iray, raha tokony ho ilay Zanak'Andriamanitra, tamin'ny andron'ny fanomboana voalohany.

<sup>151</sup> Ary amin'izao andro izao dia maka tenin'olona anankiray izy ireo, izay lainga iray sy lâlam-pahafatesana, ka mandà ny haka ny lâlan'ny Fiainana, ny Tenin'Andriamanitra. Manameloka an'ity taranaka ity aho, miampanga azy, ao amin'ny Tenin'ny Tompo, fa diso izy ireo. Meloka ny amin'ny fanomboana izy ireo, na miezaka manombo an'ilay Fanahy.

<sup>152</sup> Miantso fifohazana izy ireo, na aiza na aiza. Ahoana no hahazoanareo fifohazana nefà ny Teny Izy tenany no tsy afaka miasa eo amin'ny olona? Tiako raha misy olona iray hamaly ahys amin'izany. Ahoana no hahavitan'izany, nefà ianareo mandà an'ilay tena Fifohazana Izy tenany? Niteny tsara ny amin'izy ireo ilay mpaminany hoe, "endrikiny ny toe-panahy araka an'Andriamanitra." Ireo endriny manokana, tany, no nandà an'ilay Tenin'ny Fiainana. Ireo endriny manokana, amin'izao andro izao, no mandà an'ilay zavatra izay afaka mitondra fifohazana iray ho azy ireo; ireo fanekem-pinoany sy endriny. Eny, tompoko.

<sup>153</sup> Ny anaram-piangonana sy ireo fanekem-pinoany no alain'izy ireo raha tokony ho ny—ny Teny, ary izany no manombo ny Teniny sy manao ny Teniny ho tsy misy fiantraikany eo amin'ny olona. Rehefa mahita ny Tenin'Andriamanitra ho tena velona sy mametraka ny Tenany mihitsy izy ireo, ka Andriamanitra no nanao ny teny fikasana fa Izy no hanao an'izany, ary indro Izy fa manao an'ilay izy, nefà izy ireo maneso

an'Izany sy manalavitra an'Izany, dia izany no fitenenan-dratsy. Ary miezaka manombo an'ilay Teny Izy tenany izy ireo.

<sup>154</sup> Nahoana izy ireo no manombo an'Izany? Tsy afaka manombo ny Teny izy ireo tahaka ny tsy nahafahany nanombo an'Andriamanitra. Afaka nanombo an'ilay vatana izay nitoeran'Andriamanitra izy ireo, ilay Zanak'Andriamanitra. Afaka nanombo an'izany izy ireo, fa tsy afaka manombo an'Andriamanitra. Tsy maintsy nohomboana Izy, tamin'io fotoana io, nohon'ny maha-Fanatitra, mba hampidittra zanaka maro izay voafidy mialoha ao amin'ny Fiainana Mandrakizay. Tsy maintsy nanao an'io izy ireo tamin'izany fotoana izany, fa tsy afaka manao an'izany izy ireo ankehitriny. Tsy afaka manao an'izany izy ireo, satria ny Teny Izy tenany dia hitohy ho velona. Fa izy ireo . . .

<sup>155</sup> “Inona no ataon’izy ireo? Ahoana no hakan’izy ireo endrika? Inona àry izany lazainao izany, ry mpitory teny? Ahoana no anorenanao ny foto-kevitrao eto, hoe izy ireo dia manombo Azy, amin’izay fotoana izay?”

<sup>156</sup> Manombo an'ireo fiantraikan'ny Filazantsara eo amin'ny olona izy ireo, amin'ny alàlan'ireo fanekem-pinoany. Izany ilay fanomboana. Izany dia eo amin'izay ipetrahan'ny daholobe ao anatin'ireo tranom-paty goavana ireo, antsoina hoe fiangonana, anaram-piangonana, ka manao tsipika iray an'ny fanekem-pinoana, ary izany dia . . . Tsy afaka manana fiantraikany iray eo amin'izy ireo ilay Tenin'Andriamanitra, satria izy ireo—izy ireo dia manameloka an'ireo tena zavatra izay nolazain'i Kristy fa hiseho. Tsy tonga araky ny fanekem-pinoan’izy ireo mihitsy ilay izy.

<sup>157</sup> Ary na dia Jesosy ihany koa aza dia tsy tonga araky ny fahazoan’izy ireo ny amin'ny Fihaviany. Izy dia tonga tamin'ny fomba izay nanirahan'Andriamanitra Azy, ary Izy dia tonga marina tokoa niaraka tamin'ny Teny. Tsy mahagaga raha nilaza Izy fa Izy dia “nanafina an'Izany tamin'ny mason'ireo mahay sy hendry, ary nanambara an'Izany tamin'ireo zaza izay te-hianatra.” Azonareo ve? [Hoy ny fiangonana hoe, “Amena.”—Mpand.]

<sup>158</sup> Oh, nanombo an'ireo fiantraikan'ny Teny izy ireo. Manana andian-tSoratra aho eto. Mety hilaza roa na telo amin'izy ireo fotsiny aho. Manombo an'Izany izy ireo.

Hoy ianareo hoe, “Ahoana no anomboan’izy ireo ny Teny?”

<sup>159</sup> Rehefa nilaza Jesosy fa Izy no tsy miova omaly, anio, ary mandrakizay, Hebreo 13:8; dia hoy izy ireo hoe, “Amin’ny fomba sasany dia izany Izy.” Hitanareo? Èny àry.

<sup>160</sup> Ary Jesosy no nilaza, ny Didiny farany ho an'ilay Fiangonana hoe, “Mandehana ianareo mankany amin’izao tontolo rehetra izao,” Marka 16, “mandehana ianareo mankany amin’izao tontolo rehetra izao, ka mitoria ny Filazantsara.

Izao famantarana izao no hanaraka an'ireo izay mino. Izao tontolo rehetra izao; amin'ny olombelona rehetra!" Ary tsy mbola nahatratra ny antsasany akory aza izany. Ary misy antapitrисаны no maty, isan-taona, izay tsy, tsy nandre mihitsy akory aza ny Anaran'i Jesosy. Noho izany, mbola izany foana ireo baiko fototra. Mbola didin'Andriamanitra foana izany. "Izao tontolo rehetra izao, ka mitoria ny Filazantsara amin'ny olombelona rehetra. Izay mino sy atao batisa no ho vonjena; izay tsy mino no hohelohina. Ary izao famantarana izao no hanaraka an'ireo izay mino: handroaka devoly amin'ny Anarako izy ireo; hiteny amin'ny fiteny vaovao izy ireo; raha mandray menarana izy ireo, na misotro zava-mahafaty, dia tsy hampaninona azy ireo izany; raha mametra-tànana amin'ny marary izy ireo, dia ho sitrana ireny."

<sup>161</sup> Dia hoy izy ireo hoe, "Izany dia ho an'io tanaraka io," ary manao ny didin'Andriamanitra ho tsy misy fiantraikany amin'Izany izy ireo, ary manombo ny fiantraikan'ny Teny eo amin'ny olona. Amena.

<sup>162</sup> Petera no nilaza, tamin'ny Andron'ny Pentekosta, niaraka tamin'ny fanalahidin'ny Fanjakana; izay nomen'i Jesosy azy hoe, "Na inona na inona lazaina ety, dia ho Lazaiko izany Any."

<sup>163</sup> Ary tamin'ny Andron'ny Pentekosta dia nanontany an'izay tokony hataony izy ireo mba hahazoana ny Fanahy Masina, izay tena nifalian'izy ireo tamin'Izany; nandinika ny nataon'ireo hafa izay nantsoin'izy ireo hoe donendrina; nivembena, sy nitsambikina, sy nianjera, ary nanao toy ny mamo izy ireo.

Ary izy ireo, nanao hoe, "Leon'ny divay vaovao ireo lehilahy ireo."

<sup>164</sup> Fa nisy lehilahy iray nitsangana teo, amin'ny anarana hoe Petera, izay nanana ny fanalahidin'ny Fanjakana, ka nanao hoe, "Tsy mamo ireo," Asa 2, "araka ny fiheveranareo, fa vao ora fahatelo ihany izao ny andro. Fa izao ilay efa voalaza." Hitanareo, niverina avy hatrany tamin'ilay Teny indray, maneho fa ny Fanahy dia mbola ny Teny foana, ary ny Teny dia mbola Fanahy foana, ny Tenin'Andriamanitra. "Ary izao no ho tonga, araka ny nampilazaina an'i Joela mpaminany, Joela 2:38. 'Ary izao no hiseho amin'ny andro farany, hoy Andriamanitra, handatsaka ny Fanahiko amin'ny nofo rehetra Aho."

<sup>165</sup> Henoy io mpaminany nitsangana teo io. Jereo izy, tsy natahotra, nitsangana teo amin'io andiany io, ka nanameloka azy ireo, niampanga azy ireo. Hoy izy, "Izao ilay Soratra! Izao ilay nampilazaina an'ilay mpaminany! 'Handatsaka ny Fanahiko amin'ny nofo rehetra Aho. Ny zanakalahinareo sy ny zanakavavinareo haminany. Eo amin'ny Mpanompolahiko sy ny mpanompovaviko no Handatsahako ny Fanahiko; ary haneho famantarana eny amin'ny lanitra ambony Aho, sy amin'ny tany;

afô, sy zavon'ny setroka, ary entona.”” Noporofoiny tamin’ny alâlan’ny Teny Izany, hoe Izany ilay Teny.

<sup>166</sup> Ary nihomehy sy naneso an’Izany izy ireo, ary nandeha tany amin’ny fitsarana. Ary nodorana ilay tanàna, ary nifampihinana zanaka izy ireo. Ary amin’izao andro izao dia vahoaka mirenireny eran’izao tontolo izao izy ireo, maneho fa ny Fanahy Masina dia mbola mijanona ho Tenin’Andriamanitra foana, mitondra an’ity Teny ity mba hanao Azy ho velona.

<sup>167</sup> Jesosy Kristy no ilay Olona, Lehilahy, Andriamanitra. Haleloia. Izy no fanehoan’Andriamanitra. Izy no Andriamanitra ao amin’ny endrika vatana iray, mba hampitaratra ny Tenin’Andriamanitra ho an’io taona io, mba hanao an’io taona io hahita ny teny fikasan’Andriamanitra ho an’io taona io.

<sup>168</sup> Ary mitovy amin’izany koa ny Fanahy Masina amin’izao andro izao. Izany no Fanahin’Andriamanitra eo amin’ny Teny voasoratra, miezaka ny hahita olona iray hampitaratra ny Tenany amin’ity taona ity, hanaporofo fa Izy no tsy mivoa omaly, anio, ary mandrakizay. Masindahy Jaona 14:12, “Ireo asa izay Ataoko no hataonareo koa.” “Jesosy Kristy no tsy mivoa omaly, anio, ary mandrakizay.” Hitanareo, miezaka hatrany hahita ny Lâlany hampitaratra ny Tenany.

<sup>169</sup> Ary tsy afaka nanao an’izany izy ireo. Nieritreritra be loatra ny amin’ireo anaram-piangonany ny olona, ireo akanimborona keliny izay nananan’izy ireo, sy ny sisa, antsoiny hoe “fiangonany,” ka dia tsy te-hihaino an’izany izy ireo. Toy izany koa no anaovan’izy ireo an’ilay izy amin’izao andro izao, zavatra mitovy, manombo indray.

<sup>170</sup> Petera, tamin’ny Andron’ny Pentekosta, hoy izy hoe, “Ianareo lehilahy izay monina eto Jerosalema, ao Jodia, henoy ny teniko. Tsy mamo ireo. Raha hipetraka tsara ianareo, dia hasehoko anareo hoe inona ilay izy.” Ary mandroso izy ka manazava amin’izy ireo.

<sup>171</sup> Rehefa voatsindrona ny fon’izy ireo, rehefa nandre an’Izany izy ireo, dia nanao hoe, “Inona no azonay hatao mba hovonjena? Inona no azonay hatao mba handraisana an’Izany? Resy lahatra izahay fa marina ny teninao.”

<sup>172</sup> Hoy izy hoe, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho famelâna ny otanareo, ary ianareo handray ny fanomezana dia ny Fanahy Masina. Fa izany dia ho anareo sy ny zanakareo, ireo izay lavitra, na iza na iza hantsoin’ny Tompo Andriamanintsika. Izany no tokony hataon’izy ireo. Mibebaha, ary aoka hatao batisa amin’ny Anaran’i Jesosy Kristy.”

<sup>173</sup> Ary, amin’izao andro izao, ny fiangonana Katolika Romana dia nanangana ny, “Ray, Zanaka, Fanahy Masina,” mba haka ny toeran’Izany. Raha tokony ho Izany, dia kaominio iray. “Atrangao ny lela dia mandraisa hostia iray, ary ny

pretra no misotro ny divay, ary ho iray ihany ianareo.” Ny “kaominio,” raha tokony ho ny Fanahy Masina, no nantsoiny hoe, “Eokaristia masina.” Ary ny “Ray, Zanaka, Fanahy Masina,” batisa triniterana iray, nefä tsy voalaza ao amin’ny Baiboly akory aza izany. Ny Anaran’ny Ray, Zanaka, Fanahy Masina dia ny Tompo Jesosy Kristy. Ary rehefa maneho an’izany ianareo amin’ity taranaka maditra ity . . .

<sup>174</sup> Araka ny nolazain’i Petera hoe, “Vonjeo ny tenanareo hiala amin’ity taranaka maditra ity.”

<sup>175</sup> Rehefa asehonareo amin’izy ireo Izany, dia inona no ataon’izy ireo? Esoiny Izany, ka manao hoe, “Ny fiangonanay tsy mampianatra an’Io tahaka an’izany.” Amin’izay fotoana izay dia meloka ianareo, meloka amin’ny fanomboana an’i Jesosy Kristy ianareo, tamin’ny nanesorana ny herin’Andriamanitra teo amin’ny olona. Manombo an’ilay tena Teny ianareo ho azy ireo, ary manameloka ny tenanareo miaraka amin’ny fiangonanareo ianareo, mitarika azy ireo ao amin’ny fandrika mahafaty.

<sup>176</sup> Araka ny nolazaiko mikasika an’ilay mpitoriteny tamin’ny Alahady lasa, dia Martin Luther King tany niaraka tamin’ireo olona sarobidy, nitarika azy ireo tao amin’ny fandrika mahafaty iray. Oh, raha mba nisy olona fotsiny mantsy afaka niresaka tamin’io lehilahy io! Maniry aho mba ho afaka. Ho fananganana kely fotsiny ny tolo-kevitr’ilay sekoly, hitanareo, na karazana . . . Inona no maha-samihafa? Oadray, mamindrà fo! Raha ny olona no tsy manana fo ampy hikambana amin’ny lehilahy iray nohon’ny volon-kodiny, dia voaheloka izy ireo ary maty, na izany aza. Ny firenena no manome zo azy ireo. Aza manohitra an’izany. Aza manohitra. Ahoana moa raha nisy olona iray nilaza fa ny Irlandais rehetra na olona iray, ny Alemana rehetra, na olon-kafa, dia tsy maintsy misaraka? Tsy hanelingelina ny Kristiana mihitsy izany. Hanohy izy ireo. Ary izany lehilahy izany no Kristiana. Satria—satria mpitoriteny iray, dia tsy tokony hitarika an’ireo olona ireo ho an’ny amin’ny fikomiana iray hanohitra an’izany. Hitarika an-tapitrисаны ho any amin’ny fahafatesana izy ireo. Hanomboka fikomiana hafa anankiray izany. Ary Izany dia henatra ny fanaovana azy.

<sup>177</sup> Izany zavatra izany ihany no mitranga eto mihitsy, tena ilay zavatra mitovy indray. Marina izany. Hitanareo? Ny olona, naninona moa raha mba njery fotsiny ny Fahamarinana izy ireo ka nahita hoe iza no Fahamarinana. “Ny fiangonanay tsy mino an’izany. Manana fomba hafa anankiray izahay.” Eny, tsy ilay fomba marina izany. Tsy ilay zavatra izany.

<sup>178</sup> Hoy izy hoe, “Mibebaha, ary aoka hatao batisa amin’ny Anaran’i Jesosy Kristy ho famelàna ny otanareo.” Ankehitriny dia tsy hanao an’izany izy ireo. Oh, avy eo dia inona no nataon’izy ireo? Ankehitriny izany dia zavatra anankiray fotsiny,

amin'ny an-jatony. Ho tonga eo isika, angamba, haingana arak'izay vitantsika.

<sup>179</sup> Ankehitriny ilay fanomboana faharoa, àry. Raha ny olona iray no manaiky ny "Ray, Zanaka, ary Fanahy Masina," ny-ny fanekek-pinoana raha tokony ho ny Teny, titra raha tokony ho ny Anarana, dia inona no ataony amin'ny olona? Manombo an'ireo fiantraikan'ny Teny eo amin'ny olona izy, rehefa milaza izy, fa, "Marka 16 dia ho an'io taranaka io fotsiny."

<sup>180</sup> Ary Andriamanitra no niteny, Izzy tenany mihitsy teo, Jesosy no niresaka tamin'izy ireo, nanao hoe, "Mandehana ianareo any amin'izao tontolo rehetra izao, ka mitoria ny Filazantsara amin'ny olombelona rehetra. Izay mino sy atao batisa no ho vonjena; izay tsy mino dia hohelohina. Ary izao famantarana izao no hanaraka an'ireo . . ." Hatraiza? Ny firenena rehetra, ny fanekek-pinoana rehetra, ny fiteny rehetra, ny firazanana rehetra, ny olona rehetra, ilay Filazantsara iray ihany. "Ary izao famantarana izao no hanaraka an'ireo izay mino." Ary rehefa ny olona iray no manandrana manaisotra an'Izany ao amin'ny Baiboly, dia manombo ny fiantraikan'ny Filazantsara eo amin'izany fiangonana izany izy. Noho izany dia miampanga anareo aho, amin'ny Anaran'i Jesosy Kristy! Meloka amin'ny famonoana ny Tompo ianareo!

<sup>181</sup> Nankahala Azy ilay fiangonana. Nahoana? Izzy no tena Andriamanitr'izy ireo. Nankahala Azy izy ireo, ary nandà Azy ho Mesiany. Tsia, tompoke, tsy nila Mesia iray tahaka an'io izy ireo.

<sup>182</sup> Ary amin'izao andro izao dia manao an'ilay zavatra mitovy ny fiangonana. Mandà ny Teny izy. Tsy ilain'izy ireo Izany. Izany dia mifanohitra amin'izay nampianarina azy ireo mba hinoana amin'ny alàlan'ny fanekek-pinoany.

<sup>183</sup> Ary ny Teny no Mesia. Mino an'izany ve ianareo? [Hoy ny fiangonana hoe, "Amena."—Mpand.] Eny, ilay taratry ny Teny tamin'izany dia inona? Taratry ny Mesia iray, izay ny Fanahy Masina eo anivontsika. Izzy no taratry ny Tenany, miezaka ny manao an'izany, na aiza na aiza mety Hahitany fanilo iray izay Azony hijerena, izay tsy manetroka amin'ireo fanekek-pinoana sy ny sisa ireo, Hahafahany manome Hazavana amin'izany.

<sup>184</sup> Tsarovy, "niarina izy ireo ary nanomana ny fanilony," ary nanasa an'ireo fivoahan-tsetroka, saingy tara loatra ilay izy. Noho izany rehefa ny olona iray no mahita an'ireo Loterana, Presbyterana, Metodista ireo, miezaka ny ho tonga amin'ireo andro farany ireo mba handray ny Fanahy Masina, nahoana, dia fantatrareo fa tsy mahazo an'Izany izy ireo. Eny, mety miteny amin'ny fiteny tsy fantatra izy ireo ary mitsambikina ambony-sy-ambany, fa diniho izay mitranga. Izzy ireo mihitsy . . . Izany no famantaran'ny fotoana fa vita ny aminy. Ao amin'ny farany isika izao.

<sup>185</sup> Amin'ny fotoana rehetra, ilay—ilay Fiangonana dia afaka handre an'ilay fihaikana, ho an'ny, “Miakara aty amin’ny Avo!” Amená.

<sup>186</sup> Mipetraka tsara fotsiny mihitsy ao amin’ny lamina. Ny Fanahy Masina eto no manao an'i Jesosy Kristy ho zava-misy amin’ny alàlan’ireo izay Azony iasana, manaporofo ny Tenany; nidina, maka ny Sariny, maneho an’izany, manao ny siansa haka, miresaka ny amin’izany, sy ny zavatra hafa rehetra, manaporofo fa izany tanteraka no Nolazainy fa Hataony. Manao tanteraka an'ireo zavatra izay Nolazainy fa Hataony, ara-tSoratra. Ankehitriny, tsy fanekem-pinoana iray, na hevitra noteftitefen’olona, rà betsaka, afo, sy setroka, sy ny karazany; fa porofo Mesianika ara-tSoratra. Betsaka ny fakan-tahaka, sy ireo mpaka tahaka, sy—sy ny sisa; fa izany ihany no manao an'ilay tena Teny hampamiratra ny Fahatsarany indrindra, marina izany, mamela ny olona izay ara-panahy, izay afaka mitsara eo amin’ny marina sy ny diso. Hitanareo?

<sup>187</sup> Mandà Azy! Nandà ny Mesiany, “Tsy nila Azy izahay.” Ary ilay zavatra mitovy amin’izay ataoñ’izy ireo amin’izao andro izao, “Eny, raha toa ka tsy maintsy mandeha any aho ka manao tahaka an’io andiany io, dia tsy mila an’Izany mihitsy tokoa aho.” Eny àry, noho izany dia tsy azonareo Izany, mihitsy tokoa. Izay ihany. Hitanareo? Mitovy ankehitriny.

<sup>188</sup> Na dia voatondro mazava tsara aza Izy, dia tsy nila Azy izy ireo. Nankahala Azy izy ireo. Fa nahoana? Isika dia miantsy ny pasiteran’izy ireo ho andiana “menarana.” Hoy Izy hoe, “Ianareo dia rindrina voalalotra fotsy. Tsy misy afa-tsy fasana fotsiny ianareo. Ny ivelanareo dia mangirana miaraka amin’ireo akanjo lava sy vozon’akanjo mivadika, fa ny ao anatiny dia taolam-patin’olona.” Hitanareo? Tsy nisintonia ny totohondry mihitsy Izy. Galileana bitika kely anankiray fotsiny, zanaky ny mpandrafitra, saingy tsy nisintonia ny totohondry mihitsy Izy. Nolazainy tamin’izy ireo.

<sup>189</sup> “Aza mihevitra,” hoy i Jaona, ilay Mpialoha-làlany, no nilaza... Izy no anankiray hafa izay tsy nisintonia ny totohondry. Hoy izy hoe, “Aza tonga eto mba hilaza hoe ahoana no anananareo an'i Abrahama ho raintsika. Andriamanitra dia afaka manangana zanaka ho an'i Abrahama avy amin’ireto vato ireto.” Eny, tompoko. “Efa mipetraka eo amin’ny fototry ny hazo ny famaky, ary ny hazo rehetra izay tsy manome voa dia hokapaina ary hatsipy ao anaty afo.” Eny, tompoko. Andriamanitra dia hentitra, sarotiny ary henjana amin’ny Teniny. Eny, tompoko.

<sup>190</sup> Mariho, Jesosy, voaporofon’ny Soratra! Mandre ahy ve ianareo? [Hoy ny fiangonana hoe, “Amena.”—Mpand.] Jesosy no notondroin’Andriamanitra, tamin’ny alàlan’ny Soratra, fa Izy no Mesia. Marina ve izany? [“Amena.”] Ho tonga eo amin’ny

fiampangan'i Petera isika, afaka minitra vitsy, dia ho hitanareo na izany ilay izy na tsia. Voatondro marina Izzy, hoe Izzy no Andriamanitra voaseho ao amin'ny Lehilahy iray, nantsoina hoe Zanak'Andriamanitra. Marina izany. Na dia, voatondro mazava sy voamarina ho ny Teny nampanantenaina aza Izzy, hoe Izzy no Mesia. Hoy Mosesy hoe, "Izany Mesia izany, rehefa tonga Izzy, dia ho mpaminany iray Izzy," ary ireo zavatra rehetra ireo dia hiseho.

<sup>191</sup> Ilay vehivavy kely niaraka tamin'ny...nitsangana teo amin'ny fantsakana, ary io toerana maloto rehetra izay nahai-azy azy io, inona no noharin'izany? Fa Andriamanitra amin'izao andro farany izao dia hisintona an'ireo voahilika.

<sup>192</sup> Tsarovy omaly hariva, tao amin'ilay fampakaram-bady... Na, andro hafa izay nitoriake teto. Tao amin'ilay sakafon'ny fampakaram-bady, dia nilaza an'izay nolazainy izy ireo. "Efa nanao sakafo betsaka Aho, sy ny sisa. Ary ireo olona ireo, nanasa azy ireo Aho, nefy ny tsirairay avy dia nanao fialan-tsiny. 'Tsy afaka manao an'izany aho, satria handrava ny fanekem-pinoanay izany. Tsy afaka ho tonga aho, satria izaho manana ny...Nampaka-bady aho; tsy hamela ahy ho avy izy. Oadray, izaho—izaho efa nanambady fiangonana iray eto. Ny reniko dia Metodista, na Batista, na Katolika, na Prote... Tsy afaka hanohana an'Izany mihitsy aho.'"

<sup>193</sup> Hoy Izzy hoe, "Ary tsy ho avy ianareo. Ary tsy hanandrana ny Sakafoko ianareo! Fa mandehana mankany ary tereo ireo mpivarotena sy mpijangajanga, sy ireo mpimamo, ary na inona na inona izany. Ento miditra izy ireo, fa Izaho no hanitsy azy ireo. Efa Voamboatrako ny Sakafoko, ary ireo—ireo Nasaiko... Efa voaomana ny Latabatro, ary tokony hisy olona eo." Tsy tonga izy ireo. Nanameloka an'ireo Jiosy ireo Izzy.

<sup>194</sup> Ahoana ny amin'izao andro izao? "Izaho—izaho—izaho mikambana amin'ny Presbyterana. Izaho—izaho tsy afaka. Izaho dia Metodista, Loterana. Izaho an'ny tokana. Izaho an'ny roa. Izaho an'ity. Tsy afaka aho. Tsy afaka aho." Eo ianareo izao. Tsy ho any ianareo amin'izay fotoana izay! Izay marina tokoa no Nolazainy. Eny àry.

<sup>195</sup> Voamarina mazava, Mesia. Voamarina mazava, ny Teny, ilay Teny nampanantenaina. Ilay Andriamanitra izay nampanantenina ny Teny, hoe ho toy ny ahoana io Mesia io, indro Izzy tonga ary nitsangana marina tokoa. Hoy Izzy tamin'izy ireo, "Ankehitriny, taiza no nahadiso Ahy? Raha tsy afaka mino Ahy ho Olona ianareo, dia minoa an'ireo asa izay Ataoko; fa izy ireo no zavatra izay milaza hoe Iza Aho. Ireo ihany no milaza fa Izaho no Mesia. Tsy te-hino Ahy ianareo, satria ianareo dia mihevitra fa—fa Josefa tany... Ary Izaho dia teraka tao amin'ilay trano bongo kely tany, ary—ary ny Raiko mpamelona eto dia—dia mpandrafitra iray tany. Ary—ary ianareo..."

<sup>196</sup> Rehefa tonga tany Galilia Izzy, izy ireo, ka handeha hanao... Hoy izy hoe, "Hey, Iza io Lehilahy io? Iza Io? Eny, io Lehilahy io, tsy io ve... Tsy eto ve i Josesy sy ireo Rahalahiny rehetra? Tsy miaraka amintsika ve ireo Anabaviny? Tsy ny Reniny ve no antsoina hoe Maria, ary ny Dadany antsoina hoe Josefa? Taiza, taiza no nangalanareo Zalahy tahaka an'io? Avy tamin'ny sekoly inona Izzy? Tsy manana kara-piombonana Izzy. Izzy, Izzy tsy manana taratasy fanendrena akory. Taiza ny Zalahy tahaka an'io no... Taiza no nangalanareo an'io, na izany aza?"

<sup>197</sup> Ary ny Baiboly no nilaza fa Izzy dia—Izzy dia nanafintohina. Nilaza Izzy... Asa lehibe maro no tsy Azony natao; ary dia nanodina ny Lamosiny ary niala tamin'izy ireo. Hoy Izzy hoe, "Ny mpaminany dia tsy ho tsy hajaina afa-tsy eo anivon'ny olony manokana ihany, hitanareo, ao amin'ny zara-taniny manokana," diniho, "na ao amin'ny fireneny manokana."

<sup>198</sup> Teo Izzy, voamarina mazava, ny Mesia. Tsy naka laza tsara ho Azy manokana. Hoy Izzy hoe, "Tsy afaka manao na inona na inona Aho afa-tsy izay Hitako ataon'ny Ray ihany." Ary nihaika azy ireo Izzy hanontany raha izany no Mesia.

<sup>199</sup> Ary jereo ilay vehivavy kely ratsy fitondran-tena; nahafantatra an'izany izy. Izzy, izy dia tsy mba nampianarina. Ilay fanilo dia tsy... Ratsy ara-pitondran-tena izy, mazava ho azy. Tsy misy afaka hanamarina an'izany. Manameloka an'izany ireo lalàn'Andriamanitra. Ratsy ara-pitondran-tena izy. Saingy izy...

<sup>200</sup> Hitanareo, Andriamanitra dia tsy mitsara anareo eo amin'ny... izay maha-izy anareo. Izzy dia mifaly... Izzy dia tsy mitsara hoe lehibe toy ny ahoana ianareo na kely toy ny ahoana ianareo. Mitsara ny fonareo Izzy, te-ho inona ianareo.

<sup>201</sup> Tsy nila ny anankiray tamin'io karazan-javatra io izy. Ary rehefa nanelatratra teo anoloany Ity, dia Izany no nilainy. Tsy mampaninona izay naха-izy azy tamin'izany, vonona ny ho avy izy. Hitanareo? Mitsara ny fo Andriamanitra. Ny olona mitsara ny fiseho ety ivelany. Andriamanitra mijery ny fo. Tsy mampaninona izay naха-izy azy; nanelatratra io Hazavana io, ary dia nilamina hatreto ilay izy. Nosamboriny ilay—ilay—ilay—ilay herin'ny Fiainana Mandrakizay.

<sup>202</sup> Oh, oadray, harena toy ny inona izany, ho ahy, hitanareo, ny mahita sy mahafantatra fa izany no Fahamarinana. Izaho dia—Izaho dia hihazona amin'Ity. Izaho dia hamela... Hitsangana ilay Andriamanitra ny Lanitra, ary ny feoko ho ao amin'ny horonam-peo an'ilay fotoana lehibe an'Andriamanitra any, ary izany no hanameloka an'ity taranaka ao amin'ny andro farany ity. Satria, izany dia—izany dia ao amin'ny horonam-peo, avy eo dia ho ao amin'ilay horonam-peo Mandrakizay izany amin'izay fotoana izay. Marina izany. Hanameloka an'ity taranaky ny mpitory teny izay manana ny endriky ny toe-

panahy araka an'Andriamanitra ity, nefà mandà ny Herin'ny Teny sy ny Fanehoany rehefa voatondro mazava Izany hoe mbola Izy foana no Jesosy Kristy, ilay tsy miova omaly, anio, ary mandrakizay. Miampanga azy ireo aho, amin'ny alàlan'ny Tenin'Andriamanitra.

<sup>203</sup> Tsy maintsy ho tonga eo amin'ny teny fikasana hafa iray aho, haingana, satria manana eo amin'ny dimy ambin'ny folo minitra eo sisa isika.

<sup>204</sup> “Teo izy ireo—teo izy ireo...” Inona? Oh, oadray! Kalvary! Ary izy ireo no “nanombo” Azy, fahatelo. Nanombo Azy izy ireo, tamin’ny tsy fahafantarana ny Teny nampantanenain’Andriamanitra tonga voaseho. Ary nahoana no nohomboan’izy ireo io Lehilahy io? Azonareo eritreretina fotsiny ve? Mamelà ahy hiverina iray minitra indray. Nahoana ireo olona ireo no nanombo Lehilahy iray tahaka an’izany? Tahaka an’i Maria... .

<sup>205</sup> Tahaka ny namakiako boky anankiray indray mandeha, nantsoina hoe *Ilay Andrianan’ny Tranon’i Davida*. Ingraham no nanoratra azy, Dokotera Ingraham. Boky mahafinaritra! Tantara iray ilay izy, natao ho amphan’ny fahamarinana, avy amin’ny lahatsoratra trrainainy nalaina avy tamin’ny vehivavy antsoina hoe Adina, fa izy... Tonga tany Palestina izy, avy tany—avy tany Egypta, tao Le Caire, mino aho fa izay ilay izy, mba hamarana ny fianarany. Ary tany izy nandrity ny andron’i—andron’i Kristy, ary natao hanoratra ho an’ny rainy izy. Ho tsara raha haka an’izany ianareo ary hamaky azy. Izany, izany dia tena tsara tokoa, *Ilay Andrianan’ny Tranon’i Davida*. Ilay lehilahy izay nanoratra ihany an’Ny Andry Afo; ary, avy tamin’izany, no nangalan’i Cecil DeMilles *Ny Didy Folo*.

<sup>206</sup> Ankehitriny dia mahita isika, ao amin’izany boky izany, fa io Adina io no nanoratra tany. Ary nilaza izy, tamin’ny andron’ny fanomboana, fa Maria Magdalena, ilay Nandroahany devoly fito, dia nihazakazaka teo anoloan’ireo olona marobe, nanao hoe, “Inona no Nataony? Inona no Nataony? Nanasitrana ny marary fotsiny sy nanafaka an’ireo izay tao an-tranomaizina! Inona no Nataony afa-tsy ny tsara? Aoka hisy olona hilaza an’izany!”

<sup>207</sup> Ary lehilahy iray no namelaka azy teo am-pitan’ilay tany malalaka, saiky, ka nanao hoe, “Hino an’io vehivavy adala io ve ianareo, eo anatrehan’ny mpisoronareo?”

<sup>208</sup> Eo ianareo izao. Hitanareo? Inona no Nataony? Tsy nanao na inona na inona Izy. Nahoana izy ireo no nanombo Azy? Nahoana? Nahoana? Satria tsy nahafantatra izy ireo hoe Iza Izy.

<sup>209</sup> Izany ilay zavatra mitovy amin’izao andro izao. Ireo mpitory teny, sy ireo olon’izao andro izao, ary ireo mpampianatsika moderina, dia nampianatra be loatra ny olona mba hino fa Izany dia “famosaviana, na ny devoly, na fisintonana ara-tsaina, na vazivavy iray, na karazana fitaka iray,” hany ka ny olona dia tsy

mahafantatra fa izany no fanamarinan'ny Tenin'Andriamanitra ho an'izao andro izao. Famantaran'ny andro farany izany.

<sup>210</sup> Ireo fiangonana, raha tsy mikambana amin'ireo raffipandaminany ianareo, dia hilaza izy ireo hoe, "Ah, eny, zavatra amboamboarina izany. Izany dia—izany dia vazivazy iray. Eny, jereo eto i *Ranona-sy-ranona* ary *Ranona-sy-ranona*." Fa aoka izy ireo hanaporofo indray mandeha an'ilay tena Zavatra ho vazivazy. Ah-hah. Aoka izy ireo hanaporofo indray mandeha fa diso Izany. Tsy vitan'izy ireo izany. Tsy mbola nampahafantarina mihitsy Izany hoe diso, ary tsy ho diso mihitsy Izany, satria Andriamanitra Izany. Hitanareo? Fa tian'izy ireo ny hanondro.

<sup>211</sup> Mieritreritra izy ireo hoe, "Oh, eny, raha lehilahy iray miaraka amin'ny anarana malaza ilay izy!" Satria vondrona kely ilay izy, andiany kely iray izay karazan'ny voahilika, "Eny, izahay no nandroaka an'io olona io tao amin'ny fiangonanay." Hitanareo? "Izy ireo, tonga tao amin'ny vondronay izy ireo fahiny, hitanareo, saingy lasa nankany amin'ity izy ireo, ary lasa nankany amin'itsy izy ireo, ary ankehitriny, hitanareo, izy ireo dia lasa... Eny, jereo hoe inona ilay izy, iza ilay izy."

<sup>212</sup> Tsy ahoako. Afaka niteny zavatra nitovy tamin'izany izy ireo nikasika an'i Petera, Jakoba, ary Jaona. "Lehilahy tsy mahay sy tsy nianatra," hoy izy ireo. Saingy tsy maintsy nahamarika izy ireo, fa nisy zavatra nitranga hatramin'io fotoana io. Efa niaraka tamin'i Jesosy izy ireo. Izany no nanao an'ilay fahasamihafana. Hitanareo?

<sup>213</sup> Nanao an'izany izy ireo satria tsy fantany hoe Iza Izy. Tsy fantatr'izy ireo fa tsy nijoro teo ilay fanamarinana ny Tenin'Andriamanitra tamin'io andro io... Ankehitriny, teo izany indray andro, ary marina izany; teo izany, indray andro, nitandrina ny lalàna fotsiny sy ny sisa. Fa ilay lalàna izay nisy ihany, izay notandreman'izy ireo, no nanondro azy ireo ho amin'ny fotoana iray izay Hahatongavany sy io Lehilahy izay natao ho Izzy io. Nanana an'ity ampahany ity izy ireo, saingy tsy naka an'ilay ampahany *hafa*.

<sup>214</sup> Ary izany ilay zavatra mitovy izay ataon'izy ireo ankehitriny. Manana fiangonana iray izy ireo, ary izy ireo dia "mino an'i Jesosy Kristy," ary milaza fa mino izy ireo, sy ny sisa, nefà mandà an'ilay ora izay iainany! Mbola mitondra an'ilay ohabolana tranainy indray hoe: ny olona dia midera an'Andriamanitra amin'izay efa Nataony, mijery mankany amin'izay mety Hataony, ary, na hataony, ary tsy mahalala an'izay efa Ataony, ka voaheloka amin'izany. Hitanareo? Mieritreritra izy ireo hoe, "Mahafinaritra Andriamanitra. Lehibe toy ny ahoana Izzy! Izay Hataony dia: Ho avy Izzy, ary hisy Fampakarana iray, indray andro any, ka handeha hody any antzano," nefà mandà an'ireo tena famantarana sy fahagagana eto

mihitsy amin'ny fotoana izay ilazan'ny Soratra fa hanao an'izany Izy. Diso amin'ilay Zavatra manontolo!

<sup>215</sup> “Raha ny jamba no mitarika ny jamba,” hoy Jesosy, “dia hianjery any an-kady izy rehetra.” Mivavaha fotsiny amin’Andriamanitra mba hanokatra ny masonareo amin’izao andro farany izao. Eny àry.

<sup>216</sup> Ankehitriny, mitovy, manao an'ilay zavatra mitovy izy ireo amin’izao andro izao. Mandà sy manombo an'ilay Andriamanitra iray ihany izy ireo, amin’izao andro izao, nohon'ny tsy fahafantarana Azy. Mitovy, nohon'ny fandavana Azy. Ary eo am-panaovana, nohon'ny fandavana, an'ireo zavatra izay atao'izy ireo amin’izao andro izao, dia tsy manombo an'i Kristy indray izy ireo, tena izy, fa miteny ratsy ny Fanahy Masina izy ireo. Ary amin'ny fanaovana an'izany, dia manombo izy ireo. Ahoana no hitenenan'izy ireo ratsy ny Fanahy Masina? Ahoana?

<sup>217</sup> Ahoana no nitenenan'izy ireo ratsy an'Izany teo, tany? Nahoana, tsy afaka niteny ratsy an'Izany izy ireo tamin'izany fotoana izany; tsy mbola tonga Izany. Izy ireo dia niantso an'i Jesosy hoe, “Belzeboba,” niantso Azy hoe “Belzeboba,” satria Izy afaka nahafantatra ny zava-miafin’ny fon’izy ireo, sy ny sisa. Hoy izy ireo hoe, “Devoly Io.” Amin’ny teny hafa dia hoe, “Mpanao hatsarana Izy. Izany no Hanaovany an’io, dia amin’ny alalan’ny fanaovana hatsarana. Tsy misy afa-tsy devoly Izy.” Hitanareo, tsy nanana mpaminany izy ireo tao anatin’ny efa-jato taona, ka tsy zatra an'izany intsony izy ireo. Hitanareo? Nanana ny lalànanany fotsiny izy ireo. Hoy izy ireo hoe, “Belzeboba Io.”

<sup>218</sup> Dia hoy Jesosy hoe, “Hamelà anareo ny amin’izany Aho, fa rehefa tonga kosa ny Fanahy Masina,” hitanareo, ankehitriny, “ka miteny teny iray manohitra an'Izany ianareo, dia tsy ho voavela amin’izany intsony ianareo.”

<sup>219</sup> Tsarovy, tsy havela izany, sy tsy mety, amin'ny fomba rehetra, tsy misy famindram-po, rehefa miteny ratsy ianareo, ka miantsy ny Fanahin’Andriamanitra, ny Tenin’Andriamanitra izay nohamarinin’ny Fanahy... Hitanareo, ny Teny dia milaza an’izao, ny Fanahy no manamarina an'Izany, nefà ianareo miantsy an'Izany hoe “zavatra maloto,” efa niampita an'ilay tsipika eo anelanelan’ny famindram-po sy fitsarana ianareo, ary tsy mety ho voavela amin’izany intsony.

<sup>220</sup> Izany no antony iampangako an'ity taranaka ity, ho meloka, nohon'ny fanomboana, fitenenan-dratsy an'ilay Zanak’Andriamanitra voaseho araka ny nampanantenain’ireo mpaminany rehetra, sy Kristy Izy tenany, fa hisy amin'ny andro farany; tahaka ny tamin'ny andron'i Noa, tamin'ny andron'i Sodoma. Fitenenan-dratsy! Fa, nanombo izy ireo, teo amin'ny olona, an'ilay Zanak’Andriamanitra indray, ny

Teniny voamarina. Teny anankiray manohitra an'Izany dia tsy ho voavela intsony.

<sup>221</sup> Ankehitriny inona ary no hataonareo? Inona no hijoroanareo? Voaheloka izy ireo, miandry fotsiny an'ilay oran'ny fahatezeran'Andriamanitra hiraraka. Hanorotoro azy ireo izany.

<sup>222</sup> Tia an'ireo fampianaran'anaram-piangonana nataon'olombelona sy ireo dogma kokoa izy ireo noho ilay Tenin'Andriamanitra voamarina; ity taranak'olona ity. Oh! Izaho—izaho dia maniry fotsiny mba hanana fotoana lava ho an'izao. Hitanareo? Ity taranak'olona ity, ity taranaka ity dia manao tsinontsinona ny fanambaran'*Andriamanitra*. Fa isika kosa dia mamindra eo amin'izay nitsahin'ireo apostoly. Marina izany.

“‘Andriamanitra,’ ve hoy ianareo? Eny, ny hafa dia milaza an’izany koa.” Andriamanitra no manamarina an'Izany.

<sup>223</sup> Hoy Jesosy hoe, “Raha—raha—raha tsy miteny ny Amiko ireo asa, dia mandehana fotsiny ary lazao fa Izaho no milaza an'ilay izy amin'ny Tenako manokana. Fa raha miteny ireo asa, dia tsaratsara kokoa ho anareo ny mino an'ireo asa, hitanareo, satria izao no ora.” Hoy Izy, “Ianareo dia mahafantatra fa hihiratra ny masoandro rahampitso, na ho ratsy ny andro; satria mena sy matroka ny lanitra, dia ho tsara rahampitso.” Hoy Izy, “Afaka mamantatra ny endriky ny lanitra ianareo; saingy ireo famantaran’ny fotoana kosa, dia tsy misy fantatrareo ny amin’izany. Raha nahafantatra an'Andriamanitra ianareo, dia ho nahafantatra ny Androko.”

<sup>224</sup> Dia hoy izy ireo hoe, “Manao zavatra be loatra amin'ny Tenanao manokana Ianao; manao ny tenanao ho Andriamanitra Ianao.” Ary nataon’izy ireo teo amin'ny hazo fijaliana Izy.

<sup>225</sup> Ary ny Fanahy Masina, amin'izao andro izao, dia tsy Olona fahatelo. Andriamanitra Izany, Izy tenany, voaseho ao amin'nynofon'olombelona, amin'ny alàlan'ny Ràn'i Jesosy Kristy, mba hanamasina fainana iray izay Hahafahany hampitaratra ny Tenany. Ary nohomboan'izy ireo ilay Teny iray ihany tonga voaseho. Azonareo ve? [Hoy ny fianganana hoe, “Amena.”—Mpand.] Ny fanomboana an'i Kristy, amin'izao andro izao, dia ireo olona izay handà an'ilay Zanak'Andriamanitra voamarina sy voaseho eo anivon'ny olona, amin'ny alàlan'Ireo—Ireo zavatra izay Nolazainy fa hiseho amin'izao andro izao tamin'ny alàlan'ny Teniny. Hitanareo?

<sup>226</sup> Ankehitriny, ilay fanamarinana iray ihany, dia tsy maintsy hitovy, raha mbola Izy ihany no Zanak'Andriamanitra, satria nilaza Izy ao amin'ny Masindahy Jaona 14:12, ankehitriny, hoe, “Ireo asa izay Ataoko no hataonareo koa.” Hebreo 13:8, “Izy no tsy miova omaly, anio, ary mandrakizay.” “Raha mitoetra ao Amiko ianareo,” Jaona 15, “raha mitoetra ao Amiko ianareo,

ary ny Teniko mitoetra ao aminareo, dia angataho fotsiny izay tianareo fa homena anareo izany.” Eny, tompoko!

<sup>227</sup> Tsarovy, olona tena mpivavaka izy ireo izay nanao an’izany. Tsy vahiny izy ireo. Olona mpivavaka izy ireo tamin’izany andro izany. Ary izany koa no manao an’ilay izy amin’izao andro izao, dia ireo olona mpivavaka; fanomboana mitovy, zavatra mitovy amin’izao andro izao. Haingana...

<sup>228</sup> “Teo no nanomboany Azy,” tamin’izany, tamin’izany. Azo antoka. Tamin’izany no nandavan’izy ireo ny Tenin’Andriamanitra tonga voaseho, ka nanaiky an’ireo fanekem-pinoany raha tokony ho ny Teny.

<sup>229</sup> Izany ve no ataon’izy ireo amin’izao andro izao? Izany marina tokoa, manao an’ilay mitovy amin’izao andro izao. Izy no Teny; ary nolavin’izy ireo ilay Teny. Izany ilay foto-kevitra anankiray izay tiako tsy hahadiso anareo, hitanareo, tiako tsy hahadiso anareo. Izy no Teny, ary, rehefa nolavin’izy ireo Izy, dia nolavin’izy ireo ilay Teny. Ary rehefa nolavin’izy ireo Izy, farany dia nohomboan’izy ireo Izy. Ary izany no nataon’izy ireo amin’izao andro izao: manda ny Tenin’Andriamanitra, ary manaiky ny fanekem-pinoan’izy ireo; ary nanombo, am-pahibemaso, teo anatrehan’ny fiangonany, an’ilay fiasan’ny Fanahy Masina. Ary meloka izy ireo, ary miampanga azy ireo amin’ny Anaran’i Jesosy Kristy aho.

<sup>230</sup> Dimy ambin’ny folo taona no nahitako Azy nihetsika nanerana ny firenena, nefà dia mbola mihazona ny fanekem-pinoany foana izy ireo. Meloka izy ireo! Nalain’izy ireo ilay Teny izay tokony nitondra an’ilay fiangonana, ireo fiangonana rehetra hiaraka, sy nahavita firaisan’ny mpirahalahy goavana be teo anivon’ireo Pentekotista sy ny sisà rehetra tamin’izy ireo; raha tokony nanao an’izany, dia nolavin’izy ireo Izany, ary nihodinany Izany, nesoiny Izany, ary niantso an’Izany amin’ny zavatra rehetra ankehitriny.

<sup>231</sup> Ary ankehitriny, amin’ny alàlan’ny fiombonamben’ny fiangonana iray, avy amin’ny drafity ny devoly, dia miezaka ny hiditra ka manao hoe, “Ankehitriny ho avy izahay, hividy Solika.” Nolavina izy ireo. Ary izy ireo dia... Meloka amin’ny fanomboana an’i Jesosy Kristy izy ireo. Raisonareo ireo fepetran’Andriamanitra, raha tsy izany dia tsy hety ireo fepetranareo. Hitanareo?

<sup>232</sup> Nandà ny Tenin’Andriamanitra tonga voaseho izy ireo, nohon’ny fanekem-pinoany, ary izany ihany no ataon’izy ireo amin’izao andro izao. “Izy no Teny,” Jaona, Masindahy Jaona 1. Hebreo 13:8 manao hoe, “Izy no tsy miova omaly, anio, ary mandrakizay.” Ankehitriny dia manombo Azy indray izy ireo.

<sup>233</sup> Efa fantatrareo ve fa ny Baiboly dia nilaza fa afaka manao an’izany isika? Firy no te-hamaky kely fotsiny? Sitrakareo ve ny mbola hanome ahy dimy ambin’ny folo minitra amin’izany?

[Hoy ny fiangonana hoe, “Amena.”—Mpand.] Eny àry. Ndao isika hamadika ankehitriny, iray minitra fotsiny, ny “voahombo indray.” Ndao isika handeha ao amin’ny Hebreo, ny toko faha-6, ka hamaky kely fotsiny. Hebreo ny faha-6, ary hahita raha toa isika ka “manombo ny Zanak’Andriamanitra indray,” hahita raha azo natao izany.

Hoy ianareo hoe, “Tsy afaka manombo Azy indroa ianareo.”

<sup>234</sup> Ho hitantsika raha afaka isika na tsia. Ny Tenin’Andriamanitra no fahamarinana. Marina ve izany? [Hoy ny fiangonana hoe, “Amena.”—Mpand.] Hebreo 6:1 izany.

*Koa aoka ilaozantsika ny fampianarana ny amin’i Kristy, aoka isika handroso amin’ny tanteraka; tsy eo amin’ny fanorenana an’ny amin’ny fibebahana sy asa maty, ary ny amin’ny finoana an’Andriamanitra,*

*Ary ny fampianarana ny amin’ny batisa,... fametrahan-tànana, sy ny amin’ny fitsanganana amin’ny maty, ary ny amin’ny fitsarana mandrakizay.*

*...izany no hataontsika, raha avelan’Andriamanitra.*

<sup>235</sup> Hitanareo, tian’i Paoly ho fantatra fa ireo zavatra eto ireo dia tena ilaina tokoa; batisa, fametrahan-tànana, ny fitsanganana, Fihaviana faharoa. Ireo zavatra rehetra ireo dia Mandrakizay. Tena ny Fahamarinana tokoa izy ireo.

<sup>236</sup> Ankehitriny mariho, “Fa tsy azo atao.” Mamakia miaraka amiko, an’ity andininy anankiray ity. Tiako ianareo hamaky azy miaraka amiko ankehitriny, ny andininy faha-4. [Miara-mamaky an’ireo andininy telo manaraka Rahalahy Branham sy ny fiangonana—Mpand.]

*Fa tsy azo atao ho an’ireo efa nohazavaina indray mandeha, sy efa nanandrana ny fanomezana avy any andanitra, ary natao ho mpandray anjara amin’ny Fanahy Masina,*

*Ary nanandrana ny teny tsaran’Andriamanitra, sy ny herin’ny fiaimana ho avy,*

*Raha mihemotra izy ireo, ka manavao azy ireo indray amin’ny fibebahana; satria dia manombo ho an’ny tenany an’ilay Zanak’Andriamanitra indray izy ireo, ary mametraka azy ho eo amin’ny fahamenarana miharihary.*

<sup>237</sup> Teniko ve izany, sa Azy? “Ny olona izay tonga eo amin’ny fahalalana iray.” Tsarovy, tsy naharay an’Izany mihitsy izy ireo. Mpino mpanara-driandrano izy ireo. “Rehefa avy naharay ny fahalalana ny Tenin’Andriamanitra isika,” mahazo an’izany ianareo avy amin’ny fahalalana iray, avy amin’ny famakiana sy fahitana an’Izany, “kanefa avy eo dia mandà an’Izany, amin’izay fotoana izay, ianareo, tsy azo atao intsony mihitsy ho anareo ny ho vonjena.” Namaky an’izany ve ianareo

ankehitriny? Hitanareo, “Efa nandray fahalalana iray ny amin’ny Fahamarinana,” fotsiny, azonareo ilay izy. Tsy nahazo an’Izany mihitsy ianareo.

<sup>238</sup> Izany dia tahaka an’ireo mpino izay nandeha tany. Tena tandindon’ilay dia mihitsy ilay izy. Ity, ity fahatelo ity, ity fifindrana fahatelo ity, dia tandindona iray an’ireo sisa amin’izy ireo fotsiny. Jereo, jereo ny tany aoriana tany. Mamelà ahy haneho aminareo zavatra anankiray ankehitriny, iray minitra fotsiny. Miala tsiny amin’ilay fiteny. Jereo.

<sup>239</sup> Nifidy lehilahy roa ambin’ny folo Isiraely, anankiray isaky ny foko, filoha ara-anaram-piangonana, ary nitondra azy ireo teo amoron’ilay sisiny, ilay tany nampanantenaina, ary naneho tamin’izy ireo an’ireo zava-tsoa ho avy, izay nananan’izy ireo. Ary niverina izy ireo, nitaraina, hoe, “Tsy vitantsika ny hanao an’ilay izy.”

<sup>240</sup> Saingy nisy anankiroa tamin’ireo roa ambin’ny folo, Josoa sy Kaleba, izay nilaza fa njery ny Teny izy ireo. “Andriamanitra no nilaza fa antsika io, ary mihoatra noho ny mahavita isika haka azy.” Marina ve izany? [Hoy ny fiangonana hoe, “Amena.”—Mpand.]

<sup>241</sup> Inona izany? Mpino mpanara-driandrano. Hitanareo, teraka tao amin’ilay fiangonana tokoa izy ireo. Filohan’ny vahoaka izy ireo. Eveka izy ireo, mba hilazana azy, ka nandroso mihitsy teo amin’izay nanehoana ny Tenin’Andriamanitra ho ny Fahamarinana. “Io ilay tany!” Tsy mbola tany mihitsy izy ireo. Tsy fantatr’izy ireo fa tao ilay izy. Fa nandeha tany izy ireo mba hahita fa tao ilay izy. “Tao ilay izy!” Ary nandeha tany i Kaleba sy Josoa, ary nitondra ny—ny—ny andiam-boaloboka ka namela azy ireo hihinana ny avy amin’izany. Ary nanandrana an’ilay tany tsara izy ireo, nefo avy eo dia niverina ka nanao hoe, “Tsy vitantsika izany. Hitanareo? Tsy vitantsika mihitsy izany.”

<sup>242</sup> Indro ilay vondrona mitovy ihany, tamin’ny andron’i Jesosy Kristy. “Raby, fantatray fa Ianao dia mpampianatra avy amin’Andriamanitra.” Hitanareo? Mpanara-driandrano! “Fantatray fa Ianao dia mpampianatra avy amin’Andriamanitra. Tsy misy olona mahay manao an’ireo zavatra izay Ataonao. Manaiky izahay fa Andriamanitra no tsy maintsy ao amin’izany.” Nahoana izy ireo no tsy nanaiky an’ilay izy? Nahoana izy ireo no tsy nandray an’ilay izy? Mpanara-driandrano! Mpanara-driandrano!

<sup>243</sup> Indro izy ireo eto amin’ity fifindrana fahatelo ity; famantarana iray ihany, fanehoana iray ihany, Kristy iray ihany, Fanahy Masina iray ihany, asa iray ihany, Andriamanitra iray ihany, Hafatra iray ihany, nefo dia tsy afaka mandray an’Izany izy ireo. Tsy maintsy hahafoj ny kara-piombonany izy ireo. Inona izany? “Nanana fahalalana iray ny amin’ny Fahamarinana izy ireo.” Nijery izy ireo ka nahita fa izany tanteraka tokoa

no Fahamarinana. Tsy afaka mandà an'Izany izy ireo. Ireo magazina no tsy maintsy hanambara fa nahita an'Izany izy ireo. Ireo sary, ireo gazety, ilay porofo, ny fitsanganan'ilay maty, ny fanambaran'ireo dokotera an'ilay marary, tsy maintsy milaza izy ireo fa Izzy izany. Ary ireo filazana mialoha, tsy nisy anankiray tamin'izy ireny mba diso nandrity ny taona maro, ny tsirairay tamin'izy ireny dia tena marina hatrany amin'ny teboka mihitsy, tsy afaka milaza izy ireo afa-tsy ny hoe Andriamanitra izany. Fa tsy mety manaiky an'Izany izy ireo.

<sup>244</sup> Io andiana mpitoriteny ao Chicago io, telonjato mihoatra kely amin'izy ireo, no tokony ho tonga ka hatao batisa tamin'ny Anaran'i Jesosy Kristy. Aiza izy ireo izao? Lehibe loatra ilay vidiny. Tsy afaka manao an'izany izy ireo. Inona izany? Ny Baiboly no nilaza, fa rehefa manao an'izany izy ireo, dia inona no ataon'izy ireo? Mampisaraka ny tenany eo anelanelan'ny famindram-po sy fitsarana izy ireo. "Fa tsy azo atao ho an'ireo izay efa nohazavaina indray mandeha," efa nentina mba hijery an'Izany, "ka nahazo fahalalana ny amin'ny Fahamarinana, sy efa nanandrana ny Tenin'Andriamanitra tsara, raha mihemotra amin'Izany izy ireo, eo amin'izay tokony hanavaozany ny tenany indray, manao hoe, 'Eny, ankehitriny, hanao aho, eny, . . .'"

<sup>245</sup> Ianareo Presbyterana, ianareo Metodista, sy Batista, sy Loterana, ary ity tariky ny Full Gospel Business Men ity, milaza fa izy ireo dia "hiditra," nandà ny Hafatra izy ireo. Ny fiangonanareo dia hanao. Hisy isam-batan'olona ho ao, azo antoka. Fa, tsy ny fiangonana; tsy maintsy mivoaka avy ao amin'ilay fiangonana ianareo, mba hahazo an'Izany. Hitinanareo? Marina izany. Isam-batan'olona dia marina.

<sup>246</sup> Fa rehefa mihevitra ianareo fa ny fiangonana Presbyterana no haharay ny Fanahy Masina, ka izy rehetra ireo dia hamela ny taratasin'izy ireo, dia, aza mieritreritra an'izany mihitsy ianareo. Ary ianareo ve dia mihevitra fa ianareo Metodista dia hanao an'izany? Tsy hanao an'izany mihitsy ianareo. Mihevitra ve ianareo fa ianareo Triniterana dia mba handray ny Anaran'i Jesosy Kristy ka hanao batisa ny tsirairay avy aminareo amin'ny . . . Tsy hanao an'izany mihitsy ianareo. Tsy hanao an'izany mihitsy ianareo. Fa ny isam-batan'olona no hivoaka ary hanao an'izany, marina izany, ary izany no famantaran'ny Fihaviany. Fa ireo fiangonana izay efa nahita ny Fahamarinana, nefà mandà an'Izany ao amin'ny favoriambeny, dia "tsy azo atao izany."

<sup>247</sup> Noho izany, dia meloka amin'ny fanomboana an'i Jesosy Kristy izy ireo. Ary miampanga azy ireo aho amin'ny alàlan'ny Tenin'Andriamanitra, fa Andriamanitra dia . . . "Ahoana no iampanganao azy ireo, Rahalahy Branham?" Miampanga azy ireo aho, hoe Andriamanitra dia nanondro mazava ny Tenany tao amin'ny Teniny, amin'ny andro farany, ary naneho ny Tenany mba ho fantatra fa Izzy dia mbola tsy miova omaly, anio, ary

mandrakizay, ary nolavin'izy ireo tamim-pangatsiahana Izany. Ary meloka amin'ny fanomboana an'i Jesosy Kristy ianareo, tamin'ny fitenenana ratsy ny Fanahy Masina. Marina izany.

<sup>248</sup> Izahay dia mahita anareo ao amin'ny Hebreo 10, indray, izay milaza aminay indray ao amin'ny Soratra, tsy hoe "tsy azo atao," fotsiny ihany fa tsy vitanareo mihitsy. Izany no mampisaraka anareo amin'Andriamanitra, Mandrakizay. Tsy ho tonga intsony eo amin'ny Fanatrehan'Andriamanitra indray ianareo, rehefa mandà ny Fanahy Masina ka maneso an'Izany.

<sup>249</sup> Ankehitriny, hitanareo, "efa nanandrana ny Teny." Hitanareo, mpino mpanara-driandrano!

"Oh, milaza ve ianareo fa tsy mpino ireo zalahy ireo?"

<sup>250</sup> Mpino izy ireo, na milaza fa mpino, saingy rehefa tonga eo amin'ilay Teny ilay izy... Isiraely izy ireo. Nivoaka teo ambanin'ilay rà izy ireo. Nivoaka teo ambanin'ireo famantarana'i Mosesy izy ireo. Nahita an'ireo famantarana ireo niasa izy ireo.

Hoy Andriamanitra hoe, "Izaho no hitondra anareo any."

<sup>251</sup> Fa rehefa tonga teo amin'ilay fitsipiky ny Teny nampantanenaina izay ho avy ilay izy, dia inona no nolazain'izy ireo? "Oh, tsy vitantsika izany." Hitanareo?

<sup>252</sup> Ary indro izy ireo fa niverina, niaraka tamin'ireo voaloboka sy ny zavatra rehetra, mba hanaporofo fa marina ilay tany. Marina ny Tenin'Andriamanitra. Hoy Andriamanitra hoe, "Omeko anareo izy."

<sup>253</sup> Fa ireo toe-javatra, "Oadray," hoy izy ireo, "toy ny valala isika, eo anilan'izy ireo. Tsy vitantsika io, na ahoana na ahoana."

<sup>254</sup> Taona vitsy lasa izay rehefa teto amin'ity tabernakla ity ilay vatan-tsambo tranaindy, dia nisy olona iray niditra, ary nivoaka teo ka niresaka tamiko, nanao hoe, "Billy, hitory teny amin'ny andry efatra ianao, indray andro any, miaraka amin'ireo Hafatra tahaka an'izao."

<sup>255</sup> Hoy aho hoe, "Hitory teny amin'ny andry efatra aho, satria Andriamanitra dia afaka manangana zanaka ho an'i Abrahama avy amin'izany andry izany." Eny, tompoko. Izany no Fahamarinana. Hoy aho hoe, "Raha manana zavatra izay afaka mandiso an'Izany ianareo, dia ndao alaina izany." Tia maneno fotsiny, nefä rehefa tonga eo amin'ny toerana hanehoana an'izany, dia hafa ilay izy. Eny, izany no manao an'ilay fahasamihafana. Eny àry.

<sup>256</sup> Hia, miaraka amin'ireo fanekem-pinoany dia manombo Azy indray izy ireo. Ankehitriny Hebreo ny toko faha-6, dia hanohy isika. Ary afaka manohy mamaky isika, manohy midina eto. Manana fotoana betsaka isika. Nasiako marika eto amin'ny Soratra eto izay hisy an'ilay izy, Hebreo ny toko faha-6. Izao fotsiny, heveriko, alaivo izy rehetra. "Tsy azo atao ho an'ireo izay efa nohazavaina indray mandeha, natao ho mpandray anjara

amin'ny Fanahy Masina . . ." Tsy manana fotoana handehanana lavitra loatra isika, satria manana Soratra iray hafa izay tiako ho vakiana aminareo aho ao anatin'ny fotoana vitsy. Mariho izao, "Nanombo ho an'ny tenany an'ilay Zanak'Andriamanitra indray izy ireo." Inona no ataon'izy ireo? Inona? Tamin'ny nanaovana fanandramana, sy nahafantarana fa Izany no Fahamarinana, nefà avy eo dia mihodina ka mandà an'Izany. Inona no ataon'izany? "Tsy azo atao . . ."

<sup>257</sup> Koa dia izany no nataon'ity firenena ity. Izany no nataon'ity vahoaka ity. Izany no nataon'ireto fiangonana ireto. Nihodinany Izany, ary nanombo ny Hafatra izy ireo. Nanombo ny Fahamarinana izy ireo, teo amin'ny olona. Ahoana no nataon'izy ireo tamin'i Jesosy? Napetrak'izy ireo teo amin'ny henatra Izzy, nendahany ny Akanjony teny Aminy, nahantony teo amin'ny hazo fijaliana Izzy arynofantsihany teo Izzy, ilay Andrianan'ny Fiainana. Ilay zavatra mitovy amin'izay ataon'izy ireo amin'izao andro izao miaraka amin'ireo fanekem-pinoany! Nanao ilay zavatra mitovy izy ireo. Nendahany ireo zavatra, nendahany ireo—ireo fahatsarana sy ny akanjon'ny Filazantsara, tamin'ny fametrahana an'Izany tamin'ny toeran-kafa, ary nanantona Azy teo amin'ny hazo fijaliana. Oh, oadray! Nahoana?

<sup>258</sup> "Teo izy ireo—teo izy ireo no nanombo," ankehitriny ilay teny farany, "Azy," Azy, ilay Olona sarobidy indrindra. Nahoana izy ireo no nanao an'izany? Tsy nahafantatra Azy izy ireo. Nahoana izy ireo no manao an'izany amin'izao andro izao? Tsy fantatr'izy ireo fa izao no Fahamarinana. Izzy ireo dia—izy ireo dia moana sy jamba ny amin'Izany. Tsy fantatr'izy ireo Izany. Izay ilay antony. Ireo fanekem-pinoany sy fanaon-drazany no nitondra azy ireo nanalavitra ny Tenin'Andriamanitra.

<sup>259</sup> Ankehitriny ho anareo eto, eo am-pamaranana mihitsy ankehitriny, mifantoha tsara. Hitanareo? Fantatro fa mafana ny andro. Izaho dia mafana, ihany koa.

<sup>260</sup> Fa, oh, rahalahy, ity Teny ity no Fiainana raha hihazona Aminy ianareo. Jereo, Izany dia tsy zavatra izay resahantsika, izay mety hitranga eto na rehefa avy eo; Izany dia zavatra izay efa eto miaraka amintsika ary miseho ankehitriny. Tsy zavatra izay hisy; zavatra efa misy. Isika dia tsy manambara hoe, "Fantatray izay efa Nataony; fantatray izay Hataony," fa ankehitriny dia miteny an'izay Ataony isika. Hitanareo? Izao no orantsika.

<sup>261</sup> Mety tsy ho velona isika mba hahita ny Fampakarana. Mety ho faty androany aho; mety ho faty androany ianareo. Tsy fantattro. Fa ho tonga ny Fampakarana. Izany dia—izany dia, rehefa tonga izany, dia ho ao isika, aza manahy; ah-hah, ho toy izany koa ireo sisa rehetra amin'ireo tao amin'ny taona tany aorianana tany, izay nino an'izany ary niandry an'izany. Nandeha teo amin'ny Hazavan'ny androny izy ireo.

<sup>262</sup> Ary indro ilay Hazavana, dia Jesosy Kristy ilay tsy miova omaly, anio, ary mandrakizay. Ilaozy ireo fanekem-pinoanareo ary minoa an'ity Teny ity. *Ity* no Fahamarinana. Ny Teny no Fahamarinana. Hoy Jesosy hoe, “Ny Teniko dia Fanahy, ny Teniko dia Fiainana.” Ahoana no hahazoanareo Fiainana raha mandà ny Fiainana ianareo? Ahoana no handraisanareo dogma iray, izay fahafatesana, sy Tenin’ny Fiainana iray? Mandroaka ny Tenin’ny Fiainana, mba handray ny fahafatesana, ahoana no hanekenareo ny anankiroa amin’ny fotoana anankiray? Tsy vitanareo izany. “Aoka ny tenin’olona rehetra ho lainga, ny dogma rehetra ho lainga.” Ny Tenin’Andriamanitra no Fahamarinana.

<sup>263</sup> Mihaika ny olona rehetra aho mba haneho amiko, ny rehetra... Ary fantatro fa ity horonam-peo ity dia handeha hanodidina an’izao tontolo izao. Ny olona rehetra, ny eveka rehetra, izay ho tonga ao amin’ny biraoko, na eto anatrehan’ity fiangonana ity, ka hanondro amin’ny rantsan-tanany ny toerana anankiray izay mba nisy olona iray natao batisa tamin’ny Anaran’ny “Ray, Zanaka, Fanahy Masina,” ao amin’ny Testamenta Vaovao. Hasehoko anareo hoe aiza no misy olona izay hany natao batisa... Fa ireo izay natao batisa hafa, dia tsy maintsy naverina natao batisa, mba hahazo ny Fanahy Masina.

<sup>264</sup> Inona no hataonareo mikasika an’izany? Hijanona ao amin’ny fanekem-pinoanareo ve? Hijanona ao amin’ny dogma anareo ve dia ho faty? Meloka ianareo! Miaraka amin’ny tanan’ny ratsy fanahy, dia nalainareo ilay Andrianan’ny Fiainana, ilay Tenin’ny Fiainana, ka nohomboanareo Izany teo amin’ny olona.

<sup>265</sup> Ankehitriny inona no nataon’izy ireo? Tsy fantany ilay izy. Amin’izao andro izao dia mandeha amin’ny tsi-fahafantarana ny olona. Tsy fantatr’izy ireo fa izany no Fahamarinana. Mihevitra izy ireo fa izany dia karazana isma anankiray. Tsy mangady lalina loatra ao amin’ilay Fanahin’ny fanambarana izy ireo. Tsy mivavaka betsaka izy ireo. Tsy miantso betsaka an’Andriamanitra izy ireo.

<sup>266</sup> Raisin’izy ireo am-pahamaivanana fotsiny Izany, “Oh, eny, mino aho fa misy Andriamanitra. Azo antoka!” Ny devoly dia mino an’izany ihany koa. Ny devoly aza mbola mino an’izany kokoa noho ireo olona izay milaza fa mino an’izany. Ny devoly dia mino an’izany sady mangovitra. Ny olona mino an’izany fotsiny dia manohy. Fa ny devoly dia mangovitra, mahafantatra fa ho tonga ny Fitsarana azy, fa ny olona dia mino nefä tsy miraharaha fa hoe ho tonga ny Fitsarana.

<sup>267</sup> Meloka amin’ny fanomboana Azy! Azo antoka! Miampanga an’ity taranaka ity aho, mahita azy ireo ho meloka, amin’ny alàlan’ny Teny izay nahita azy ireo fa meloka hatrany ampiandohana. Marina izany. Hoy Jesosy hoe, “Iza no afaka

manameloka Ahy?" Izy no Teny tonga nofo. Ary ankehitriny dia io Teny io ihany no tonga nofo.

<sup>268</sup> Petera dia nilaza tao amin'ny fiampangany, ao amin'ny Asa. Ndao vakantsika mihitsy izany. Petera, rehefa nahita an'izany niseho izy, izay nataon'izy ireo, ny Fanahy . . . Jereo, niaro an'i Kristy i Petera, tamin'izay nataon'izy ireo. Miaro an'izay an'ny Filazantsara aho. Izaho . . . Niampanga azy ireo i Petera noho ny namonoany an'ilay Lehilahy, Kristy, Izay ny Teny. Miampanga an'ity taranaka ity aho noho ny fiezahana mamono ny Teny izay tonga voaseho tao amin'ny olona. Diniho izay nolazain'i Petera. Tsy maintsy ho niakatra avoavo ilay fahasororany. Henoy izy eto amin'ny Asa ny toko faha-2, ary manomboka amin'ny andininy faha-22.

*Ianareo lehilahy Isiraely, henoy izao teny izao; Jesosy avy any Nazareta, voaseho, lehilahy nasehon'Andriamanitra teo anivonareo tamin'ireo fahagagana, . . . famantarana, izay nataon'Andriamanitra tamin'ny alàlany teo afovoany tahaka . . . anareo, tahaka ny fantatrareo ihany koa:*

<sup>269</sup> Fiooo! Eritrereto hoe toy ny ahoana no tsapan'izy ireo! Henoy izao.

*Ianareo lehilahy Isiraely, ilay andriana, ianareo lehilahim-piangonana, ianareo lehilahy masina, ianareo mpisorona, ianareo lehilahy izay natao ho lehilahin'Andriamanitra, henoy izao teny izao; Jesosy avy any Nazareta dia voasehon'Andriamanitra teo anivonareo . . .*

<sup>270</sup> Ankehitriny dia milaza aminareo mpitondra fivavahana aho, sy ianareo vahoaka. Jesosy avy any Nazareta, ilay Fanahy Masina, dia eto Izy ao amin'ilay Olona an'ny Fanahy Masina, dia ilay Fiainana izay tao Aminy. Eto Izy miasa amin'ny alàlan'ny olona, ka manambara ny Tenany amin'ny alàlan'ireo famantarana sy fahagagana izay Ataony. Ary eto izy ireo mihantona manerana ny rindrina, tondroin'ny siansa. Ary mipetraka eto ireo olona, izay efa maty, fa velona androany; ary nohanin'ny homamiadana, fa tsara androany; jamba, fa mahiratra androany; ary nandringa, fa mamindra androany. Izy no Jesosy avy any Nazareta.

*Izy, izay efa natolotra araka ny saina niniana sy ny fahalalan'Andriamanitra, voatendry mialoha ho an'ny Asany, dia nalainareo, ary tangan'ny ratsy fanahy ianareo no . . . mamono:*

<sup>271</sup> Izany ve—izany ve ilay fiampangana? [Hoy ny fiangonana hoe, "Amena."—Mpand.] Inona no ampangainy? Ilay Fivorian'ny Synedriona.

<sup>272</sup> Ary miampanga aho, izao maraina izao, an'ilay fikambanamben'ny fiangonana. Miampanga an'ireo

Pentekotista aho. Miampanga an'ireo Presbyterana aho, ireo Batista, ary ny anaram-pianganana rehetra eto amin'izao tontolo izao. Tamin'ny alàlan'ny ratsy fanahy, tendan-kanina tia tena ianareo no naka ny Tenin'ny Fiainana sy nanombo an'Izany teo anatrehan'ny olona, sy niteny ratsy an'Izany, ary niantso an'Izany hoe "fanatisme," izay natsangan'Andriamanitra teo afovoantsika mba hanaporofoina fa Izy no tsy miova omaly, anio, ary mandrakizay. Miampanga an'ity taranaka ity aho!

<sup>273</sup> Andriamanitra no nanaporofo ny Tenany fa velona. Andriamanitra no nanaporofo fa Ity no Teniny. Inona no anananareo afa-tsy andiana dogma sy fanekekem-pinoana! Aiza no hahafahanareo maneho an'ilay Andriamanitra velona? Satria nolavinareo ilay Tenin'ny Fiainana izay nanome anareo an'ireo zavatra ireo. Eny, tompoko! Oh, ora inona no iainantsika ankehitriny. Fiooo! Mitovy! Oh, hiantso aho...

Petera no nilaza...ianareo no naka, *tamin'ny alàlan'ny tànan'ny ratsy fanahy sy nanombo ary namono:*

*Izay Andriamanitra...no nanangana, nanafaka ny fanaintan'an'ny fahafatesana: satria tsy azo atao ny hihazonan'izany azy.*

<sup>274</sup> Ary amin'ny alàlan'ireo fanekekem-pinoanareo, sy ireo rafipandaminanareo, ary ireo anaram-piangananareo, miaraka amin'ny endriky ny toe-panahinareo araka an'Andriamanitra, dia mbola milaza ihany. Ireo endriky ny toe-panahinareo araka an'Andriamanitra, no nandavanareo ny herin'ny Fitsangananany.

<sup>275</sup> Fa tonga ny ora, eto ireo andro farany, rehefa nampanantena Andriamanitra, araka ny Malakia 4, fa hitsangana Izy amin'ny andro farany, "ary hamerina ny fon'ny olona amin'ireo fitahiana tany am-boalohany sy ny Finoana pentekotista an'ireo ray." Ary tsy afaka mandà an'izany ianareo, ary tsy afaka manohitra an'izany ianareo.

<sup>276</sup> Ankehitriny dia manameloka anareo aho, meloka, sy mihaika anareo, ary miampanga anareo eo anatrehan'Andriamanitra, fa niaraka tamin'ireo tànana ratsy fanahy, tia tena, ara-anaram-pianganana no nanomboanareo ny Tenin'Andriamanitra teo anatrehan'ny olona. Ary miantso anareo ho meloka aho ary vonona ho an'ilay Fitsarana. Amena. Eny, tompoko!

<sup>277</sup> Miantso an'ilay zavatra mitovy amin'izay nantsoin'i Petera aho. Niantso fibebahana izy tamin'io taranaka io. Miantso fibebahana aho amin'ity taranaka ity, fibebahana amin'Andriamanitra, sy fiverenana amin'ilay Fahamarinan'ny Teny tany am-boalohany. Miverena amin'ny Finoan'ireo raitsika. Miverena amin'ny Fanahy Masina, satria tsy afaka manova an'Izany Andriamanitra.

<sup>278</sup> Rehefa hoy Andriamanitra hoe, “Izao famantarana izao no hanaraka an’ireo izay mino,” dia tsy maintsy mijanona miaraka amin’izany Izy hatrany amin’ny Mandrakizay rehetra. Izany no Teniny.

<sup>279</sup> Rehefa hoy ianareo hoe, “Mandraisa t̄anana, na mandraisa kaominio,” na zavatra tahaka an’izany, na karazan’io fanekem-pinoana io, na zavatra eo amin’izany hevitra izany; fa ny olona rehetra, ny mamolava rehetra, ny tsy mpino rehetra dia afaka manao an’izany. Ny mpaka tahaka rehetra, ny mpivarotena rehetra—mpivarotena dia afaka manao an’izany. Mandray kaominio, manana ny endrika sy ny sisa tahaka an’izany, dia azonareo atao izany.

<sup>280</sup> Fa Jesosy no nilaza fa izao no ho fanondroana, “Izao famantarana izao no ho,” tsy hoe izy ireo dia *mety*, “izy ireo no, ao amin’ny taranaka rehetra, ho an’ireo izay mino! Handroaka devoly amin’ny Anarako izy ireo; hiteny amin’ny fiteny hafa izy ireo, hiteny amin’ny fiteny vaovao; ary handray menarana; hisotro zava-mahafaty, fa tsy hampaninona azy ireo izany; hametraka ny t̄anany amin’ny marary, dia ho sitrana ireny.” “Sitrano ny marary, atsangano ny maty, roahy ny devoly; rehefa nomena maimaim-poana ianareo, dia manomeza maimaim-poana.”

<sup>281</sup> Ireo tetika fangalam-bola lehibe sy ny sisa ireo, sy ny fitsofohana amin’ireo zavatra amin’izao andro izao, tsy mahagaga raha tena feno fitsarana izy ireo. Eny, tompoko! Oh, oadray!

<sup>282</sup> Ndao isika hijery ankehitriny. Eny, tompoko. Antso ho an’ny fibebahana, sy ny fiampangako ankehitriny.

<sup>283</sup> Io Kalvary vaovao io dia ny—ny fiangonana, heverina ho, ireo toerana masina indrindra, polipitra lehibe, alitaran’ny Katolisima, alitaran’ny Katolika, antsoina hoe polipitran’izy ireo. Ny Metodista, ny Batista, ny Presbyterana, ny Loterana, ireo Pentekotista, ireo toerana masina indrindra, eo no Andraisany an’ireo Fanindronany mafy indrindra. Kalvary vaovao iray! Aiza no misy an’izany? Ao amin’ireo toerana masina indrindra, ny fiangonana.

<sup>284</sup> Aiza Izy no voahombo? Avy amin’ireo pasitera. Ianareo mpihatsaravelatsihy, mahafantatra tsaratsara kokoa noho izany ianareo! Tsy tezitra aho, fa ny zavatra izay ao anatiko no manetsika. Voatondro mazava teo anivonareo Andriamanitra.

<sup>285</sup> Taiza Izy no nahazo ny Lefony, tao amin’ny Lanivohony? Taiza Izy no nahazo an’ireo Fanindronany? Teo Kalvary. Aiza Izy no mahazo an’izany amin’izao andro izao? Eo amin’ny polipitra. Avy taiza izy ireo? Jerosalema. Avy aiza izy ireo? Ny anaram-piangonana. Ireo izay nilaza fa tia Azy, ireo no nanao an’izany. Ireo no manao an’izany amin’izao andro izao. Ny Kalvariany faharoa, izay Ahazoany an’ireo Fanindronany manohitra ny Teny

indray, izany no manindrona Azy. Iza Izy? Izy no Teny. Izy no Teny. Avy aiza Izy no voatsindrona mafy indrindra? Ny polipitran'ireo toerana masina, tahaka ny tamin'izany fotoana izany mihitsy.

<sup>286</sup> Manana zo hiampanga an'ity taranaka ity aho. Manana zo hanao an'izany aho, amin'ny maha-mpitoriteny iray an'ny Filazantsaran'i Jesosy Kristy, miaraka amin'ireo Famantarany, sy ny porofo fa Izy no Andriamanitra. Manana zo hitondra fiampangana aho manohitra an'ity taranaka ity. Satria, ireo Tsindron-defony mafy indrindra dia tena avy eo amin'ireo polipitra mihitsy, izay nanakianan'izy ireo ka nilazany hoe, "Aza mandeha mihaona amin'izany karazan-javatra izany. Avy amin'ny devoly izany." Tena ao amin'ilay toerana izay natao ho tia Azy mihitsy!

<sup>287</sup> Ary ireo tena famantaranana izay nolazain'i Jesosy fa hiseho mihitsy, "Ny Tenin'Andriamanitra dia maranitra noho ny sabatra roa lela; ny Teny, mpamantatra ny eritreritra, ireo fisainan'ny fo." Ary Izany dia antsoina hoe ny devoly, avy aiza? Ireo polipitra, ireo toerana masina.

<sup>288</sup> Oh, Andriamanitra, ahoana no Ahafahany mijery midina? Izao fotsiny—izao fotsiny famindram-po, izay ihany, fahasoavana. Tsy afaka manao na inona na inona isika afa-tsy ny mandeha mankany amin'ny fitsarana. Efa ao isika. Ah-hah.

<sup>289</sup> Eritrereto izany. Ny Fanindronany mafy indrindra dia avy eo amin'ny polipitra. Eo no misy ny Kalvariany vaovao. Manombo Azy izy ireo, ilay Teny, eo amin'ny polipitra. Marina izany. Ahoana, ahoana no anaovan'izy ireo an'izany? Amin'ny alàlan'ny endriky ny toe-panahin'izy ireo araka an'Andriamanitra. Marina tokoa izany!

<sup>290</sup> Voaisy satroboninahitra avy eny amin'ny mpanatrika, avy tamin'ireo mpamingavinga! Mahazo satroboninahitra tsilo vaovao Izy, mpamingavinga! Voatsindrona avy eny amin'ny polipitra; voaisy satroboninahitra avy tamin'ireo mpamingavinga. Voahombo indray ve Izy, vaovao? Voaratran'ireo fanekem-pinoana nataon'olona, ireo mpampianatry ny anaram-pianganana manohitra ny Teny. Izy ireo no mandratra an'Izany, ao amin'ny henatratra, manameloka an'Izany.

<sup>291</sup> Hoy Jesosy hoe, "Foana ny fivavahan'izy ireo Amiko." *Foana*, "tsy mahavita ny tsara." Iza no ivavahan'izy ireo? Mivavaka amin'ilay Andriamanitra iray ihany izy ireo. Nivavaka tamin'ilay Andriamanitra iray ihany izy ireo tamin'ny fanomboana Azy voalohany, ary fivavahana foana izany. Mbola zavatra mitovy izany amin'izao andro izao. Foana ny nanorenany an'ireo anaram-pianganana ireo. Foana ny nanorenany an'ireo seminera ireo. Foana ny ananany an'ireo fanekem-pinoana ireo, mampianatra fampianarana

izay didin'olona, ary mandà ny Tenin'Andriamanitra. Meloka amin'ny fanomboana an'ilay Andrianan'ny Fiainana izy ireo, mampianatra fampianaran'olona ho Teniny. "Foana ny fivavahan'izy ireo Amiko," voaratra, voatsindrona, voaisy satroboninahitra.

<sup>292</sup> Rehefa mahita an'izany mandeha eny an-dàlambe ianareo, ary ny sasany aminareo ramatoa miaraka amin'ny volo lava ireo; hoy izy ireo, "Ntaolo be izy, sa tsy izany?" Tsarovy, izany ireo mpamingavinga, izany ilay satroboninahitra izay entinareo. Andriamanitra dia milaza fa izany no voninahitraiseo; ento amin'ny rehareha izany. Haleloia! Ento amin'ny rehareha izany, toy ny hoe mitondra satroboninahitra tsilo iray ho an'ny Tomponareo ianareo. Ento amin'ny rehareha izany. Aza menatra. Izy no niteny an'izany, tsy mampaninona izay lazain'ireo Jezebela amin'izao andro izao. Izay ijoroan'ireo mpisandoka ireo eo amin'ny polipitra, mpanombo an'i Kristy, tsy mampaninona izay lazainy, ianareo kosa mitondrà an'izany amin'ny rehareha. Andriamanitra no niteny an'izany. Tehirizonareo izany.

<sup>293</sup> Voaisy satroboninahitra, tamin'ireo mpamingavinga indray, tsilo. Voatsindrona avy eny amin'ny polipitra, tamin'ireo fanekem-pinoana.

<sup>294</sup> Nahazo Golgota vaovao Izy, izay itondran'izy ireo Azy: ireo antoko mpihira lava akanjo, vehivavy manao sorta, manapabolo, miloko tarehy, mihira ao amin'ilay antoko mpihira tahaka ny Anjely, miaraka amin'ireo talenta. Izany no Golgotany vaovao, mpitanjaka moderina fotsiny arovan'ny lalàna, tahaka an'i Sodoma sy Gomora.

<sup>295</sup> Mahita alika vavy kely mandeha eny an-dàlambe ianareo. Amin'ny fotoana sasany dia tsy hisy alika lahy akory aza handeha eo amin'izay misy azy. Avelao anie hisy zavatra anankiray hitranga, fa ny tsirairay avy amin'izy ireo dia hanenjika azy. Nisy zavatra nitranga teo aminy. Fantatrareo hoe nahoana. Avelao . . .

<sup>296</sup> Ho an'ny inona no anesoran'ireo vehivavy ireo ny akanjony, sy handehanany eny an-dàlambe? Aza miteny amiko hoe tsy zavatra mitovy izany. Izany no fanondroana anankiray. Aza manameloka an'ilay lehilahy. Fa arovan'ny lalànan'i Sodoma izy ireo. Ilay lalàna dia tokony hilaza fa tsy araka ny lalàna ny hivoahan'izy ireo eo.

<sup>297</sup> Ary ireo mpitory teny eny amin'ny polipitra dia tokony hanao zipokely raha tokony ho akanjon'ny mpitonandra fivavahana; mitsangana eo dia hamela an'izany, ary menatra ny hiteny hanohittra an'izany, satria handroaka azy ny anarampiangonany. Ianareo dia manombo, ho an'ny—ny fiangonana, an'ilay Tenin'Andriamanitra izay milaza hoe, "Fahavetavetana ho an'ny vehivavy ny manao fitafian-dehilahy."

<sup>298</sup> Izaho—izaho dia manameloka an'ilay zavatra. Izaho—izaho—izaho—izaho—izaho dia miampanga an'izany ho fanomboana ny Tenin'Andriamanitra eo anatrehan'ny olona. Vehivavy manapa-bolo, manao sorta, ary ilay satroboninahitra... mitsangana ao amin'ilay antoko mpihira!

<sup>299</sup> Olona iray no nilaza tamiko, indray andro, vehivavy iray no nanontany ahy, nanao hoe, “Eny, aiza no heverinao fa hahitanao?”

<sup>300</sup> Hoy aho hoe, “Raha mangataka amiko ny Tompo mba hangalako roa ambin’ny folo, eran’izao tontolo izao, izaho dia—izaho dia hitebiteby mafy tokoa.”

<sup>301</sup> Rehefa, amin’ny alàlan’ny famantarana ny Fanahy, mitsangana eo aho ary mandinika azy ireo, ary mitsangana tahaka an'izany ka mahita an'ireo zavatra ireo eo amin'izy ireo; ilay loto, fahalotoana, fahambaniana, mpitsentsitra sigara, ireo fahadalana tahaka an'izany eo, ka mitsangana ao amin’ny antoko mpihira lava akanjo ary mihira ao amin'izany toetra izany, ary mamela an'ilay mpanatrika hijery azy ireo. Hilaza izy ireo hoe, “Eny, raha afaka manao an'izany izy, dia afaka koa aho.” Ny fiainana Kristiana dia fiainan’ny fahamasinana sy ny fahadiovana, tsy misy tsiny!

<sup>302</sup> Miampanga azy ireo aho, amin’ny Anaran’i Jesosy Kristy, noho ireo faholotoany sy lotony. Nitondra ny Filazantsara eo amin’ny fahafaham-baraka izy ireo. Ary ireo izay miezaka mihazona an’Izany, dia antsoina hoe “fanatika,” miantso hoe, “Fahadalana ntaolo be izany.” Miampanga azy ireo aho, amin’ny Anaran’i Jesosy Kristy.

<sup>303</sup> Mpitanjaka moderina eny an-dàlambe fotsiny, mihira ao amin’ny antoko mpihira, mifoka sigara, miteny vazivazy maloto, vady telo na efatra, ary mitady ny fahenina, ary avy eo dia mihira ao amin'ilay antoko mpihira satria manana feo iray izy ireo. Manan-tsaina mahantara ianareo, tsy manam-panahy, nolavina eo amin’ny taninareo manokana. Ianareo dia mamaky an'ilay Baiboly iray ihany izay vakian’ny olona hafa, saingy lavinareo ilay Fanahin'Andriamanitra, hany ka ny Baiboly no milaza fa ianareo dia “hatolotra eo amin’ny fahaverezan-tsaina matanjaka iray, mba hinoana ny lainga sy ho voaheloka noho izany.” Ianareo dia mino tokoa fa marina ianareo, nefy ny Baiboly dia milaza fa hino an'izany ianareo ary ho voahelok'ilay lainga iray ihany izay inoanareo fa ny Fahamarinana.

<sup>304</sup> Noho izany, dia miampanga anareo amin’ny alàlan’ny Tenin'Andriamanitra aho. Mampianatra fahadisoana iray amin’ny olona ianareo, ary manombo an'ireo fitsipik'i Kristy, ny amin’ny fahamasinana sy ny Fiainana any ambony, ka mamela an'ilay olona hivoaka eny an-dàlambe ary ho lasa olona hafa.

<sup>305</sup> Ireo mpitory teny dia mijoro eo amin’ny tany filalaovam-baolina, mifoka sigara; vato mahatafintohina; ny hadalana

hafa rehetra izay ampiarahan'izy ireo amin'izany. Ireo vehivavy ao amin'ny antoko mpihirany, manao sorta, manapa-bolo, sy ny fahadalana tahaka an'izany, miloko tarehy, ary avy eo dia miantso an'izany hoe, "Ranabavy, *ity sy itsy*," nefà ny Baiboly dia manameloka an'izany karazan-javatra izany. Marina izany. Mandeha any amin'ny fety ary fahadalana, nefà mbola mambram-piangonana iray; mihazona ny fanambaranareo, ary miaina amin'izay fomba tianareo iainana.

<sup>306</sup> Aza mihevitra fa miresaka fotsiny ny amin'ireo Presbyterana aho. Niresaka ny aminareo Pentekotista aho. Marina izany. Efa nahafantatra ny Fahamarinana indray mandeha ianareo, saingy nihevitra ianareo fa tsy afaka nandray an'Izany. Tsy afaka manohana ny pasiteranareo ianareo. Ny—ny pasiteranareo dia tsy afaka mahazo an'izany asa lehibe izany miaraka amin'ireo dolara be loatra isan-kerinandro, sy fiangonana tsara tarehy hitoriana teny, sy mitondra fiara ary manao hadalana amin'ny fomba izay ataon'izy ireo. Raha nanameloka an'izany izy, dia tsy maintsy nandroaka azy ilay rafi-pandaminana; noho izany dia tsy maintsy mihazona an'izany izy, tsy maintsy milaza an'izany izy. Noho izany, dia nivarotra ny fizokiany izy, ho an'ny voamaina iray vilia an'izao tontolo izao, an'ilay rano masiran'i Esao. Ary inona no ho azony amin'izany? Izy roa ireo dia samy latsaka ao amin'ny lavaky ny fanamelohana, ary voaheloka. Miampanga azy ireo aho, ho mpijangajanga amin'ny Filazantsara.

<sup>307</sup> Tao amin'ny antoko mpihira iray aho, iray amin'ireo fanta-daza, toerana lehibe, vao tsy ela akory izay, iray amin'ireo laharana ambonin'ny Pentekosta izay misy. Ary tonga aho dia nipetraka tao amin'ny biraon'io rahalahy io rehefa niangona ireo antoko mpihira efatra na dimy. Ary izany dia tao amin'ny iray tamin'ny...sasany amin'ireo rafi-pandaminana tsara indrindra an'ireo Pentekotista. Ary tsy fantatr'izy ireo fa tao amin'ny biraon'io mpitoriteny io aho, tany Oklahoma. Nipetraka teo aho, tao ambany, izay nisy an'io mpitoriteny io mianatra talohan'ny iakarany teny amin'ny lampihazony. Ary rehefa nipetraka aho...

<sup>308</sup> Nisy an'ireo Rickies kely teo; sy Rickettas, nandoko tarehy, tsy nisy anankiray tamin'izy ireo mba nanana volo lava, ny tsirairay tamin'izy ireo dia nanapa-bolo daholo, ny tsirairay tamin'izy ireo dia niaraka tamin'ny lokon-tarehy, ny tsirairay tamin'izy ireo niaraka tamin'ny akanjo lava. Ary nitsangana teo ny Ricky kely anankiray, nandehandeha tahaka an'izao, (ary nisy lehilahy anankiray naka ny rakitra ho an'ny mpitoriteny), nanao tahaka ny lehilahy jamba iray izy niaraka tamin'ny kaopy iray, ary nandehandeha nilaza ny karazan-javatra fitenenan-dratsy rehetra mikasika ny rakitra, sy ny sisa tahaka an'izany. Fa tonga teo izy ary niezaka nihira ny—*Ny Mesia*, oh, oadray, ary—ary afaka nanao asa tsara iray tamin'izany, saingy tsy naneno tsara

ilay izy. Tsia, maty ilay izy, hitanareo. Oh, oadray! Eo ianareo izao. Izany no Golgotany vaovao.

<sup>309</sup> Inona no hiheveranareo ny zazavavy kely iray, na vehivavy kely iray tao anatiny tao? Nahoana, rehefa nuditra tao izy, niakanjo arak'izay tokony haha-izy azy, niaraka tamin'ny volo lava, ary tsy nisy lokon-tarehy, sy ny zavatra tahaka an'izany, dia nesoin'izy ireo izy; raha nijoro izy, rehefa nanao an'io fanao io izy ireo tao, io andian'olona tanora io, teo amin'ny telopolo na efapolo tamin'izy ireo. Ilay ampanahany Pentekosta, nefo manao zavatra tahaka an'izany! Ary raha niteny zavatra anankiray nikasika an'izany io ramatoa kely io, dia ho noroahin'izy ireo tao amin'ilay antoko mpihira izy.

<sup>310</sup> Avelao ny mpitory ny Filazantsara hitsangana eo amin'ny polipitra ka hiteny zavatra anankiray mikasika an'izany, ho roahin'izy ireo amin'ilay rafi-pandaminana izy. Manombo an'ilay Zanak'Andriamanitra indray ianareo, ary manao Azy ho henatra am-pahibemaso. Ny Filazantsarany izay lazainareo fa toriana, dia ianareo no manombo Azy. Miampanga an'ity taranaka mpandà an'i Kristy ity aho, amin'ny alàlan'ny Tenin'Andriamanitra, sy amin'ny alàlan'ny Heriny amin'izao fanamarinana iray an'ny andro farany izao hoe mbola velona Izy. Eny. Manohitra an'ilay Tenin'Andriamanitra mazava tsara, voamarina izy ireo. Tsy afaka manohana an'Izany ireo rafi-pandaminany.

<sup>311</sup> Ireo fiangonana lehibe sy anaram-piangonana no Kalvariany vaovao. Lazaiko indray izany. Io, ireo fitanjahany moderina, no antoko mpihirany.

<sup>312</sup> Ilay mpisoronabe an'ny anaram-piangonana tsirairay dia mihiakiaka tahaka an'ilay mpisoronabe tamin'izany andro izany hoe, "Ankehitriny tongava ary manehoa fahagagana iray aminay." Ah-hah. Izany no fanomboana voalohany.

<sup>313</sup> Mitovy amin'izany amin'izao andro izao. Nilaza tamiko izy ireo hoe, "Eny, ankehitriny, manangana ny maty ianao, sa tsy izany? Nahoana ianao no tsy mandeha any? Manana vady anankiray ianao ao am-pasana. Manana zazakely iray ianao ao."

<sup>314</sup> Hoy izy ireo Taminy hoe, "Renay fa nanangana ny maty Ianao. Manana fasana feno azy ireny izahay eto. Mandehana atsangano izy ireny." Oh, ny tsi-fahafantarana miteraka tsi-fahafantarana. Hitانareo? Ah-hah.

<sup>315</sup> Ireo fiangonana lehibe, antoko mpihira lehibe, mpisoronabe an'izao andro izao, "Tongava, manehoa fahagagana iray aminay izay tsy vitan'ny anaram-piangonanay."

<sup>316</sup> Nisy lehilahy iray tonga teo amiko, vao tsy ela akory izay, izay nanao fanamarihana iray teo amin'ny...taorian'ny fandaharan'ny radio kely izay nataoko tany Jonesboro, Arkansas, niresaka ny amin'ny vehivavy anankiray izay sitrana. Io lehilahy io dia nikambana tamin'ny fiangonana anaram-

piangonana iray, ary niakatra taoriana tao izy ka nanao hoe,  
“Mihika ny olona rehetra aho hitondra amiko sy haneho amiko  
fahagagana iray.”

<sup>317</sup> Nandeha aho ary naka dokotera iray. Nisy lehilahy iray izay  
sitrana, niaraka tamin’ny homamiadana. Nandeha aho ary naka  
vehivavy iray izay tao anatin’ny seza misy kodiarana nandrity  
ny roapolo taona teo; sitrana tamin’ny aretin-kozatra izy, efa  
teo amin’ny seza misy kodiarana. Nentiko teo izany ary hoy aho,  
“Ankehitriny ilaike ilay vola, arivo dolara.”

<sup>318</sup> Hoy izy hoe, “Eny, ah, ah, ah, tsy eto ilay izy. Any Waco  
ilay izy, Texas, izay misy ny foibenay.”

<sup>319</sup> Hoy aho hoe, “Eny àry, handeha ho any fotsiny isika dia  
haka an’izany.” Hoy aho, hoy aho hoe, “Ataovy ny fiomanana  
dia handeha isika rahampitso.” Hitanareo? Hoy aho hoe,  
“Halefanay...” Hoy aho hoe, “Indro eto ny dokotera hilaza  
fa tena tratry ny homamiadana tokoa ireo olona ireo. Indro  
eto amin’ny lisitra izany, rayon-x. Indro io ilay vehivavy  
izay fantatry ny mpiara-monina manontolo fa nipetraka teo  
amin’ny seza misy kodiarana izy nandrity ny roapolo taona,  
ary mamindra izy izao ankehitriny izao. Ary ireo dokotera, nisy  
dokotera nisolo dokotera nisolo dokotera nisolo dokotera, sy  
ny sisa, ary indro izy velona androany. Ankehitriny, ianao no  
niteny fa ianao no ‘hanome arivo dolara.’ Tiako harotsaka ao  
amin’ny volan’ny asa misionera izany. Ilaiko izany.” Hitanareo?  
Hitanareo?

Hoy izy hoe, “Eny, any Waco any izany, Texas.”

Hoy aho hoe, “Handeha isika rahampitso.”

<sup>320</sup> Hoy izy hoe, “Andraso iray minitra. Mamelà ahy hiteny  
zavatra aminao. Haka zazavavy kely aho hiaraka amiko. Ary  
avelao aho haka hareza ka handidy ny sandriny, ary avy eo dia  
sitranonao izany, eo anatrehan’ireo rahalahinay. Dia homen’izy  
ireo anao ilay vola.”

Hoy aho hoe, “Devoly ianao!”

<sup>321</sup> “Raha Zanak’Andriamanitra Ianao, mialà eo amin’io hazo  
fijaliana io.” “Lazao aminay hoe iza no nikapoka Anao,” niaraka  
tamin’ny vorodamba iray teo amin’ny Lohany. Nikapoka Azy teo  
amin’izany, ka nanao hoe, “Ankehitriny, raha mpaminany Ianao,  
lazao anay hoe iza no namin-...” “Raha Zanak’Andriamanitra  
Ianao, midina avy eo amin’ny hazo fijaliana.”

<sup>322</sup> Jamba mpitarika ny jamba! Mila fanasitranana ara-tsaina  
izy ireo, ny olona izay manao zavatra tahaka an’izany, na manao  
fanamarihana tahaka an’izany. Izany tokoa.

<sup>323</sup> Ilay hiakiaka tranainy efa mahazatra, na izany aza, “Avelao  
izahay hahita Anao hanao fahagagana iray. Mpampianatra,  
maniry fahagagana iray avy Aminao izahay.” Nefa, isan’andro,  
isan’ora, dia nitranga foana mihitsy izany, araka ny

hitondran'Andriamanitra an'ilay izy ho vita. Saingy izy ireo no tsy teo. Raha teo izy ireo, dia nantsoin'izy ireo izany hoe "Belzeboba, ny devoly." Hitanareeo? "Mpampianatra, maniry izahay raha mba hanao an'ilay izy Ianao amin'ny fomba izay itiavanay Hanaovanao azy." Izany ilay izy. "Mandehana any amin'izay tianay Handehananao." Oh, eny. Ah-hah. Tsy nanana fifatorana Taminy izy ireo. Tsia, tompoko. Izany no antony tsy maintsy nanesorany Azy teo afovoan'izy ireo. Eny, tompoko. Miezaka manao an'ilay zavatra mitovy izy ireo amin'izao andro izao. Ary amin'ny alàlan'ilay fiombonamben'ny fiangonana, dia ho vitan'izy ireo ny hanao an'ilay izy amin'ny farany, hitanareeo, izy rehetra ireo dia hiangona. Ilay hiakiaka tranainy efa mahazatra.

<sup>324</sup> Eto isika dia mahita, indray, an'ilay toeram-pivavahana masina indrindra, ny tsara indrindra, teolojiana mamiratra, miantsoantso indray, ary manohitra Azy, miantsoantso. Ireo teolojiana tsara indrindra, izay tokony hahafantatra hafa; ireo fiangonana tena ambony indrindra, sy teolojiana tsara hofana indrindra, no nandroaka Azy teo afovoan'izy ireo. Tsy mila an'Izany izy ireo.

Hoy ianareo hoe, "Diso izany, Rahalahy Branham."

<sup>325</sup> Noho izany dia tsy teto ianareo mba hahita an'Ireо *Taonan'Ny Fiangonana*, na nandre an'izany voatory. Tsy teto ianareo, fa, ity Taonan'ny Fiangonana Laodikiana ity no hany tokana izay izy ireo no nandroaka Azy avy tao amin'ny fiangonana. Ary voaroaka Izy, tany ivelany, nandondònà, niezaka ny hiverina ao anatiny. Noroahany Izy satria tsy nisy nilan'izy ireo Azy. Manombo Azy indray izy ireo. Amena! Hatraiza no hahafahantsika handeha?

<sup>326</sup> Tsarovy, ilay mpaminanin'ny Tenin'Andriamanitra no nilaza mialoha tamintsika, ao amin'ny Timoty Faharoa 3, raha mandray naoty an'izany ianareo. Tsy manana fotoana hamakiana azy isika. Fa nilaza, hoe, "Amin'ny andro farany, dia ho tonga ireo mpamingavinga. Ho kiriana izy ireo, mpieboebo, tia ny fahafinaretana mihoatra noho ny fitiavana an'Andriamanitra; mpanendrikendrika, tsy mahonom-po, lozabe, ary tsy tia ny tsara, mpamadika, kiriana, mpieboebo, nianatra; manana ny endriky ny toe-panahy araka an'Andriamanitra, fa mandà ny Heriny: ireny koa dia halaviro! Fa isan'izy ireny izay maka an'ireo vehivavy adaladala, manapa-bolo," manao sorta, miloko tarehy, "mitety toerana, ka mahalasa azy ireny ho babo." Izany marina tokoa.

<sup>327</sup> Hoy Izy hoe, "Halaviro izany, amin'ny andro farany." Ndaо isika hankatò ny mpaminany. Halaviro ireo zavatra amin'ny andro farany ireo. Eto izy ireo. Miantso ny Fiangonana aho ankehitriny. Eny, tompoko. Mialà lavitra an'izany!

<sup>328</sup> Izy ireo dia manana, izy ireo, ireo—ireo mpitoritenin’izao andro izao, dia tokony hahafantatra an’ireo zavatra ireo. Tokony ho nahafantatra an’i Jesosy tamin’ny Androny izy ireo. Tokony ho nahafantatra izy ireo. Ary ankehitriny dia tokony ho fantatr’izy ireo izany, saingy tsy fantany izany. Tahaka an’ireo mpampianatra Jiosy tamin’ny Androny mihitsy izay tokony ho nahafantatra Azy tamin’ny alàlan’ny Androny, dia toy izany koa ilay izy amin’izao andro izao, ny amin’ny Tenin’Andriamanitra voamarina mazava tamin’izany fotoana izany. Izy no Teny, ary Izy no nanaporofo fa Izy no Teny. Izy no nanaporofo fa Izy no Teny tamin’io andro io. Ary Andriamanitra no nanaporofo amin’izao andro izao fa Izy no Teny amin’ity andro ity, ilay Hazavan’ny ora. Ary tokony ho nahafantatra an’izany izy ireo tamin’izany, ary tokony hahafantatra an’izany izy ireo ankehitriny.

<sup>329</sup> Nanombo Azy izy ireo tamin’izany, ary manombo Azy izy ireo ankehitriny. Miampanga azy ireo aho ny amin’izany! Marina. Mitohy mitselatra ato amiko mihitsy izany, “Ampangao izy ireo, satria Andriamanitra dia hampandoa azy ireo ny amin’izany!”

<sup>330</sup> Ireo Jiosy tamin’ny androny. Andriamanitra indray, tamin’ireo andro teto an-tany, hoy Jesosy hoe, “Ry Jerosalema, ry Jerosalema, impiry moa Aho no te-hanangona anao ao amin’ny vondrona goavana be anankiray, saingy ianao no tsy nety.”

<sup>331</sup> Impiry Andriamanitra no niezaka, amin’izao andro farany izao, hanambatra ny Vahoakany hiangona, saingy ianareo no tsy nety. Ny faneke-pinoanareo no nirianareo, noho izany dia voatolotra ho amin’ny fandravana ianareo ankehitriny. Izany no azon’i Jerosalema; rotidrotika izy, nodorana, tsy misy intsony izy. Ary izany marina tokoa no hisy, indray andro any, ho an’ireo zavatra lehibe rehetra eto ireo. Ireo faneke-pinoanareo lehibe sy anaram-piagonana dia ho faty sy ho levona, fa ny Tenin’Andriamanitra dia ho Mandrakizay ary velona mandrakizay. Hitanareo?

<sup>332</sup> Ireo Ratrany lalina indrindra dia avy ao amin’ny tranon’ireo noheverina ho sakaiza. Eritrereto, eritrereto izany. Eritrereto izany! Mijanòna! Hiandry iray minitra aho. Ry mpitoriteny, eritrereto izany! Avy taiza ireo Ratrany? Ilay tranon’ireo noheverina ho Sakaizany. Tahaka ny tamin’izany, dia toy izany koa izao. Eritrereto izany! Teo Kalvary Izy dia tsy voahodidin’ireo—ireo olon-dia, barbariana, fa ireo mpitoriteny izay nilaza fa tia Azy. Ary amin’izao andro izao, rehefa voatondro mazava ny Filazantsara, rehefa voaporofo teo anivontsika ireo famantarana lehibe an’ny Fitsanganany, dia tsy ilay eny an-dàlambe no manitsaka anareo, fa ireo noheverina ho mpitoriteny.

<sup>333</sup> Ireo izay natao ho tia Azy, no mihodidina Azy amin'izao andro izao. "Tsy haka an'io Zavatra io eo anivonay izahay. Tsy haka an'io Lehilahy io hanapaka anay izahay. Tsy hanohana izahay. Tsy hanana fiaraha-miasa momba an'izany izahay, eto amin'ity tanàna ity, raha io fomba io no hahatongavan'ilay Zavatra. Tsy misy afà-tsy momba ny fanahy io. Ny devoly io." Tsy mahafantatra ny Tenin'Andriamanitra, ny jamba mitarika ny jamba. Tahaka ny tamin'izany, eritrereto, dia toy izany koa ankehitriny. Tahaka ny tamin'izany mihitsy, dia toy izany koa ankehitriny. Eritrereto!

<sup>334</sup> Ny Heriny hanasitrana sy hanafaka an'ireo lehilahy sy vehivavy amin'ny fitiavana an'ity izao tontolo izao ankehitriny ity, amin'ireo Jezebelo manapa-bolo, miloko tarehy izay mintso ny tenany ho Kristiana; ary mamokatra fiainana tahaka an'izany, mifoka sigara, miteny vazivazy maloto. Mipetraka eo ary manana fikambanan'ny misionera iray, sy mampanjaitsra ary manjaitsra, sy miresaka, sy zava-mahamenatra, sy—sy mivoaka eny an-dàlambe ka manao sorta, sy ny sisa tahaka an'izany; nefà avy eo dia mintso ny tenany ho Kristiana, eo anatrehan'ireo vehivavy hafa. Tadidinareo ny tantaroko mikasika an'ilay andevo izay nahafantatra fa izy dia zanaky ny mpanjaka iray, ny toetrary. Tokony ho inona isika? Lehilahy sy vehivavy, ary mandà...

<sup>335</sup> Ireo mpitondra fivavahana, ireo polipitra izay Andraisany an'ireo Fanindronany, izy ireo no mametraka sy mankasitraka an'izany karazam-piainana izany eo anivon'ny olona, eo no anindronan'izy ireo Azy. Izy ireo dia mandà ny Hery mba—mba hanafaka azy ireo amin'izany, ary mankasitraka an'ilay izy ho toy izany izy ireo. Nefà, mifanohitra amin'ny Tenin'Andriamanitra izany, ho an'ny vehivavy manapaka ny volony, na mandoko ny tarehiny, na manao sorta. Mifanohitra amin'ny Tenin'Andriamanitra izany, saingy ankasitrahant'izy ireo izany, manao Kalvary hafa anankiray (avy aiza? avy eny an-dàlambe? avy eo amin'ilay trano fisotroana?) avy eo amin'ny polipitra, avy eo amin'ny polipitra.

<sup>336</sup> Ary, izao koa, inona ilay hiakiaka? "Manao ny Tenany ho Andriamanitra Izy." Mandà ny maha-Andriamanitra Azy izy ireo. Miezaka ny hamakivaky Azy izy ireo ka hanao Andriamanitra telo na efatra avy Aminy. Nefà, Andriamanitra Izy; Andriamanitra Izy; ho Andriamanitra foana Izy, tsy miova omaly, anio, ary mandrakizay. Rehefa miresaka mikasika Andriamanitra anankiray ianareo, amin'izy ireo, dia ihomemezany ianareo. "Izahay mino ny trinite masina."

<sup>337</sup> Izaho mino Andriamanitra masina anankiray, eny, tompoko, ny Heriny manasitrana, manafaka, ary manala an'ireo olona ireo amin'ny fitiavana an'izao tontolo izao, manafaka azy ireo tahaka ny Nanaovany an'i Maria Magdalena. Tsarovsky, izy dia Jezebelo

kely niloko tarehy, ihany koa. Nanana devoly fito izy tao anatiny. Mpitanjaka iray izy.

<sup>338</sup> Tahaka ny vehivavy moderina eny an-dàlambe amin'izao andro izao mihitsy; mandehana na aiza na aiza tianareo dia jereo. Raha tsy mino ianareo fa ny olona dia miankohoka eo amin'ny tempolin'ny vehivavy mitanjaka, dia jereo ny eny an-dàlambe androany. Tahaka ny tamin'ny andron'i Sodoma, dia ho toy izany koa ilay izy. Jereo any, raha tsy mino an'izany ianareo, mandehana fotsiny na aiza na aiza. Sokafy ny gazety, sokafy ny magazina, jereo ny peta-drindrina, inona no hitanareo? Tsarovy izay voalaza hoe, "Rehefa hitan'ireo zanak'Andriamanitra fa tsara tarehy ireo zanakavavin'ny olona, dia naka an'ireo vehivavy ireo izy ireo." Jereo ilay zavamahamenatra tany Angletera, jereo ilay zava-mahamenatra eto, jereo ny zavatra manontolo, fa lasa tranon'ny fivarotan-tena.

<sup>339</sup> Nahoana izany? Nahoana no lasa kaominisma i Rosia? Noho ny tsi-fahaiza-miaina sy fahalotoana, sy ny tsy fisian'ny Herin'ny fiangonana Katolika. Ary izany marina tokoa ny antony naharesy an'ity firenena ity, ny kaominisma sy ny fiombonamben'ny fiangonana, ary mampikambana ny tenany amin'ny fiangonana Katolika. Sady, ny kaominisma sy ny Katolisima dia hiaraka hikambana, fantatrareo, ary indro fa efa ataon'izy ireo izany. Nahoana? Satria nolavin'izy ireo ilay Filazantsara izay manasaraka azy ireo ary manao azy ireo ho olona hafa!...?... Izany marina tokoa ilay antony.

<sup>340</sup> Ary ireo mpitoriteny eo amin'ny polipitra dia mametraka an'izany miaraka, noho ny tapakilan-tsakafo iray, noho ny laharana ara-tsosialy an'ny fanekek-pinoana iray, manao hoe, "Izaho dia mikambana amin'ny *Izao-sy-izao*," mampiditra ny fianarana ho Herin'Andriamanitra; izay manafaka azy ireo amin'io firazanana adala io, tahaka an'i Maria Magdalena.

<sup>341</sup> Ilay tena Hery izay afaka maka an'io mpitanjaka kely eny an-dàlambe io, ary manao azy hanao ny akanjony sy hanao tahaka ny ramatoa iray, hanao azy ho Kristiana iray, nomelohin'izy ireo izany Hery izany, ary nohomboany ilay Lehilahy izay nanana an'Izany, teo Kalvary.

<sup>342</sup> Ary amin'izao andro izao, ilay tena Filazantsara sy ilay Fanahy Masina izay haka an'io mpitanjaka kely io ary hanao azy hiakanjo tahaka ny ramatoa iray ary hanao tahaka ny Kristiana iray, Izany dia antsoin'izy ireo hoe "fanatisme." Tsy tian'izy ireo Izany hifangaro amin'ny fiangonany, hanao an'Izany hampientana eo anivon'izy ireo, hahatonga an'ireo vehivavy hafa hanao an'izany. Inona no atao'izy ireo? Avoakan'izy ireo Izany, tahaka ny nataon'izy ireo tamin'izany mihitsy. Ary ankehitriny dia manombo an'ilay tena Teny izy ireo ka milaza fa efa an'ny taona hafa anankiray Izany. Miampanga azy ireo indray

aho, eny, tompoko, mitovy amin'izay niampangana azy ireo tamin'izany mihitsy.

<sup>343</sup> Ny famantara izay nanao an'ilay Legiona fahiny hanao ny akanjony. Tsarovy, ny olona iray izay manala ny akanjony dia adala. Hitanareo? Ahoana ny amin'ny vehivavy anankiray? Adala ilay Legiona; nanala ny akanjony teny aminy izy. Andriamanitra no nandray ny Heriny ary nanao azy hanao ny akanjony. Niakanjo izy, tao amin'ny sainy tsara, nipetraka teo an-tongot'i Jesosy.

<sup>344</sup> Jereo ilay Hery izay nanao an'ilay Bartimeo jamba fahiny hahiratra, teo anivon'ireo fanekem-pinoany mihitsy. Teto antany Izy tamin'ny fotoana nisian'ny tsy finoana be indrindra tahaka ny misy amin'izao andro izao, fa tsy nampijanona Azy mihitsy izany. Nanohy Izy. Tsy nanala ny totohondry tamin'izy ireo Izy. Niteny tamin'izy ireo Izy hoe, “Ianareo dia avy amin'ny rainareo, ny devoly.” Nomelohiny ny zavatra manontolo.

<sup>345</sup> Ilay Hery izay afaka namoaka an'i Lazarosy avy tao am-pasana, sy namerina tamin'ilay vehivavy Naina ny zanany! O Andriamanitra! Ilay Hery izay afaka nanao an'ireo zavatra ireo, izay afaka nilaza mialoha ny zavatra izay hitranga. “Misy anankiroa... Zana-boriky, misy zana-boriky iray mifatotra eo amin'ny lèlana anankiroa,” sy ireo zavatra rehetra izay Nolazainy mialoha. Ilay tena Lehilahy izay nanana an'izany Hery izany, “Alaviro Izy. Tsy mila Azy eo anivon'ny olonay izahay. Mandoto ny fampianaranay Izy,” ary dia nohomboan'izy ireo Izy.

<sup>346</sup> Ilay zavatra mitovy amin'izao andro izao, “Alaviro ilay Fanahy Masina,” tsy te-hanao na inona na inona amin'Izany izy ireo. “Izany dia manameloka sy manao an'ireo zavatra ireo, ary miteny amin'ny olontsika an'ireo zavatra izay tsy tiantsika hifangaro eo anivon'ireo rafi-pandaminantsika. Manohitra ny fanekem-pinoanay Izany.” Manombo Azy indray izy ireo. Oh, oadray!

Mariho ankehitriny raha mamarana isika. Tsy maintsy mamarana.

Ary, izao koa, izy ireo dia miantso an'Izany hoe “fanatisme.”

<sup>347</sup> Ary izy ireo dia niantso Azy ho “fanatika.” Hoy izy ireo hoe, “Adala Izy.” Ny olona rehetra dia mahafantatra fa ny Baiboly dia nilaza fa, “Jesosy dia,” ireo Fariseo ireo dia nilaza hoe, “ity Lehilahy ity dia Samaritana, ary adala Izy.” Ankehitriny inona no dikan'ny teny hoe *adala?* “Adala.” “Adala ilay Lehilahy. Andian’olona adala ireo manaraka Azy ireo. Belzeboba Izy.”

<sup>348</sup> Ary, izao koa, dia milaza an'ilay zavatra mitovy izy ireo, “Karazana mosavy Io. Fanaovana hatsarana Io,” mametraka Azy indray eo amin'ny hazo fijalian'ny henatra. Hazo fijaliana inona? Henatra inona? Izy no Teny voamarina; maneso an'Izany,

milaza amin'ny olona fa ny devoly Izany. Manao zavatra, ary miantsso . . .

<sup>349</sup> Hoy Izy hoe, "Ny miantsso ny asan'Andriamanitra hoe 'fanahy maloto no manao an'izany,' dia tsy misy famelàna ho an'izany."

<sup>350</sup> Manao ny Teniny ho henatra, miezaka ny mampiseho an'Izany ka miantsso an'Izany ho diso na fanatisma, "Aza mandeha any amin'izany. Aza manatrika ny fivorian'izy ireo." Ah-hah.

<sup>351</sup> Inona no ataon'izy ireo eo am-panaovana an'izany? Alain'izy ireo ireo fantsiky ny fanekem-pinoan'ny anaram-piangonany. Marina izany. Ireo mpampianatra mpitady fahafinaretana, araka an'izao tontolo izao, tsy masina, adalan'ny anaram-piangonana, no maka an'ireo fantsiky ny anaram-piangonana ary manombo an'ilay Zanak'Andriamanitra amin'izany, indray, avy eny amin'ireo polipitrany.

<sup>352</sup> Nahoana izy ireo no manao an'izany? "Tia ny fideran'ny olona izy ireo," ireo diploma izay azon'ny fiangonana omena azy ireo, "mihoatra noho ny fitiavana ny Tenin'Andriamanitra." Manameloka azy ireo aho. Tsy afaka mitovy amin'izao tontolo izao izy ireo, satria izy ireo . . . Tsy afaka mitovy amin'ny Teny, satria izy ireo efa mitovy amin'izao tontolo izao. Efa nataon'izy ireo izany. Ilay andro mpihatsaravelatsihy izay iainantsika! Tsy izany ve izao . . .

<sup>353</sup> Tsy Kalvary anankiray ve dia efa ampy ho an'ny Tompoko? Nahoana ianareo no hanao an'izany? Ianareo izay natao ho tia Azy, ianareo izay mahafantatra fa Ity no Teniny, ianareo izay afaka mamaky ny Apokalypsy ny toko faha-22, manao hoe, "Izay manaisotra Teny anankiray na manampy teny anankiray," nahoana ianareo no manao an'izany? Tsy Kalvary anankiray ve dia efa ampy ho Azy?

<sup>354</sup> Mijoro eo amin'ny fiarovana Azy aho. Izaho no Mpisоловаваны, ары миампага анарео амин'ны алалан'ны Тенин'Андріаманітра або. Овай ны фомбанарео фа раха тсы изань dia ho any amin'ny helo ianareo. Ho potipotika ireo anaram-piangonanareo. Miampanga anareo eo amin'ny Fanatrehan'ilay Mpitsara aho, marina, ianareo, miaraka amin'ireo endriky ny toe-panahinareo araka an'Andriamanitra, fihatsarambelatsihy. Ary nahoana ianareo no miantsso an'Izany . . . Tsy Kalvary anankiray ve dia efa ampy?

<sup>355</sup> Araka ny nolazain'i Petera hoe, "Ireo rainareo anaram-piangonana," miampanga anareo i Petera amin'ny alàlan'ny . . . Hoy izy, "Iza tamin'ireo rainareo no tsy nanao an'izany?" Nanao an'izany ihany koa i Stefana: "Tamin'ny tånan'ny ratsy fanahy no nanomboanareo ny Andrianan'ny Fiainana." Tsy niteny ve Jesosy, Izy tenany hoe, "Iza tamin'ireo rainareo no tsy nanao an'ireo mpaminany tao am-pasana? Ary ianareo no nanaingo azy

ireny avy eo”? Koa izany no nanaovana an’ireo olo-marina tany nandritry ny taona rehetra!

<sup>356</sup> Toy izany koa no iampangako an’ity andian’olona mamiratra loatra, mpandeha any am-piangonana mpandà an’i Kristy amin’izao andro izao ity. Ianareo, miaraka amin’ny endriky ny toe-panahinareo araka an’Andriamanitra, no manombo an’i Kristiako fanindroany, amin’ny fitenenana amin’ny olona, hoe, “Ireo Teny ireo dia ho an’ny andro lasa, ary tsy ho an’izao andro izao Izany.” Miampanga anareo aho. Meloka amin’ilay heloka iray ihany izay nahameloka azy ireo ianareo, tamin’ny andron’ny fanomboana. Mibebaha dia miverena amin’Andriamanitra, raha tsy izany dia ho faty ianareo.

<sup>357</sup> Ary milaza indray aho hoe, “Eto,” ireo fiangonana, “izy ireo,” ireo mpampianatra, “no manombo,” amin’ny alalan’ny fitenenan-dratsy, “Azy,” ilay Teny. Hamindra fo anie Andriamanitra! Mamelà ahy hilaza an’izany indray. Mety mifangaro izany ao amin’ny horonam-peo. “Eto,” ireo fiangonana, “izy ireo,” ny mpitondra fivavahana, “no manombo,” amin’ny alalan’ny fitenenan-dratsy, “Azy,” ilay Teny. Tsy mahagaga ilay izy raha mbola:

Nitresaka afovoany ny vatomampy ary niha-maizina ny lanitra  
Nanondrika ny Lohany ny Mpamonjiko ary maty,  
Fa ilay fisalobonana nisokatra no nanambara ny lalana  
Ho any amin’ireo fifalian’ny Lanitra sy ny andro tsy misy fiafarany.

<sup>358</sup> Milaza an’izany ao amin’ity horonam-peo ity aho, ary ho an’ity mpanatrika ity. Milaza an’izany eo ambanin’ny tsindrimandrin’ny Fanahy Masina aho. Izay miandany amin’ny Tompo, aoka izy ho tonga eo ambanin’ity Teny ity! Azo antoka tokoa fa Andriamanitra dia hitondra an’ity taranaka ratsy fanahy, mpandà an’i Kristy, mpanary an’i Kristy ity ao amin’ny fitsarana, noho ny fitenenan-dratsy, fanomboana ny Teniny voatondro. Ho tonga eo amin’ilay Fitsarana izy ireo. Manameloka azy aho! “Izay miandany amin’ny Tompo,” hoy Mosesy, “aoka izy hanatona ahy,” rehefa niantona teo ilay Andry Afo ho porofo. Izay miandany amin’ny Tompo, aoka izy haka ny Teny, handà ny fanekem-pinoany, ary hanaraka an’i Jesosy Kristy isan’andro. Ary hihaona aminareo aho amin’ilay maraina.

Ndao isika hanondrika ny lohantsika ankehitriny ho an’ny tenim-bavaka iray.

<sup>359</sup> O Tompo Andriamanitra, ilay Mpanome ny Fiainana Mandrakizay sy Mpanoratra an’ity Teny ity, Izay nitondra ny Tompo Jesosy indray avy tamin’ny maty, Izay nanondro mazava an’izany teo anatrehan’ny—ny taranak’olona tsy mino iray. Lava

ilay izy, izao maraina izao. Maro no nipetraka teto. Hipoka ny fiangonana. Mitsangana manodidina ny olona. Ary efa vita ireo horonam-peo, handeha hitety an'izao tontolo izao, any amin'ny toerana samihafa. Handre an'izany ao amin'ny biraony ireo mpitoriteny. Mivavaka ho azy ireo aho, Tompo. Aoka ireo Teny ireo hilatsaka lalina ao am-po, handrantsana lalina, handrantsana an'izao tontolo rehetra izao. Mba hahafahan'izy ireo hilaza tahaka . . .

<sup>360</sup> Ilay mpitoriteny Metodista kely tany Kentucky, dia nanatona ahy indray andro, ka nanao hoe, "Rehefa nandre an'ireo *Taona Fiton'ny Fiangonana* aho, nandre an'ilay izy nihiaiaka aho hoe, 'Alaviro ireo rindrin'i *Babylona* ireo," dia nanao hoe, "Nafoiko izany ary lasa aho. Tsy fantattro hoe iza no lâlana handehanana na inona no hatao, fa lasa aho." Ho tahiana anie ny herim-pon'io lehilahy tanora io, sy ny vadiny, ary ireo zanany roa na telo.

<sup>361</sup> Andriamanitra, enga anie ny maro hahita ny lâlany mankany amin'ny Tenin'Andriamanitra, ilay lâlan-tokan'ny Fiainana, fa Izy no Teny. Mivavaka ho an'ny tsirairay avy aho, Ray. Indraindray eo amin'ny filazana an'ireo zavatra ireo, dia tsy amin'ny hasiahana izany; amin'ny fitiavana izany, satria ny fitiavana dia manitsy. Ary mivavaka aho, Andriamanitra, mba hahazoan'ny olona azy amin'izany fomba izany, hoe izany dia midika ho fanitsiana. Ianao Izay tokony hanitsy, sy nivavaka ho azy ireo teo amin'ny hazo fijaliana, nanao hoe, "Ray, mameù azy ireo. Izy ireo, izy ireo dia jamba, izy ireo—izy ireo dia tsy mahafantatra mihitsy an'izay ataony."

<sup>362</sup> Mivavaka aho ho an'ireo mpitoriteny amin'izao andro izao izay manombo ny Teny indray, amin'ny fandraisany an'ireo fanekem-pinoany sy ireo anaram-pianganany ary ireo dogmany, ka manolo ny Tenin'ny Fiainana tamin'izany. Ary koa, teo anatrehan'ny olona, izy ireo—izy ireo no nanakiana an'ilay tena Fahamarinana izay nohamarinin'Andriamanitra ho ny Fahamarinany. Mivavaka ho azy irený izahay, Ray, mba Hiantsoanao azy irený ho ao amin'ilay Sakafom-Panambadiana indray. Ary enga anie izy ireo ho avy amin'izao fotoana izao, ka tsy hitady fialan-tsiny, satria fantattro fa mety efa lasa ilay antso farany. Mety efa ho tara loatra izany ankehitriny. Matoky aho fa tsy izany ilay izy.

<sup>363</sup> Tahio ity fiangonana kely manatrika eto ity, ireo olona an-jatony vitsy izay miangona eto izao maraina izao, amin'ity andro mafana ity, nipetraka teto ho an'ny halavana, angamba ora roa na mihoaatra, an'ny favoriana, ary nihaino. Tsy nandeha izy ireo. Nipetraka tsara izy ireo ary nihaino. Maro amin'izy ireo no miandry ny sakafotra harivany, ary ireo vehivavy dia mitsangana miaraka amin'ireo zazakeliny, ary miandry izy ireo. Mifikitra amin'ny Teny rehetra izy ireo.

<sup>364</sup> Tompo, fantattro izay hitranga amiko an'ilay Andron'ny Fitsarana raha diso fitondra an'ireto olona ireto aho. Mahatsiaro tena aho, Tompo, mahatsiaro tena arak'izay tsapako. Ka, miezaka aho ny mitondra azy ireo eo amin'ny Teny, ary mameila azy ireo hiaina amin'ny Teny, miteny amin'izy ireo fa Ianao no "tsy miova omaly, anio, ary mandrakizay," fa ilay Fanahy Masina lehibe dia Jesosy Kristy, ao amin'ny endrika Fanahy Masina fotsiny, ilay Lehilahy iray ihany. Ianao no niteny an'izany. "Vetivety foana dia tsy hahita Ahy intsony izao tontolo izao; fa ianareo kosa no hahita Ahy, satria homba anareo Aho, ho ao aminareo mihitsy aza." Ary fantattro fa ity dia Ianao, Tompo. Ary mino Anao izahay, satria mahita Anao manao an'ilay zavatra iray ihany eo anivonay izahay.

<sup>365</sup> Manolotra ny tenanay izahay androany, am-pahamatorana, no anaovanay an'izany ato amin'ity fiangonana ity sy ao amin'ireo horonam-peo. Tompo, amin'ity minitra ity mihitsy, dia enga anie ny lehilahy rehetra sy ny vehivavy, zazalahy na zazavavy, izay—izay manatrika eto, na mitsangana any ivelany, na mandre an'ity ao amin'ny horonam-peo, enga anie izahay amin'ity fotoana ity hanao fanokanan-tena lalina iray ary hanolotra ny tenanay manontolo ho an'ny asan'Andriamanitra.

<sup>366</sup> Mihetseha eo amin'ny mpanatrika, Tompo, amin'ny Hery, ary sitrano ny marary. Nilaza izy ireo fa nanana zazalahy kely mandringa mipetraka eto. Aoka ilay Fanahy Masina lehibe... Fantatray, fa ny mipetraka fotsiny ao amin'ny Fanatrehany tahaka an'izao, dia Izany no hanao an'ilay izy. Raha afaka mandeha any amin'ny radio sy ny televiziona Ianao, any amin'ireo tany rehetra, ka manasitrana ny marary, "Nandefa ny Teninao Ianao ary Izany no nanasitrana azy ireny," dia mbola afaka manao an'ilay zavatra mitovy Ianao amin'izao minitra izao. Mivavaka aho, Andriamanitra, mba Hanasitrananao ny olona marary rehetra, ny mandringa rehetra, ny ory rehetra, eto sy izay mandre an'ireto Teny ireto. Andriamanitra, ekeo izany. Ho azy ireo ny fivavako.

<sup>367</sup> Miaraka amin'ny—miaraka amin'ny fitiavan'i Kristy ato am-poko sy ny fihetseham-po ho an'ireo manana ilaina, dia manolotra azy ireo aho, Tompo, ho Anao, eo ambonin'ny alitaran'ny fanatitra, izay ipetrahan'ny watana Mihoson-drà an'ilay Zanak'ondry ho fanaovam-panavotana iray ho an'ny otanay sy ny aretinay, mipetraka eo. Miangavy famindram-po ho an'ny olona aho. Te-hitsangana tahaka ny nataon'i Mosesy aho, ao amin'ilay manelanelana ho azy ireo, Tompo, ka hanao hoe, "Andriamanitra, mamindrà fo ho azy ireo, amin'izy ireo, kely fotsiny indray, ary omeo anjara anankiray hafa izy ireo." Aza—aza atao izao ankehitriny izao izany, Tompo. Avelao—avelao handeha lavidavitra kely fotsiny ny Filazantsara.

<sup>368</sup> Izy ireo—izy ireo dia voaheloka, Tompo. Mivavaka aho mba ilay Famindram-ponao sy fahasoaavana no—no hihitatra

mankany amin'ilay olona farany izay manana ny anarany ao amin'ilay Boky. Fantattro fa hanao izy ireo. Tsy sarotra ny mivavaka manohitra ny Teninao Masina, na manohitra—na manohitra ny... amin'ny Teny Masina, no tiako ho lazaina, Tompo; ilay Teny izay nampanantenaina, ilay Teny izay voamarina, ilay Teny izay nifidy mialoha an'ireo olona tany talohan'ny fanorenana an'izao tontolo izao. Tsy—tsy sarotra ny—ny mivavaka mba Hamonjenao an'ireo izay ao amin'ny Boky ny anarany, satria fantattro fa hanao an'izany Ianao. Jesosy no niteny an'izany, "Izay rehetra nomen'ny Ray Ahy no hanatona." Ary tsy misy olona afaka manatona raha tsy efa nomena izy.

<sup>369</sup> Ankehitriny dia mivavaka aho, Andriamanitra, hoe na aiza na aiza hilatsahan'ireto Teny ireto, ao amin'ny horonam-peo sy ny manatrika eto, mba ny Fanahy Masina no hiantso ny olona voafidy mialoha rehetra izao ankehitriny izao, hatramin'ny fanorenana an'izao tontolo izao rehefa natao tao amin'ny Bokin'ny Fiainan'ny Zanak'ondry ny anaran'izy ireo. Enga anie izy ireo handre ny Feon'Andriamanitra miteny amin'izao andro izao, ao amin'ilay Feo kely, tony, bitika ao am-pon'izy ireo, manao hoe, "*Ity* no Lèlana, mandehana ao amin'Izany." Ekeo izany, Ray. Mangataka an'izany amin'ny Anaran'i Jesosy aho.

<sup>370</sup> Ary raha mbola manana ny lohantsika miondrika isika ankehitriny ato amin'ny mpanatrika. Raha mino an'ity ho Fahamarinana ianareo, ary ianareo—ianareo... Napetrako, nataoko teo ambonin'ireto mosara mipetraka eto ireto ny tànako, sy ireo fonosana ho an'ny marary sy ny ory. Te-hametraka fanontaniana iray aminareo aho, am-pahatsorana ankehitriny.

<sup>371</sup> Tsy tonga eto aho mba ho renesina fotsiny. Izaho—izaho—izaho dia vizaka. Reraka aho. Tsy tanora toy ny taloha intsony aho, ary izaho—ary izaho dia mahafantatra fa voaisa ny androntsika. Ary fantattro fa tsy maintsy mametraka ny zavatra kely rehetra izay azoko atao aho, ho an'ny Fanjak'an'Andriamanitra. Tsy maintsy mitory teny amin'ny fotoana rehetra izay hahafahako mahazo anjara aho. Izaho tsy maintsy, izaho tsy maintsy mandeha na iriako ilay izy na tsia.

<sup>372</sup> Tonga eto aho satria izaho—izaho no maniry hanao an'ilay izy. Izaho—izaho no te-hanao an'ilay izy. Tiako ianareo. Ary tsy milaza zavatra sarotra sy mafy aho, mba—mba... satria te-hanao an'izany aho. Misy—misy fitempotempoana iray ao anatiko ao. Ity tena zavatra izay voamarina ity ilay zavatra izay manery ahy hanao an'ireo zavatra ireo. Milaza an'izany amin'ny fahatsaram-panahy aho, am-pitiavana. Tsy ny handevilevy an'ireo vehivavintsika sy lehilahintsika no tiako atao. Tsy izany no tiako atao, rahalahy, ranabavy. Ny tiako atao fotsiny dia ny hitondra anareo eo amin'ny—ny toerana masiaka iray, eo amin'izay hahafahanareo mahita ny fanitsiana sy ny karavasin'ny Tompo, ka tsy maintsy hidiranareo ankehitriny. Aza ahemotra izany; mety efa niandry ela loatra ianareo.

<sup>373</sup> Ary ianareo izay maniry ny hiandany amin'ny Tompo, miaraka amin'ny fiaikena feno ao amin'ny fonareo, ato amin'ny fanatrehan'ny mpanatrika ankehitriny, na any amin'ny tany izay hisy an'ireo horonam-peo; ho tianareo ve, miaraka amin'ny lohanareo miondrika . . . Aza atsangana ny tànanareo raha tsy te-hanao an'izany ianareo. Ankehitriny raha tena te-hanao an'izany tokoa ianareo, te-hanatona ny Tompo ianareo, miaraka amin'ny fiainana voatokana kokoa, tsy hanangana ny tànanareo ve ianareo izao ankehitriny izao. Ianao, ny Tompo hitahy anao. Manokana ny tenanareo indray ho an'i Kristy ianareo, mba hiezaka ny hitondra an'ilay henatra. Hoy ianareo hoe, "Sitrako androany ny haka an'ilay henatra."

<sup>374</sup> Izaho dia manangana ny tànako roa, ihany koa. Izaho, izaho te-haka ny henatr'i Jesosy Kristy eo amiko. Izaho dia mitondra am-pifaliana an'io marika io antsoina hoe "holy roller," na inona mety tianareo hiantsoana azy. Mitondra an'izany amin'ny rehareha aho, satria izany dia noho ny amin'ny Tompo. Mitondra an'izany amin'ny rehareha aho.

<sup>375</sup> Tsy mba te-hanao an'izany koa ve ianareo rehetra? Atsangano ny tànanareo, ka manaova hoe, "Nohon'ny fahasoavan'Andriamanitra, izaho—izaho—izaho dia te . . . Izaho dia . . ." Niverina ireo mpianatra, nihevitra fa voninahitra lehibe ny nitondra ny henatry ny Anarany. Sa, te-hitondra ny henatry ny mpilalao iray an'i Hollywood ianareo, na zavatry ny televiziona, na mambran'ny fiangonana iray, na zavatra anankiray? Sa, ny henatry ny Tenin'i Jesosy Kristy no tianareo? "Omeo ahy ny henatry ny Teny, Tompo. Fantatro fa Izy no nitondra ny henatry ny Tenin'Andriamanitra. Avelao aho hitondra an'izany, ihany koa, Tompo."

Fa io hazo fijaliana masina io no ho entiko  
Mandra-pahatongan'ny fahafatesana hanafaka  
ahy,  
Avy eo dia hody aho, hitondra satroboninahitra  
iray.

<sup>376</sup> Hisy satroboninahitra iray indray andro any ho antsika. Efa amboarina izany ankehitriny. Rehefa tapitra ity fiainana an-tany ity, amin'izay fotoana izay dia fantatsika fa ho marina izany.

<sup>377</sup> Ankehitriny dia tsy misy efitra hitondrana ny olona manodidina ny alitara. Aoka ny sezanareo, izay misy anareo, ho alitara anankiray. "Izay rehetra nino . . ." Raha mbola mivavaka isika.

<sup>378</sup> Ray An-danitra, amiko dia toy ny hoe ny tànana rehetra an'ny tanora sy antitra, no nitsangana, ato amin'ity mpanatrika ity. Ary mivavaka aho mba, isaky ny halefa ity horonam-peo ity, ka ny olona hanangana ny tànany, sy handohalika ao amin'ny efitra; ny ray sy reny handeha ka hifandray tànana, ary hanao

hoe, "Malala, mpikambam-piangonana isika izay ela be izay. Ndaoo isika hanatona an'i Kristy." Ekeo izany, Tompo.

<sup>379</sup> Tahio ireto olona eto ireto. Mivavaka aho mba Hanomezanao azy ireo, Tompo, fiaainana voatokana iray. Ny maro amin'izy ireo, Tompo, dia olona tsara. Izy ireo dia—izy ireo dia Olonao; tsy nahafantatra ny Fahamarinana fotsiny izy ireo. Ary mivavaka aho mba Hanehoanao amin'izy ireo ny Fahamarinanao, Tompo. "Ny Teninao no Fahamarinana."

<sup>380</sup> Araka ny Nolazainao ao amin'i Jaona, ataoko fa eo amin'ny toko faha-17, hoy Ianao hoe, "Amasino izy ireo, Ray, amin'ny Fahamarinana. Ny Teninao no Fahamarinana."

<sup>381</sup> Ary Izany indray, ny Teninao, dia mbola Fahamarinana. Fahamarinana foana Izany, satria Andriamanitra Izany. Ary mivavaka aho, Andriamanitra, mba Hanamasinanao azy ireo amin'ny Fahamarinana. Izany hoe, manamasina, manadiova azy ireo hiala amin'ireo fanekem-pinoany sy anaram-piangonany. Diovy izy ireo hiala amin'ny zavatr'izao tontolo izao, ho amin'ny fiaainana iray voatokana an'ny Teny. Ekeo izany, Tompo. Anao izy ireo ankehitriny. Ianao no nampanantena fa hanao an'izany. Ary amin'ny maha-Mpanomponao, dia atolotro ny fivavako ho azy ireo. Amin'ny Anaran'i Jesosy Kristy.

<sup>382</sup> Ankehitriny miaraka amin'ny lohantsika miondrika, ndao isika hihira an'ity hira fiderana ity raha mbola manohy mivavaka isika.

Jesosy no nandoa azy rehetra,  
Ny rehetra teo Aminy . . . (Eritrereto izany!)  
Ny ota . . .

<sup>383</sup> Omaly aho dia tao amin'ny—ny toerana iray, ary lehilahy iray no nanametatra ahy ho an'ny palitao sy pataloa izay novidian'ny rahalahy iray ato amin'ity fiangonana ity ho ahy. Hoy izy hoe, "Ny palitao sy ny pataloanao toa ohatry ny mafana, ka nividy anankiray mangatsiatsiaka ho anao aho."

<sup>384</sup> Ary nandeha tany aho mba hanapaka an'ilay izy, ary hoy izy hoe. "Hono ho'aho, miha-milatsaka ny sorokao. Mety nitondra entana mavesatra ianao indray andro."

<sup>385</sup> Dia nieritreritra aho hoe, "Eny, ny entam-pahotana. Fa Jesosy no nandoa azy rehetra." Henoy raha mihira an'izany isika.

Jesosy no nandoa . . . rehetra,  
Noho izany ny rehetra, ny fiaainako rehetra, teo  
Aminy aho . . .

Inona no nataon'ny ota?

Namela pentipentina jaky ny ota,  
Izy no nanasa an'izany ho fotsy toy ny oram-panala.

<sup>386</sup> Andriamanitra, mamindrà fo aminay. Arak'ity fotoan'ny fisaintsainana lalina ity, dia aoka hamonto lalina ny Teny, Tompo, ao amin'ny fo. Aoka ny olona, na dia tara amin'ny sakafony hariva aza izy ireo... Fa, Tompo, Ity dia mihoatra lavitra noho ny sakafo. Ity no Fiainana. "Ny Teniko no sakafo," hoy Ianao. Ary Izany no hanin'ireo fanahinay noana.

<sup>387</sup> Ankehitriny raiso izahay, Tompo, amboary izahay. Tompo, raiso miaraka amin'izy ireo aho. Te-handeha miaraka amin'izy ireo aho. Mandeha any Kalvary aho ankehitriny, Tompo, amin'ny finoana. Mandeha miaraka amin'ity fiangonana ity aho. Ankehitriny amboary aho, Tompo. Nanao ratsy aho. Matetika aho...

<sup>388</sup> Teto vao haingana dia saika hijanona tsy hitory teny aho. Tsy nety nihaino ahy ny olona. Mbola nanohy nanao an'ilay zavatra iray ihany izy ireo, ary izaho—izaho dia kivy. Nanao henatra iray aho. O Andriamanitra! Alahady vitsivitsy lasa izay, rehefa nanome ahy an'ilay famantarana Ianao tany, ary novakiako ny Baiboly, ka hitako fa niteny tamin'i Mosesy Ianao, tahaka an'ilay nofy mihitsy, fa nisy tendrombohitra iray teo, ihany koa, ary ho famantarana iray ho azy izany. Ary avy eo teo amin'ny faran'ilay izy mihitsy, mba hahafantarana fa izaho—izaho dia nandao olona marary marobe; asam-panompoana iray tsy hoe ara-paminaniana fotsiny ihany, fa ao amin'ny fampianaranana ny Teny, ary—ary ho an'ny vavaka ho an'ny marary. Namela lehilahy iray maty nitsiatra teto amin'ny gorodona teto mihitsy Ianao, avy eo dia namerina azy ho amin'ny fiainana, mba ho fanamarinana fa izany no marina. Manamarina ny Teninao foana Ianao.

<sup>389</sup> Ankehitriny, Tompo, amarino Izany izao ankehitriny izao raha mbola eo anatrehan'ny Seza Fiandriananao aho. Raiso ny tsirairay avy amin'ireto olona ireto, Tompo, esory ao aminay izao tontolo izao. Raiso aho, Tompo, raha mbola ao amin'ny Fanatrehanao izahay. Esory fotsiny izao tontolo izao, folaho ny fonay, Andriamanitra, izao ankehitriny izao. Endaho ao aminay izao tontolo izao sy ny fiahiana an'izao tontolo izao. Avelao izahay ho Kristiana voatokana, O Andriamanitra, mba ho tia sy ho tsara fanahy sy malemy fanahy, mitondra ny yokatry ny Fanahy. Tsy hanao ve ianao, Tompo? Eto anoloan'ny Seza Fiandriananao izahay. Namela pentipentina jaky teo amin'ny tsirairay avy aminay ny ota, fa ny Rànao no afaka mamela an'izany, Tompo, ary manao an'ilay izy ho fotsy toy ny orampanala. Ekeo izany, raha mbola miandry Anao izahay. Raiso izahay; Anao izahay; manokana ny fiainanay ho Anao. Amin'ny Anaran'i Jesosy Kristy, ekeo izany, Tompo, ho an'ny tsirairay aminay.

<sup>390</sup> Folaho ny foko, Tompo. Hitako ny fahadisoako rehetra. Hitako ireo tsi-fahamarinako. Andriamanitra, manomboka amin'ity fotoana ity, dia hiezaka aho ny hiaina ny tsara indrindra

izay vitako, mba hanampy Anao. Te-handeha aho, te-hanokana ny fiainako indray ho Anao aho, eto izao maraina izao.

<sup>391</sup> Rehefaavy nitondra an'ity fiampangana ity manohitra an'ireo—ireo sakaizako mpitondra fivavahana any, ary tsy maintsy niteny an'ireo zavatra sarotra ireo, saingy, Tompo, nataoko tamin'ny alàlan'ny Tsindrimandrinao izany. Tsapako fa Ianao no nilaza tamiko mba hanao an'izany. Ankehitriny dia afaka teo an-tsoroko izany, Tompo. Izaho—izaho dia faly fa afaka izany. Avelao izy ireo hanao an'izany amin'izay tiany, Ray. Mivavaka aho mba haneken'izy ireo an'izany. Mivavaka aho mba Hamonjenao ny tsirairay avy, Tompo.

<sup>392</sup> Enga anie hisy fifohazan'ny marina iray hivoaka, sy Hery lehibe iray ho tonga eo anivon'ilay Fiagonana mialoha indrindra ny Fandehanany. Tsy sarotra ny mivavaka an'izany, satria Ianao no nampanantena an'izany. Ary miandry izahay, Tompo, an'ilay sintona fahatelo izay fantatray fa hanao zavatra lehibe ho anay eo afovoanay.

<sup>393</sup> Anao aho, Tompo. Mametraka ny tenako eto amin'ity alitara ity aho, voatokana mihitsy arak'izay fantatro hoe ahoana no hanaovako ny tenako. Esory ao amiko izao tontolo izao, Tompo. Esory ao amiko ireo zavatra izay mety lò; omeo ahy ireo zavatra tsy mety lò, ilay Tenin'Andriamanitra. Enga anie aho ho afaka hiaina an'izany Teny izany tena akaiky, hany ka ho ato amiko ny Teny, ary izaho ao amin'ny Teny. Ekeo izany, Tompo. Enga anie aho tsy hihodina amin'Izany intsony. Enga anie aho hihazona an'ilay Sabatry ny Mpanjaka mafy tsara, ary hamikitra an'Izany tena akaiky. Ekeo izany, Tompo.

<sup>394</sup> Tahio izahay rehetra. Mpanomponao izahay, raha manokana ny tenanay ho Anao izahay izao maraina izao, indray, ao amin'ny fonay. Anao izahay, amin'ny Anaran'i Jesosy Kristy, ho an'ny asa.

Jesosy . . .

Andriamanitra hitahy anareo! Rahalahy Neville.



*NY FIAMPANGANA* MAG63-0707M  
(The Indictment)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 7 Jolay, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)